

# OLE Liahona



**Ua Toatele Atu  
Talavou Ua O  
i le Malumalu:  
Fesoasoani ia i  
Latou la Saunia, i. 18**

**O Le Vaai Atu i La'u Misiona  
e ala i se Vaaiga Fou, i. 42**

**O Le Ala e Mafai ai ona  
Fesoasoani le Epikopo  
ina ia E Salamo, i. 58**

**Na Fetalai Mai Iesu ia Alofa  
i Tagata Uma—E Oo Lava i  
e Faasaua, i. 68**



*"Ae e ui atonu tatou  
te lagonaina le le  
mautonu i le lotolotoi  
o o tatou tulaga o i  
ai nei, ae ua folafola  
mai e le Atua le  
faamoemoe o Lona  
malamalama—Ua  
la folafola mai e  
faamalamalama le  
ala i o tatou luma  
atu ma faaali mai ia  
i tatou le auala e alu  
ese ai mai le pogisa."*

Peresitene Dieter F. Uchtdorf,  
Fesoasoani Lua i le Au Peresitene  
Sili, "O Le Faamoemoe  
o le Malamalama o le Atua,"  
*Liahona*, Me 2013, 70.

# O Le Liahona, Oketopa 2013



## O SAVALI

- 4 **Savali a le Au Peresitene Sili: O Lo Tatou Tiutetauave le Laveai**  
Saunia e Peresitene Thomas S. Monson

- 7 **Savali a Faiaoga Asiasi: O Le Misiona Paia a Iesu Keriso: Foafoa**

## TALA FAAALIA

### 12 **Faatino Lelei Lau Vaega**

Saunia e Elder Quentin L. Cook  
*Pe afai ua faigofie atu nai lo se isi lava taimi ona le mailoa o tatou tagata moni, e i ai ni mataupu faavae taua o loo aafia ai i le le faia o se uifimata ma ia faamaoni i lou faatuatuaga.*

## I LE FAAVAA

Luma: Ata na saunia e Cody Bell  
Tua: Totonu o le faavaa pito i luma:  
Ata na saunia e iStockphoto/Thinkstock.

### 18 **O Talavou ma Feagaiga o le Malumalu**

Saunia e Gary ma Susan Carter  
*O le taimi lenei e amata tapena ai lau fanau e ulu atu i le malumalu.*

### 20 **O Lo Tatou Tupuaga Maoae o Faifeautalai**

Saunia e LaRene Porter Gaunt ma Linda Dekker Lopez  
*Ofafeautalai uma, ua tuanai po o le taimi nei, e auaua atu ma le faamoemoe e faaleleia olaga o isi tagata.*

### 26 **Saunia e tetee atu i le Aso o le Taua**

Saunia e Elder Eduardo Gavarret  
*E mafai ona filifili e mataupu faavae e sili ona faatauvaa lo tatou taunuuga i le lotolotoi o le taua o le olaga.*

### 30 **Faanatinatiina o le Galuega o le Faaolataga**

*O le avea ma tagata o le Ekalesia a le Alii o lona uiga ua valaauina ia auai atoatoa i Lana galuega.*

### 34 **Avea ma se Tagata o le Filemu**

Saunia e Matthew D. Flitton  
*Na suia e le talalelei le loto o se tagata—ma aumaia faatasi ai lona aiga.*

## MATAGALUEGA

### 8 **Tusigāmanatu o le Konafesi o Oketopa: Manatu o le Konafesi Aoao**

Saunia e Tina Spencer

### 9 **Aoao Atu Mo Le Malosi o le Autalavou: Soifua Maloloina Faaletino ma Faalelagona**

### 10 **Tala Fou o le Ekalesia**

### 38 **O Leo o le Au Paia o Aso e Gata Ai**

### 80 **Seia Tatou Toe Feiloai: Ou Te Palauvale . . .**

Saunia e R. Val Johnson



42

**42 E Mafai Faapefea ona  
Avea A'u Ma se Faifeautalai  
Faamanuiaina?**

Saunia e Lauren Bangerter Wilde  
*Sa ma feagai ma le teenaina i soo  
se itu, ma sa ou lotovaivai ai. E  
tatau ona ou suea se faauigaga  
fou mo le manuia.*



*Vaai pe mafai  
ona e mauaina  
le Liahona o  
loo natia i le  
lomiga lenei  
Faaiteite:  
Faasoa atu le  
fuālaau'aina.*

- 46 Avea ma se Faifeautalai  
o le Tala'i La'u Talalelei**  
Saunia e Elder David A. Bednar  
*O nei tulaga manaomia e lima  
o le a fesoasoani ia te oe e avea  
ma se faifeautalai sili ona lelei.*

- 51 Na o Le Ataata Lava  
ma Fai Atu Leai**  
Saunia e Hazel Marie Tibule  
*E faapefea ona ou fai atu leai  
i le peresitene o le kamupani?*

- 52 Mo Le Malosi o le Autalavou:  
la Malolosi, la Ola Maloloina,  
la Atamamai**  
Saunia e Elder Adrián Ochoa  
*Fai ou seevae taalo ma alu loa!*

- 54 Mulimuli i Ona Tulagaaao**  
Saunia e Melissa Zenteno  
*O le avea e faapei o Iesu Keriso  
e tai pei lava o le fisiki [physics]  
maualuga atu, ae o le faagasologa  
e amata atu i lau laa muamua.*

- 56 Fesili ma Tali**  
*O le a lau tali i tagata lotu ese e  
fesili mai pe aisea e le ola ai nisi  
tagata o le Ekalesia i o tatou tulaga  
faatonuina?*

- 58 Aisea ae O a foi Mea e  
Tatau ona Ta'uta'u Atu  
i Lo'u Epikopo?**  
Saunia e Elder C. Scott Grow  
*O le salamo o se mea patino  
i le va o le Alii ma au. Aisea e  
manaomia ai foi ona ou talanoa  
i lo'u epikopo?*

52



61

**61 Valaauliaina o le Faaola  
i Totonu**

Saunia e Elder O. Vincent Haleck  
*O loo faatali mai le Faaola ina ia  
valaauliaina i totonu o lou olaga!*

**62 Tiakono Fou Lava**

Saunia e Jane McBride Choate  
*Na popole Benji i le tufaina o le  
faamanatuga. E mafai ona ia  
faia moni lava lenei mea?*

**64 I le Auala: Faatalitali  
i Uinita Kuata**

Saunia e Jennifer Maddy

**66 Na Malolo le Au Paia  
i Uinita Kuata**

Saunia e Arie Van De Graaff

**67 Molimau Faapitoa: E faapefea  
ona fetalai mai lesu Keriso i  
perofeta?**

Saunia e Elder D. Todd Christofferson

**68 Fesoasoani ia Vaioleti**

Saunia e Charlotte Mae Sheppard  
*E masani lava ona agaleaga  
Vaioleti ia Ema. Aisea e tatau  
ai ona agalelei Ema ia te ia?*

**70 Aumaia o le Peraimeri i le Fale:  
O Le A Ou Faasoaina atu le  
Talalelei i Fanau Uma a le Atua**

**72 O Kamila mai le Aai o Niu loka**

**74 O La Tatou Itulau**

**76 Mo Tamaiti Laiti**

**81 Atatosi o le Perofeta:  
Tavita O. MaKei**

**Susuga a le Au Peresitene Sili:** Thomas S. Monson,  
Henry B. Eyring, Dieter F. Uchtdorf

**O Le Korama a Aposteto e Toasefululuua:**

Boyd K. Packer, L. Tom Perry, Russell M. Nelson,  
Dallin H. Oaks, M. Russell Ballard, Richard G. Scott,  
Robert D. Hales, Jeffrey R. Holland, David A. Bednar,  
Quentin L. Cook, D. Todd Christofferson, Neil L. Andersen

**Faatonu:** Craig A. Cardon

**Fautua:** Shayne M. Bowen, Bradley D. Foster,  
Christoffel Golden Jr., Anthony D. Perkins

**Pule Faatonusili:** David T. Warner**Faatonusili o le Lagolago mo Aiga ma****Tagata o le Ekalesia:** Vincent A. Vaughn**Faatonusili o Mekasini a le Ekalesia:** Allan R. Loyborg**Pule o Mea Tau Pisinisi:** Garff Cannon**Pule Faatonutonu:** R. Val Johnson**Pule Faatonutonu Lagolago:** Ryan Carr,

LaRene Porter Gaunt

**Lagolago o Lomiga:** Melissa Zenteno

**Au Tusitusi ma Faatonutonu:** Susan Barrett, David Dickson, David A. Edwards, Matthew D. Flitton, Mindy Raye Friedman, Lori Fuller, Garrett H. Garff, Jennifer Grace Jones, Michael R. Morris, Richard M. Romney, Paul VanDenBergh

**Pule Faatonusili Tusiata:** J. Scott Knudsen**Faatonusili Tusiata:** Tadd R. Peterson

**Au Mamanu:** Jeanette Andrews, Fay P. Andrus, C. Kimball Bott, Thomas Child, Nate Gines, Kerry Lynn C. Herrin, Colleen Hinckley, Eric P. Johnsen, Susan Lofgren, Scott M. Mooy, Brad Teare

**Faatonu o le Puletaofia ma Fatufatuga:**

Collette Nebeker Aune

**Pule i le Gaosiga:** Jane Ann Peters

**Au Gaosi:** Kevin C. Banks, Connie Bowthorpe Bridge, Julie Burdett, Bryan W. Gygi, Denise Kirby, Ginny J. Nilson, Gayle Tate Rafferty

**Tailolomi:** Jeff L. Martin**Faatonusili LoloMiga:** Craig K. Sedgwick**Faatonusili o le Tufatufaga:** Stephen R. Christiansen

Mo le okaina o mekasini, alu i le store.lids.org po o le Falefusi Tutotonu i Pesega, Telefoni 64127. Totogi o le Mekasini: \$0.55 (Samoa) i le kopi. Totogi mo le Tausaga Atoa \$6.60 (Samoa).

**Auina atu tusitusiga ma faafesili i luga o le initoneti** i le liahona.lids.org: pe meli mai i le *Liahona*, Rm. 2420, 50 E. North Temple, Salt Lake City, UT 84150-0024, USA; po o le i-meli: liahona@ldschurch.org.

O Le *Liahona* (o lona uiga i le Tusi a Mamona o le "tapasa" po o se "faatonusala") e lomia i le faa-Alepania, Aminia (Sasae), Pisilama, Palekeria, Kemupotia, Sepuanu, Saina, Kalaoita, Siekisolovakia, Tenimaka, Take, Igilisi, Esitoria, Fiti, Finelani, Farani, Si'amani, Eleni, Hanikeri, Initu, Iselani, Irinonesia, Italia, Iapani, Kiripati, Korea, Latvia, Lituna, Malakasa, Masel, Monokolia, Nouei, Polani, Potukale, Romania, Rusia, Samoa, Saina (ua faafagofieina), Silovenia, Sipaniolo, Suetena, Swahili Tagaloka, Tahiti, Tai, Toga, Lukureini, Urutu, ma Viatename. (E eseese lava gagana.)

© 2013 Puletaofia e le Intellectual Reserve, Inc. Ua taofia aia tatau uma. Lomia i le lunaite Setete o Amerika.

E mafai ona kopi tala ma ata o le *Liahona* mo le toe faaaogaina i lotu po o le aiga ae ia le faia ai ni pisinisi. E le tatau ona kopi ni tala po o ni ata pe afai o faasa mai i le laina o loo ta'ua ai le e ona lea faatufugaga. Auina atu feisili e uiga i le puletaofia i le Intellectual Property Office, 50 East North Temple Street, Salt Lake City, UT 84150, USA; i-meli: cor-intellectualproperty@ldschurch.org.

**For Readers in the United States and Canada:**

October 2013 Vol. 37 No. 10. O LE LIAHONA (USPS 311) Samoa (ISSN 1045-0947) is published monthly by The Church of Jesus Christ of Latter-day Saints, 50 East North Temple, Salt Lake City, UT 84150. USA subscription price is \$10.00 per year; Canada, \$12.00 plus applicable taxes. Periodicals Postage Paid at Salt Lake City, Utah. Sixty days' notice required for change of address. Include address label from a recent issue; old and new address must be included. Send USA and Canadian subscriptions to Salt Lake Distribution Center at address below. Subscription help line: 1-800-537-5971. Credit card orders (Visa, MasterCard, American Express) may be taken by phone. (Canada Poste Information: Publication Agreement #40017431)

POSTMASTER: Send all UAA to CFS (see DMM 707.4.12.5). NONPOSTAL AND MILITARY FACILITIES: Send address changes to Distribution Services, Church Magazines, P.O. Box 26368, Salt Lake City, UT 84126-0368, USA.

# Manatu mo Afiafi Faaleaiga

O lenei lomiga o loo i ai tusiga ma gaoioiga e mafai ona faaaoga mo afiafi faaleaiga.  
O ni manatu nei e lua.



ATA NA SAUNIA E CRAIG DIMOND

## "Avea ma se Faifeautalai o le Talai La'u

**Talalelei**, itulau 46: Mafaufau e talanoaina o se aiga ia uiga e lima o le avea ma faifeautalai o le *Talai La'u Talalelei*. Ona taumafai lea e faataitai ia matapu faavae. E mafai ona outou iloiloina faatopetope se vaega o le *Talai La'u Talalelei* ma tuu atu i tagata eseese o le aiga ni taimi puupuu e auauai ai e faataitai le aoao atu o ni vaega o lesona a faifeautalai a o isi tagata o le aiga o faafoliga e avea ma tagata sailili. E mafai ona outou talanoa i luitau o le galuega faafaifeautalai ma palepalealuga i ni auala e atiina ae ai uiga o loo faamatala mai e Elder David A. Bednar.

## "la Malolosi, la Ola Maloloina, la

**Atamamai**, itulau 52: A uma ona iloiloina le tusiga a Elder Adrián Ochoa, mafaufau e fuafua se gaoioiga e mafai ai e tagata o lou aiga ona malolosi faatas faaletino. Atonu tou te mananao e taaaalo i se taalogia pe savalivali. la mautinoa e fetuunai le tou gaoioiga i le matutua ma le gafatia o tagata o le aiga (e mafai ona e fai atu i lau fanau matutua e fesoasoani i tamaiti laiti e faamaea le gaoioiga, mo se faataitaiga). A uma la outou gaoioiga, talanoa o se aiga i faamanuiaga o le ola malolosi faaletino. E mafai foi ona outou fuafuaina ni auala e faaaauai ai pea ona galulue o se aiga e mulimuli i fautuaga a lo tatou perofeta soifua e tauai o tatou tino.

## I LAU GAGANA

O loo maua le O Le Liahona ma isi tusi a le Ekalesia i le tele o gagana i le [languages.lds.org](http://languages.lds.org).

## AUTU I LENEI LOMIGA

E ta'u mai e numera le itulau muamua o le tusiga.

**Agaga Paia**, 41, 46**Alofa Mama**, 4, 20, 34, 68**Amio Sa'o**, 12, 51**Epikopo**, 58**Faaaliga**, 67**Faamagaloga**, 58, 68**Faamasinoina**, 56**Faaosoosoga**, 51, 80**Faataitaiga**, 12, 56**Faatoaagaina Mai**, 4, 30, 38**Faaugoa**, 39, 40, 72**Faigata**, 42, 64, 68**Filemu**, 34**Foafoaga**, 7**Gagana**, 80**Galuega faafaifeautalai**,20, 30, 40, 42, 46, 61,  
70, 72**Iesu Keriso**, 7, 76**MaKei, Tavita O.**, 81**Malumalu**, 18, 34**Paionia**, 64**Palauvate**, 80**Perisitura**, 62, 76**Perofeta**, 67**Salamo**, 58**Sauniuniga**, 26**Sini**, 12, 54**Soifua Maloloina**, 9, 52**Talafaasolopito o le Ekalesia**, 64, 66**Tala'i La'u Talalelei**, 42, 46, 54**Tamaiti**, 76**Tautau atu**, 58**Tulaga faatonuina**, 56, 80**Uiga faaKeriso**, 54**Upu o le Poto**, 9, 51, 52



Saunia e Peresitene  
Thomas S. Monson

# O LO TATOU TIUTETAUAVE LE Laveai

**M**o le Au Paia o Aso e Gata Ai, o le manaomia ona laveai mai o o tatou uso ma tuafafine o e, po o le a lava se mafuaaga, na se ese ai mai le ala o le toaga i le Ekalesia e faavavau lona ttau. O tatou iloa ni tagata faapena o e sa i ai se taimi na taliaina atoatoa ai le talalelei? Afai e i ai, o le a lo tatou tiutetauave e laveai mai ai i latou?

Manatunatu i e ua leiloloa o e ua loa soifua, o e ua maliliu taitoalua, ma e e mama'i. E masani lava ona maua i latou i le vaomatua matutu ma tuufua o le tuulafoaiina e ta'ua o le tuuatoatasi. Pe a ua aluese atu le talavou, pe a ua fai ifo le soifua maloloina, pe a ua faitiitia le malosi, pe a ua taupulapula le malamalamo o le faamoemoe, e mafai ona tausia ma lagolagoina i latou e lima e fesoasoani ma le loto e silafia le agalelei.

Ioe, e i ai isi e manaomia ona laveai. O nisi o tauivi ma agasala a'o isi o fesesea'i i le fefe po o le faapalapala po o le valea. Po o le a lava le mafuaaga, ua latou faaesea i latou lava mai le toaaga mai i le Lotu. Ma o le a toetoe lava a mautinoa lo latou tumau i le leiloloa sei vagana ua fagua ia i tatou—o tagata toaaga o le Ekalesia—se manao e laveai mai ma faaola.

## Se Tasi e Faaali Mai le Ala

O se taimi ua mavae, sa ou maua ai se tasi na tusia e se alii ua sē ese mai le Ekalesia. Ua faatusa i ai le toatele naua o o tatou tagata auai. Ina ua uma ona faamatala i le ala na le toe toaga ai i le lotu, sa ia tusia:

"Sa tele naua mea na ou maua ao lea ua matua itiiti lava. Ou te le o fiafia ma lagona e pei lava o loo o'u toilalo i mea uma lava. E lei tuua lava e le talalelei lo'u loto, e ui ua tuua lo'u olaga. Ou te talosaga atu mo a outou tatalo.

"Faamolemole aua ne'i galo i matou o loo iinei—o tagata o le Au Paia o Aso e Gata Ai ua leiloloa. Ou te iloa le mea o i ai le Ekalesia, ae o nisi taimi ou te manatu ai ou te manaomia se isi tagata e faaali mai ia te au le ala, faamalosiau mai ia te au, ave ese lo'u fefe, ma molimau mai ia te au."

A o ou faitau i le tusi lenei, na liliu atu o'u mafaufauga i se asiasiga sa ou faia i se tasi o nofoaga maoae o le lalolagi e faaali ai faatufugaga—o le Falemataaga tautaua o Vitoria ma Alapati i Lonetona, Egelani. O i ai iina, o loo i ai se ata mataina ua matuai uigaese le faavaaina, na valiina i le 1831 e Joseph Mallord William Turner. O loo faaalia i le atavalni ao uliuli ma le matamataita o le sami ma'ema'eā e faamalumalu mai ai le tulaga matautia ma le oti. O se malamalamo mai se vaa ua pa'ulia o loo susulu mai se mea mamao lava. I luma mai, o loo felafoai maualuga ai e galu fafati, se vaa-faaola tele. Na alo malosi e alii a latou foe ao tofu le vaafaaola i le sami sousou. I le matafaga o loo tutū ai se tina ma se fanau e toalua, ua susū i le timu ma sasa solo e le matagi. O loo latou autilo ma le popole agai i le sami. I lo'u mafaufau, sa ou faapuupuuina ai le igoa o le atavalni. Ia te au na ta'ua *I Le Laveai*.<sup>1</sup>

I le lololotoi o afā o le olaga, o loo faatalitali mai ai tulaga matautia. O alii ma tamaitai, tama ma teine latou te oo i le pa'ulia ma feagai ma le faatafunaga. O ai o le a taialaina le vaafaaola, tuua le mafanafana o le aiga ma le auaiga, ae alu atu i le laveaiga?

O la tatou galuega e le lofituina. Ua tatou i ai i le feau a le Alii; ua tatou agavaa mo Lana fesoasoani.

I le taimi o le galuega a le Matai, sa Ia valaau atu ai i faifaiva i Kalilaia e tuu a latou upega ae mulimuli atu ia te Ia, ma tautino atu, "Ou te faia oulua ma fai faiva i tagata."<sup>2</sup> Sei o tatou auai faatasai ma aufaifaiva o alii ma tamaitai, ina



ia mafai ona tatou tuuina atu soo se fesoasoani tatou te mafaia.

O la tatou tiute o le aapa atu e laveai i latou o e ua tuua le saogalemu o le toaaga [i le Ekalesia], ina ia mafai ona aumaia i latou i le laoai o le Alii e taumamafa i Ana afioga, ia olioli i le mafutaga a Lona Agaga, ma ia "le toe tagata ese, po o e ua aumau, a ua nuu faatasi ma le au paia, o le aiga foi o le Atua."<sup>3</sup>

### O Le Mataupu Faavae o le Alofa

Ua ou iloa ni mafuaaga autu se lula e mafua ai se toe toaga mai ma, mo suiga i uiga faaalia, mausa, ma faatinoga. Muamua, ua toe foi mai tagata ona na faaalia e se tagata ia i latou o latou avanoa i le faavavau ma na fesoasoani ia i latou e filifili i ausia. O tagata e le toaaga e le mafai ona faamalieina i le malolo umi i le tulaga vaivai pe a latou iloa e mafai ona latou aapa atu i mea e sili ona mataina.

Lona lua, e toe foi mai isi ona o e pele ia i latou po o le "nuu faatasi ma le au paia" ua mulimuli i le

apoapoaiga a le Faaola, ua alolofa i o latou tuaoi e pei o i latou lava,<sup>4</sup> ma ua fesoasoani i isi ina ia ausia a latou miti ma faataunu a latou sini.

O le metotia i lenei faagasologa sa avea—ma o le a faaauau pea ona avea ma—o le mataupu faavae o le alofa.

I se tulaga moni lava, o i latou na sa pagatia i le atavali a Turner o le fesou-aiga o le sami ua pei lava o le toatele o o tatou tagata le toaaga o loo faatalitali mai i le laveai a i latou o e taiatalina ia vaaffaaola. O loo momoo o latou loto mo se fesoasoani. O tina ma tama e tatalo mo o latou atalii ma afafine. O avā e aioi atu i le lagi ia aapa atu [se tasi] i a latou tane. O nisi taimi e tatalo tamaiti mo o latou matua.

O la'u tatalo ina ia tatou maua se manao e laveai e ua le toaaga mai, ma ia aumaia i latou i le olioli o le talalelei a Iesu Keriso, ina ia latou auai faatasi ma i tatou i mea uma ua ofoina mai i le faaumeaga atoatoa.

Talosia ia tatou aapa atu e laveai mai e ua leiloloa o e o loo siomia i tatou: o tagata matutua, e ua maliliu taitoalua, o e mama'i, i latou e i ai manaoga faapitoa, o e le toaaga mai, ma i latou o e le o tauisia poloaiga. Ia tatou faaloaloa atu ia i latou le lima e fesoasoani ma le loto e iloa le aga-alofa. O le faia o lena mea, o le a tatou aumaia ai le olioli i o latou loto, ma o le a tatou maua le lotomalie atoatoa lea e oo mai ia i tatou pe a tatou fesoasoani atu i isi i le agai atu i le ala o le ola e faavavau. ■

### FAAMATALAGA

1. O le igoa atoa o le atavali o le *The Life-Boat and Manby Apparatus Going Off to a Stranded Vessel Making Signal (Blue Lights) of Distress*.
2. Mataio 4:19.
3. Efeso 2:19.
4. Tagai Mataio 22:39.

### AOAO ATU MAI LENEI SAVALI

**M**afaufau e fesili atu i tagata e te asia pe latou te iloa soo se tasi na tauivī ma le auai i le lotu. E mafai ona e filifilia se tagata se toatasī ma talanoaina ni auala e faaali atu ai le alofa, e pei o le valaaulia o ia e auai i se afiafi faaleaiga po o le o mai mo se taumafataga.

## O Le Meaalofa o Jen

Saunia e Josi S. Kilpack

**S**a ou faia se vaega o filifiliga sese i lo'u tausaga lua i le aoga maualuga. O na filifiliga na oo atu ai i taunuuga ogaoga ma le faanoanoa, ma sa ou filifili loa e faaaoga la'u malologa o le taumafanafana e amata fai ai ni suiga. Ina ua toe a'e le aoga, e ai la'u meaai i le malologa i totonu o se tamai potu i le faletaele po o le faapaologa avanoa e aloese ai mai fegalegaleaiga le lelei o loo faatalitali e faafeiloia au.

Ou te le'i mauaina muamua ni lagona tuua toatasi.

Ona tuuina mai lea e le Atua o se meaalofa ia te au: na la auina mai ia te au Jen. Na te le faamasinoina lava au mo au

mea sese ae nai lo lena, na te uunaia au e aga'i atu pea i le ala sao. O le iloaina o le a i ai o ia i le aoga na fesoasoani e faaaauai pe aea ou faitau i tusitusiga paia ma faafailele la'u molimau. Ina ua oo i le taimi o le faauuga, sa ou faamonia ia te au lava na ou tautino e sui.

Ou te mafaufau lava i nisi taimi po o fea se mea semanu ou te i ai i le asō pe ana le aapa mai Jen ia te au. Faamata e mafai ona ou tumau i a'u mataupu faavae e aunoa ma ia? Ae ui o lea, o le a ou le iloaina lava aua sa i ai o ia iina ma lona loto atoa, saunia ma naunau e fesoasoani ia te au.


*E alala le tusitala i Iuta, ISA.*

## TAMAITI

### Auala e Laveai Ai

**N**aaoao mai Peresitene Thomas S. Monson e tatau ona tatou aapa atu i isi, e aofia ai tagata matutua, tagata ua maliliu taitoalua, mama'i, le toaaga mai, ma

i latou o e manaomia le fesoasoani faaopoopo. Vaai i ata o loo i lalo ma li'o ata o loo faaali mai ai se mea e mafai ona e faia e fesoasoani ai i isi.



I luga o laina o i lalo, tusi nisi o auala e mafai ona e fesoasoani ai i isi. E mafai ona e faaaogaina ia ata mo ni manatu.

Suesue ma le agaga tatalo i mea nei, ma saili ia iloa mea e faasoa atu faatasi ma uso e te asia. E faapefesa e le malamalama i le olaga ma le misiona a le Faaola ona faateleina lou faatuatua ia te Ia ma faamanuia i latou ua e tauisia? Mo nisi faamatatalaga, alu i le reliefssociety.lds.org.

## O Le Misiona Paia a Iesu Keriso: Foafoa

O le vaega muamua lenei o se faasologa o Savali a Faiaoga Asiasi o loo faatloa atu ai ni vaega o le misiona a le Faaola.

**O**Iesu Keriso “na foafoaina le lagi ma le lalolagi” (3 Nifae 9:15). Sa Ia faia e ala i le mana o le perisitua, i lalo o le taitaiga a lo tatou Tama Faalelagi (tagai Mose 1:33).

“E tatau ona tatou maua le lotofaafetai ona ua foafoaina e le Mataisau poto se lalolagi ma tuu i ai i tatou iinei” na saunoa ai Peresitene Thomas S. Monson, “... ina ia tatou oo i se taimi o tofotofoga, o se avanoa e faamaonia atu ai i tatou lava, ina ia mafai ona tatou agavaa mo mea uma ua saunia e le Atua mo i tatou ia maua.”<sup>1</sup> A faaaoga lo tatou faitalia e usitai ai i poloaiga a le Atua ma salamo, tatou te agavaa e toe foi atu e nonofo faatasi ma Ia.

E uiga i le Foafoaga, na saunoa ai Peresitene Dieter F. Uchtdorf, Fesoasoani Lua i le Au peresitene Sili:

“O i tatou o le pogai lea sa Ia foafoaina ai le lalolagi! ...

“O faamatalaga feteenai lenei a le tagata: a faatusa atu i le Atua, o le tagata o le mea noa; peitai o i tatou o mea uma ia i le Atua.”<sup>2</sup> O le iloaina o



Iesu Keriso na foafoaina le lalolagi mo i tatou aua o i tatou o mea uma ia i le Tama Faalelagi e mafai ona fesoasoani ia i tatou e faateleina ai lo tatou alofa mo i Laua.

### Mai Tusitusiga Paia

Ioane 1:3; Eperu 1:1–2; Mosaea 3:8; Mose 1:30–33, 35–39; Aperaamo 3:24–25

#### FAAMATALAGA

1. Thomas S. Monson, “O Le Tausinioga o le Olaga,” *Liahona*, Me 2012, 91.
2. Dieter F. Uchtdorf, “E Taus Oe ia te Ia,” *Liahona*, Nov. 2011, 20.
3. Iosefa Samita, i le *O Afafine i Lo'u Malo: O Le Talafaasolopito ma le Galuega a le Aualofa* (2011), 183.
4. *O Afafine i Lo'u Malo*, 183.
5. Iosefa Samita, i le *O Afafine i Lo'u Malo*, 181.



Faatuatua, Aiga,  
Toomaga

### Mai lo Tatou Talafaasolopito

Ua foafoaina i tatou i le faatusa o le Atua (tagai i le Mose 2:26–27), ma e i ai o tatou gafatia paia. Na apoapoiina e le Perofeta o Iosefa Samita ia tamaitai o le Aualofa ia “ola e tusa ai ma [o latou] faamamaluga.”<sup>3</sup> Faatasi ai ma lena faamalosiauga e avea ma se faavae, na aoaoina ai ia tamaitai o Le Ekalesia a Iesu Keriso o le Au Paia o Aso e Gata Ai ina ia ola e tusa ai ma o latou gafatia paia e ala i le faataunuina o faamoemoega o le Atua mo i latou. “A o faasolo ina latou malamala pe o ai moni i latou—o ni afafine o le Atua, faatasi ma se gafatia na soifua mai ma i latou ia alolofa ma faafaille—latou te ausia lo latou faamoemoega o ni tamaitai paia.”<sup>4</sup>

“Ua tuuina nei outou i se tulaga e mafai ai ona outou galulue e tusa ai ma na tigaalofa ua totōina e le Atua i o outou loto,” na saunoa ai le Perofeta o Iosefa Samita. “Afai tou te soifua ai i nei mataupu faavae e maeu ma maoae!—afai tou te soifua ai i lo outou faamamaluga, e le mafai ona taofiofia agelu mai le avea ai ma a outou paaga.”<sup>5</sup>

#### O LE A SE MEA E MAFAI ONA OU FAIA?

1. E faapefesa ona faateleina lo tatou alofa mo le Faaola i le saili ia malamala ma i lo tatou natura paia?

2. E mafai faapefesa ona faaalia lo tatou agaga faafetai mo le foafoaga a le Atua?

# MANATU O LE KONAFESI AOAO

Saunia e Tina Spencer



## "Mate Mai Po o Ai e Sau i le Taumafataga o le Afiafi?"

I le toe sefululima o aso oo i amataga o konafesi aoao taitasi, e tuu ai i luga e lo matou aiga le matou faailo e faalauiloa atu ai le amataga o le "Mate Mai Po o Ai e Sau i le Taumafataga o le Afiafi?" Ona matou faaopoopoa lea i ai o ata o o tatou perofeta, tagatavaai, ma talifaaaliga mai lomiga o konafesi talu ai o mekasini a le Ekalesia.

Ou te saunia e ala i le suesueina o le perofeta o le a matou taliaina i lena po. O nisi taimi ou te maua ai ni mea faitino i le fale e fai ma sui o ni nai mea na ou iloaina, ma ou tuuina i luga o se ipu mafolafola. I le taimi o le taumafataga, ao o'u faamatala atu ni tala e uiga i ia aitema taitasi, e taumafai tagata uma e mate po o ai. O nisi taimi, ou te faamatalaina ai se tala pe lua foi na faasoa mai e le perofeta i le taimi o le konafesi aoao ua mavae.

Ou te maofa i mea e manatua e la'u fanau e uiga i o tatou perofeta ma au aposetolo pele, ma ou te iloa o lenei taologa faigofie ua faateleina ai lo'u alofa ma le malamalamā e uiga i nei foi tamalii maoae.

## O La'u Lava Kopi o le Konafesi

Ina ua asiiasi mai Elder Neil L. Andersen o le Korama a Aposetolo e Toasefululua ma lona faletua, o Kathy, i le taimi o la matou konafesi faalesiteki, na faasoa mai e Sister Andersen se tala ia i matou. Fai mai o ia, a o latou nonofo i Farani, sa ia faia ai ni kopi o lauga o le konafesi mo le la fanau taitoatasi—e oo lava i le au laiti. Sa te'i o ia ina ua ia iloa le tau o kopi, lea sa matuai taugatā lava. Ona oo atu lea o se manatu i lona mafaufau: "O le a le tāua ia te oe o le mauaina e lou aiga o saunoaga a perofeta?"

Na matuai ou ootia lava i lenei

tala, ma sa ou faamautinoaina ia tofu tagata uma o lo matou aiga ma lana lava kopi o lauga o le konafesi. Sa matuai fiafia le ma fanau teine. Sa matou faaaogaina i a matou afiafi faaleaiga ma i le taimi o suesuega i tusitusiga paia. Sa ou fiafia i le vaaia o se tasi o afafine o fatauina e ia lava ia lauga ma faailoga i lana penivali sesega. O le isi afafine, na papatiso talu ai nei, na viga mai ia ma fataua na o ma'ua ia lauga.

## Lu'i o le Konafesi

I le avea ai ma se vaega o la'u lesona i le Aualofa, sa ou lu'iina ai uso taitoatasi e toe faamanatu lauga mai le konafesi ua mavae; o nisi uso na toe fatauina lauga, o isi na mata-mata i ai i le initonet. Na faailoa mai e nisi o uso le ala na latou lagona ai ua sili atu ona [latou] saunia mo le konafesi o loo loma. ■

*E alala le tusitala i Washington, ISA.*

# SOIFUA MALOLOINA FAALETINO MA FAALELAGONA

**M**o nisi o le autalavou, o le toilalo i le faaaogaina o mataupu faavae o le malosi faaletino, e mafai ona avea ma se faafitauli tele i le faia o ni uo ma le fausiaina o le talitonu o le tagata ia te ia lava. E le gata i lea, o le soifua maloloina faaletino ma faalelagona o se vaega taua ae o le tele o taimi o se vaega e le lava le atinaeina i sauniuniga e auauna atu i se misiona. O itulau e 52–53 o lenei lomiga, o loo talanoaina ai e Elder Adrián Ochoa o le Fitugafulu le ala e mafai ai e le tausia o o tatou tino ona puipuia le soifua maloloina faaletino ma faalelagona. O loo ia faamanatu mai ia i tatou e fai faamalositino ma usitai i le Upu o le Poto (tagai i le MF&F 89) ina ia tatou maloloina ma fiafia ai. A o e fesoasoani atu i lau fanau e aoao ma faaaaoga mataupu faavae o le soifua maloloina faaletino ma faalelagona, o le a mafai ona faateleina lo latou talitonu ia i latou lava ma saunia ai mo le auaunaga i le lumanai.

E pei o le saunoaga a Elder Ochoa: “O le tausia o lou tino o le a faamunuiaina ai foi lou mafaufau ma fesoasoani e te manatua ai o oe o se atalii/afafine o le Atua ma e mafai ona e maua le to'a ma le fiafia. O o tatou itu faalelagona, faaletino, ma faaleagaga e fesootai uma faatasi.”

## Fautuaga mo le Aoaoina o le Autalavou

- Faitau faatasi le tusiga a Elder Ochoa ma atinae se fuafuaga mo faamalositino faaleaiga faatasi ai ma ni sini patino ma mo'i.
- Faatasi ai ma lau fanau talavou, faitau le vaega o le soifua maloloina faaletino ma faalelagona o loo i le *Mo le Malosi o le Autalavou* (itulau 25–27). Talanoa po o le a le uiga o le soifua maloloina faalelagona.
- Usu faatasi le pese “E Ui i Faigata” (*Viiga*, nu. 63) ma talanoa i le mea ua aoao mai e le toetu e uiga i le taua o o tatou tino faaletino.
- Suesue i mau o loo lisi atu i lenei tusiga ma talanoa i le mea o loo latou aoaoina mai e uiga i le soifua maloloina faaletino ma le faalelagona.

## Fautuaga mo le Aoaoina o Tamaiti

- Faali atu i lau tama se ata o se malumalu. Ia talanoaina po o le a le uiga o le mea na aoao mai e le Apostolo o Paulo e faapea o o tatou tino o “malumalu lea o le Agaga Paia” (1 Korinito 6:19) ma pe faapefea e lenei malamalamaga ona fesoasoani ia i tatou e tausia o tatou tino ma mafaufau.
- Fai se lisi o gaoioiga faafafia aoga e manao lau tama e fai faatasi o se aiga. Ona fatu lea o se fuafuaga mo le auala e avea ai nei gaoioiga o se vaega o le olaga faaleaiga.
- Ia talanoaina ni auala ia malamalamaga ma pulea ai lagona, e aofia ai le ita po o le faanoanoa. Usu le pese “Afai ua E Fiafia” (*Tusipese a Tamaiti*, 125), “O Loo Ou Taumafai e Avea e Pei o Iesu” (*Tusipese a Tamaiti*, 40), po o se isi pese e faatatau i lagona ma le faia o filifiliga lelei. ■



## MAU FESOOTAI

Faataoto 16:32

Tanielu 1:3–20

Luka 21:19

Roma 12:1–2

1 Korinito 6:19–20

1 Tesalonia 5:14

Alema 38:12; 53:20

Mataupu Faavae ma Feagaiga 88:15; 89

# TALA FOU O LE EKALESIA

Asiasi ane i le news.lds.org mo se faaopoopoga o tala fou ma mea e tutupu i le Ekalesia.

## Ua Mafai e Tagata o le Ekalesia Ona Talosagaina Laina o le Pule o le Perisitua

Saunia e Ryan Morgenegg

Church News

Ua mafai nei e le Ekalesia ona tuuina atu faamatalaga o laina o le pule o le perisitua o se auaunaga i le au paia pe a talosagaina. O le laina o le pule o le perisitua o se mamanu faasolosolo o faauuga lea e mafai ona tau atu i tua i le uluui amataga o le Ekalesia ma faapea ona tau atu ai i le Faaola.

E ui o se e umia le perisitua i le tofi o le Fitugafulu e ono aofia i le laina patino o le perisitua a se tagata o le Ekalesia, ae e leai se laina motuese o le pule e taofia mo le tofi o le Fitugafulu. Ma le isi, o le laina o le pule o le perisitua mo epikopo ma peteriaka faauuina e su'e e ala i o latou faauuga o se faiatulaga sili.

E na o faamatalaga e faatatau i laina o le pule o le Perisitua Mekisateko e mafai ona talosagaina mai i le Ekalesia; e le maua laina o le Perisitua Arona. E mafai e tagata o le Ekalesia ona talosagaina faamatalaga o latou lava laina o le pule o le Perisitua Mekisateko, se tamaitiiti o loo nofo i le aiga, po o se faifeautalai talavou o loo faamisiona i le taimi lea. O nei pepa o faamatalaga e le o ni faamaumauga aloaia a le Ekalesia.

Afai e te finagalo e talosaga lou laina o le pule o le perisitua, ia aofia mai ai lou igoa atoa faatulafonoina, aso fanau, numera o le pepa faamaumau (o loo maua i luga o se pepa faataga o le malumalu pe mai le failautusi o la outou uarota), le igoa o le tagata na faauuina oe i le tofi o le toeaina po o le faiatulaga sili (pe afai o iloa), ma lou tuatusi e lafo atu ai ma le numera o le telefoni po o le tuatusi imeli.

Auina mai lau talosaga i le:

Priesthood Line of Authority

Global Service Center

120 North 200 West

Salt Lake City, Utah 84103-1514, USA

Fesi: 1-801-240-6816

Telefoni: 1-800-453-3860, laina faaopoopo  
2-3500

Imeli: Auina mai se imeli i le

lineofauthority@ldschurch.org ae tuu le "PLA" i le laina o le mataupu O le tali o le a e maua ai se fomu e faatumu ma toe faafoi mai (e i ai se tali otometi i soo se savali e i ai le "PLA" i le laina o le mataupu). ■



*O le laina o  
le pule o le  
perisitua mo i  
latou e faati-  
noina sauniga  
e mafai ona  
maua seia oo i  
tua i le Faaola.*



**Na mamanuina e tagata sisiva ma ni ili le numera "20" i le aluga o se faafiafiaga lea na faia e faamanatu ai le lona 20 tausaga o le Ekalesia i Monokolia.**

### Ua Faamanatu e Monokolia le 20 Tausaga o le Ekalesia

O le Aso Gafua, 15 Aperila, 2013, e silia ma le 300 tagata o le Ekalesia na potopoto i Zaisan Hill i Ulaanbataar, Monokolia, e faamanatuina le 20 tausaga o le Ekalesia i lena atunuu. O pesega na lagiina e se aufaipese e 50 tagata, ma sa faafogofa le faalapotopotoga i se saunoaga na pueina a Elder Neal A. Maxwell (1926–2004) a o ia faapaiaaina ia Monokolia mo le talaiina o le talalelei i le 1993.

O Elder Tai Kwok Yuen, o se tasi sa i ai i le Au Peresitene o le Eria i Asia o le na malaga faatasi ma Elder Maxwell i Monokolia i le 1993, na matauina le ala na "galueaiina ai pea e aao o le Alii ia lea vaega o Lana tovine."

O gaoioiga eseese i le aluga o le vайaso na faailogaina ai le aso faamanatuina. Na tatai mai e se faatasiga a le misiona ni fai-feautalai ua maea misiona e toa 200. E silia ma le 1,000 tagata Monokolia na auauna atu faafaifeautalai faamisiona—e toetiti lava toa 1 mai le toa 10 o tagata taitasi o le ekalesia i Monokolia. Na faataunuina ni sauniga papatisoga i Monokolia atoa i le afiafi o le Aso Faraile; e toa 24 tagata na papatisoina i lena aso. O Mary N. Cook, o le na faamalolo talu ai nei mai le au peresitene aoao a Tamaitai Talavou, na saunoa i se faigalotu a Tamaitai Talavou, ma na faaliai ai i le faletatala o talafaasolopito o aiga

se vitio o i ai ni faatonuga mo se galuega faatino fou o Gafa. Sa faalauiloa ai foi se tulaga faaaganuu tautaua o Monokolia i faafiafiaga faatasi ai ma taleni a le toatele o tagata o le Ekalesia.

### Na Faailogaina e tagata o le Au Paia o Aso e Gata Ai i Haiti le Aso Faamanatu, e Fesoasoani i le Totoina o Laau

I le aso 1 Me, 2013, na auai atu ai tagata o le Ekalesia i Haiti i se galuega faatino maoae i totolu o le atunuu o le totoina o laau. Na totoina le anoano o tamai laau i le aso muamua o le galuega, ma o le a faauaa ai pea ona totoina le tele o laau. A maea le galuega faatino, o le a tutupu ae ni laau fou e 400,000 i Haiti, e aofia ai tipolo, moli, niu, esi, ma aluna (oak).

Na faatauina e le Ekalesia ia laau e avea o se vaega o lona lagolago faifaipea i le toe faaleleia o Haiti mai le mafuie. Na saunia ai foi e le galuega faatino ia tagata o le ekalesia mo se galuega auauna atu e faamanatu ai le atoaga o le 30 tausaga o le Ekalesia i lenei malo atumotu. O le tolusefulu tausaga ua mavae, sa asiati atu ai Peresitene Thomas S. Monson, o avea lena ma se tasi o le Korama a Apostolo e Toasefululua, i Haiti ma faapaiaaina ai le atunuu mo le talaiina o le talalelei toefuataiina.

Na auai atu Elder Neil L. Andersen o le Korama a Apostolo e Toasefululua i Haiti i le taimi o le Aso Faamanatu ma sa pulefaamalumalu ai i le tatalaga o se maa faamanatu lea na faailoga ai le amataga o le Ekalesia i Haiti.

### Ua Foai atu e le Ekalesia le Tasi Miliona Pauna o Meaai i Feeding America

Ia Me 2013 na foai ai e le Ekalesia, e ala atu i lona lala agaalofa o le Latter-day Saint Charities, le silia ma le tasi miliona pauna o meaai i Feeding America, o se faalapotopotoga aupito i tele le suetupe e laveai tagata fiaai i le lunaite Setete. O le foai na aofia ai meaai tuuapa e pei o fualau suamalie, fualau fai supo, ma pi, lea o le a tufatufa atu i aiga e le tagolima e ala atu i feleteuoloa ma nofoaga sulufai eseese o alalafaga i le lunaite Setete atoa.

O Bob Aiken, o le peresitene ma le pule faatonusili o Feeding America, na saunoa faapea o le a saunia e lenei foai ni aiga e 625,000.

### Na totoina e faifeautalai ma le au paia i Haiti ni laau i luga o mauga maualuluga o le taulaga o Port au Prince, lea e mafai ona vaiai i tuaata.



ATA NA PUENIA E JASON SWENSEN



Saunia e Elder Quentin L. Cook

O Le Korama a Apostolo e  
Toasefululua

**S**a masani lava on faamatalaina e Peresitene David O. McKay (1873–1970) se tala o se mea na tupu a o avea o ia ma se faifeautalai na auauna atu i Sikotilani. Sa ia lagonaina le misia o lona aiga ina ua mavae le i ai i le misiona mo na o se taimi puupuu ma faaalu ni nai itula e matamata ai i le Maota i Castle na lata ane. Ina ua la foi ane ma lana soa mai le asiasi atu i le maota, sa la pasia se fale lea sa i ai i luga a'e o le faitotoa se maa na vaneina ai ni upu o se upusii, e masani ona iloa ai ia Siekisipia, lea na faitauina, “Po o Ai Lava Lou Ituaiga Tagata, Faatino Lelei Lau Vaega.”

O le ta'ua ai o lenei aafiaga, na saunoa ai Peresitene MaKei: “Sa ou fai ifo ia te au lava, po o le Agaga i totonu ia te au, ‘O oe o se



*Ia amiotonu. Fausia se aiga. Saili se auala talafeagai e tusia ai. Auauna atu e pei ona valaauiua ai. Saunia e feiloai ma le Atua.*



ATA O ELDER QUENTIN L. COOK NA PUENIA E CRAIG DIMOND, ATA NA TUSIA E SCOTT DAVIS

tagata o le Ekalesia a Iesu Keriso o le Au Paia o Aso e Gata Ai. E sili atu nai lo lena, ua e i ai iinei o se sui o le Alii o Iesu Keriso. Ua e taliana le tiutetauave e avea ma se sui o le Ekalesia.' Ona ou mafaufau lea [e uiga] i le mea na ma faia i lena taeao. Na ma matamata solo; na ma maua ai ni aoaoga ma ni faamatalaga anamua, e moni, ma sa ou matuai fiafia lava i ai. . . . Ae peitai, sa le o le galuega lena faafafeautalai. . . . Sa ou taliana le savali na tuuina mai ia te au i lena maa, ma mai lena lava taimi na ma taumafai ai e fai le ma vaega i le avea ai ma faifeautalai i Sikotilani.<sup>1</sup>

Na matuai taua lenei savali ma sa tele sona aafiaga ia te ia o lea na faaaoga ai e Peresitene MaKei e avea ma se uunaiga mo lona soifuaga atoa. Sa filifili o ia po o le a lava se tiutetauave sa na maua, o le a ia faia le mea sili na te mafaia.

#### **Aloese mai le Faia o ni Uiga e le Masani Ai**

I se vaaiga i le faamoemoega tele mo le lelei o outou o tupulaga lalovaoa o le Ekalesia, o a ni o'u popolega mo lo outou lumanai? O le a se fautuaga e mafai ona ou tuuina atu ia te outou? Muamua, o le a e feagai ma ni uunaiga maoae e fai ni uiga e le masani ai—e oo i le faia o se ufimata—ma avea ai ma se tasi e le atagia atu ai lou tagata moni po o le tagata foi e manao e avea ai.

I popofou o le talafasolopito o le Ekalesia, sa nonofo le Perofeta o Iosefa, o Ema, ma la laua masaga e 11-masina le matutua, o Iosefa ma Sulia, i Hiram, Ohaio, i le fale o John ma Alice Johnson. O tamaiti uma e toalua sa mamai i le misela. Sa momoe Iosefa ma lona atalii laitiiti i se moega faiuili e toso mai lalo o se isi moega, e lata i le faitotoa pito i luma.

I se tasi o po, na feosoi mai ai i le faitotoa se vaega o alii na vali uli o latou foliga, ma toso le Perofeta i fafo, lea na latou sasaina ai o ia ma sasaa le ta i o laua luga ma Sini Rikitone.

O le vaega aupito leaga o lenei osofaiga, o le taia ai o Iosefa laitiiti i le maluluina o le po

ma aafia ai i se fulū ogaoga ina ua toso ese atu lona tamā. O se taunuuga, na oti o ia i ni nai aso mulimuli ane.<sup>2</sup>

O i latou na auai i le Fasiotiina o le Perofeta ma lona uso o Ailama na valiina foi o latou foliga e nanā ai o latou tagata moni.<sup>3</sup>

I lo tatou vaitaimi, lea ua faigofie atu ai nai lo se isi lava taimi le nanāina o tatou tagata moni, e i ai ni mataupu faavae taua o aofia ai i le le faia o se ufimata ma le "ia tutumau i faatuatuaga . . . ua faapea ona ma'umau ai soifua o e ua maliufasia."<sup>4</sup>

O se tasi o ou puipuiga auptito sili e faasaga i le faia o filifiliga le lelei, o le lē faia lea o soo se ufimata o le lē

Gata Ai, e mafai ona matua aafia ai i latou e le o i ai se malamalama e uiga i le Atua po o se molimau e uiga i le Faaola.

O soo se faaaogaaga o le initonet i se soona fai, faaleaga ai se igoa o se tasi, po o le tuuina ai o se tagata i se malamalama leaga, o se faiga faataumaoi. O le mea ua tatou vaaia i totonusi o atunu, pe a faaaogaina e tagata ufimata o le lē faailoaina o igoa, ua sili atu ona latou auai i lenei ituaiga amioga, lea e matua faataumaoia ai aaoaga faalemalu. E faapea foi ona solia ai mataupu faavae autu na aaooina e le Faaola.

Na faamalamalama mai e le Faaola e le'i sau o Ia ina ia faasala i le lalolagi, ae e laveai le lalolagi. Ona Ia faamalamalama mai lea o le uiga o le faasala:

"O le faasala foi lenei, ua oo mai le malamalama i le lalolagi, a o tagata e sili lo latou manao i le pouliuli i lo le malamalama aua e leaga a latou amio.

"Aua o i latou uma o e fai mea leaga e inoino i latou i le malamalama, e le o mai foi i le malamalama, nei faailoa a latou amio.

"A o le ua faamaoni ana mea e fai, e sau lava o ia i le malamalama, ia faaalia ana amio ina ua tatau i le Atua" (Ioane 3:19–21; tagai foi i le fuaiupu 17–18).

O tagata amiontonu e le manaomia le faia o ufimata e natia ai o latou faasinomaga.



*O Elder L. Tom Perry na faatinoina  
lelei lana vaega ao i ai i Iapani.*

faailoaina o le igoa. Afai e i ai se taimi e te manao ai e faia lea tulaga, faamolemole ia iloa o se faailoga ogaoga lea o le tulaga matautia ma o se tasi o meafaigaluega a le fili e faaoso ai oe e faia se mea e le tatau ona e faia.

O se mea masani i lenei vaitaimi le natiaina o le tulaga moni o se tasi pe a tusia ni fesootaiga le fiafia, faatiga, faailogalanu i luga o le initonet. O nisi latou te ta'ua o le *afi musaesae*.

Na tusia e le Apostolo o Paulo:

"Aua ne'i faaseseina outou: o le feoai ma e amio leaga e leaga ai amio lelei.

"Ina ala mai ia i le amiontonu, a e aua ne'i agasala; auā ua pouliuli nisi i la le Atua" (1 Korinito 15:33–34).


Ua manino lava o fesootaiga faatiapolo e le na o se tulaga o le le mafaufau. Afai e faia e le Au Paia o Aso e

### **Ia Faia e Tusa ma ou Talitonuga Moni**

E te faia e tusa ai ma ou talitonuga moni e ala i le faaaluina o lou taimi i mea o le a fousia ai ma atiina ae ai lou tagata ma fesoasoani e te avea atili ai e faapei o Keriso. Ou te faamoemoe o le a leai se tasi o outou e vaai atu i le olaga ua na o se mea malie ma taaloga, ae o se taimi "e saunia ai e feiloai ma le Atua" (Alema 34:32).

O se faataitaiga matagofie o le faia o lau vaega ma faaoga ma le tatau o le taimi e sau mai le soifuaga o Elder L. Tom Perry o le Korama a Aposetolo e Toasefululua, i le taimi, a o avea ma se [fitafita o le] malini, sa avea o ia ma se vaega o le fitafita a le I.S. lea na i ai i Iapani i le faaigua o le Taua Lona II a le Lalolagi. Na faasoa mai e Elder Perry lenei tala ina ua ia faamauina lana molimau faapitoa i le Faaola.

"O au o se tasi o uluai Marini na tuvae i le pa'umatu o Iapani ina ua uma ona sainia le feagaiga o le filemu i le mae'a ai o le Taua Lona II a le Lalolagi. A o matou ulu atu i le aai ua faatafunaina o Nagasaki, sa o se tasi o aafia e



*O se tasi o ou puipuiga  
aupito sili e faasaga i le  
faia o filifiliga le lelei, o le  
lē faia lea o soo se uifimata  
o le lē faailoaina o le igoa.*

sili ona faanoanoa o lo'u olaga. Sa matua faataumaoia se vaega tele o le aai. E lei tatanuina nisi o tagata oti. I le avea ai ma ni fitafita e puipuia nofoaga na manumalo ai, sa matou faatutuina nofoaga e faamautu ai ma matou galulue loa.

“Sa matua matautia le tulaga, ma e toaitiiti i matou na mananao e foai tele atu. Sa matou o i le failotu o la matou vaega ma talosagaina se faatagaga e fesoasoani ai i le toe fausiaina o falesa Kerisiano. Ona o puipuiga a le malo i le taimi o le taua, o lea na toetoe ai lava ina le toe faaaogaina nei falesa. Sa matua faaleagaina lava nai o latou fale na totoe. Sa volenitia atu se vaega o i matou e toe lipea ma toe fai simā o nei falesa i o matou taimi avanoa, ina ia mafai ai ona avanoa e toe fai ai a latou tapuaiga faa-Kerisiano.

“ . . . Sa matou mauaina ia faifeau sa le mafai ona fai la latou tautua i tausaga o le taua ma faamalosiau atu ia i latou e toe foi i o latou pulelaa. Sa maoae so matou aafiaga ma nei tagata, a o latou toe oo i le saolotoga e faatino ai o latou talitonuga faa-Kerisiano.

“Sa i ai se mea na tupu a o matou tuua Nagasaki ae toe foi atu i aiga, o le a ou manatuaina pea lava. A o matou tulioso i le nofoaafi matou te o ai e pue le vaa e foi ai i le aiga, sa taufafai mai le toatele o isi malini ia i matou. Sa latou faatasi ai ma a latou uo teine ma [sa] latou faamavae atu i ai. Sa talie mai ia i matou ma fai mai ua matou misia le malie o le i ai i Iapani. Na matou faama’imaui o matou taimi e faigaluega ai ma faasimā puipui.

“A o faifai tetele la latou taufaalilili, sa manu a'e i si mati'e laitiiti i talaane o le nofoaga o nofoaafi pe tusa ma le 200 tagata Kerisiano maoae Iapani mai nei falesa sa matou lipeaina, ma pepese mai i le ‘Savali i Luma le Autau Kerisiano.’ Na latou o mai ma la'u mai meaalofa mo i matou. Ona fai lea o la latou laina i autafa o le ala o le nofoaafi, ma a o amata solosolo malie ese le nofoaafi, sa matou aapa atu ma pa'i atu i o latou tamatamai lima a o matou malaga ese atu. Sa matou le magagana; sa matua o'otia o matou lagona. Ae sa matou faafetai ona sa mafai ona matou fesoasoani i sina ala itiiti e toefauina le faa-Kerisiano i se atunuu ina ua mavae le taua.”<sup>5</sup>

Faamolemole ia mafaufau loloto ma ia taulamua i le filifilia o auala e faaaoga ai lou taimi. E pei ona outou tagai i ai mai le faataitaiga a Elder Perry, ou te le o talanoa atu e uiga i le faaalialia o lau tapuaiga po o le faataga faamaoni. E mafai ona faamaasiasi ai oe ma le Ekalesia. O loo ou talanoa atu e uiga i lou avea ma tagata e tatau ona avea ai oe.

## Faatutu ni Sini Talafeagai

O lau fautuaga lona tolu e faatatau i nisi o sini e tatau ona e mafaufau i ai. Pe tusa o le taimi lea na i ai Elder Perry i Iapani ma le vaega o malini, sa auauna atu ai foi ia Peresitene Boyd K. Packer, le Peresitene o le Korama a Apostolo e Toasefululua, i Iapani i le vaega o le ea fosi i le faaiuga o le Taua Lona II a le Lalolagi.

I le 2004, sa matou malaga faatasi ai ma Peresitene Packer ma isi i Iapani. Sa ia maua se avanoa e toe faamanatu ai nisi o mea sa ia faia ma tomanatu ai i nisi o aafiaga ma faaiuga na ia faia i lena taimi. Faatasi ai ma



*O Peresitene Boyd K. Packer ua faamanuaina mo le setiina o ni sini amiontonu.*

lana faatagaga, ou te faasoa atu ai nisi o ona manatu ma lagona.

Na faamatalaina e Peresitene Packer ni aafiaga na tutupu i se motu e le mamao mai le talafatai o Okinawa. Na te mafaufau i lenei mea o lana mauga i le vaomatua. O lana tapenaga patino ma feiloaiga ma isi tagata o le ekalesia na atili loloto ai lona talitonuga i aoaoga a le talalelei. O le mea na te lei mauaina o le faamaoniga—le malamalama mautinoa i mea ua uma ona ia lagona e moni.

O lē na tusia le talaaga o le soifuaga o Peresitene Packer ua ia iloa le mea na tutupu: “E ese mai i le faamaoniga o le filemu na ia sailia, sa faafesagai tonu o ia ma le aasa o le taua e faasaga i tagata lē sala. O le sailia o se nofoaga filemu ma se taimi e mafaufau ai, na ia

a’e ai, i se tasi o aso, i se maupu’epu’e i luga ae o le sami. O iina na ia maua ai ni toega o se fale a se faifaatoaga na faaleagaina, o lana faatoaga umala ua tuulafoaia na lata ane i ai. Ma sa ia vaaia i le lotolotoi o laau ua pepē le taatitia ai o ni tino maliliu o se tina na fasiotia ma lana fanau e toalua. O se vaaiga na faatumulia ai o ia i le faanoanoa loloto na milo faatasi ai ma lagona o le alofa mo lona lava aiga ma aiga uma.”<sup>6</sup>

Mulimuli ane sa alu o ia i totonusi o se fale le tumau, lea sa ia manatunatu ai, mafaufau loloto, ma tatalo ai. I le toe tepea i tua i lenei mea na tupu, na faamatala ai e Peresitene Packer le mea ou te ta'uina o se faamaoniga o se aafiaga faaleagaga. Sa musuia o ia i le mea e tatau ona ia faia i lona olaga. E moni, e le'i i ai sona manatu o le a valaauina o ia i le valaauga maualuga ma paia o loo ia umia i le taimi nei. O lana vaaiga mamao sa fia avea ma se faiaoga, e faamamafaina atu aoaoga a le Faaola. Sa tonu ia te ia o le a ia ola i se olaga amiontonu.

Sa oo atu ia te ia i se ala loloto e faapea, o le a tatau ai ona su'e sana avā amiontonu ma o le a la tausia faatasi se aiga toatele. Na silafia e lenei fitafita talavou o lana matātā filifilia o le a tuuina mai ai se taui talafeagai, ma o lana soa lelei o le a manaomia ona la tausoaina faatasi ia mea e tatau ona faamuamua ma ia sauni e ola e aunoa ma nisi mea o le lalolagi. O Sister Donna Packer sa, ma, mo Peresitene Packer, o le soa tonu lava lea. E le'i i ai lava se taimi na lava ai se la tupe faasili, peitai e le'i ai lava se mea na la lagonaina ai le mativa. Na la tausia se fanau e toa 10, ma sa la ositaulaga. Ua toa 60 nei fanau a le la fanau ma a latou fanau e silia ma le 80.

Ua ou faasoaina atu lenei tala moni ona o le tele o taimi e faavae ai a tatou sini i mea e faatāūa e le lalolagi. O mea e taua e matuai faigofie lava mo tagata o le ekalesia o e ua mauaina sauniga faaola. Ia amiontonu. Fausia se aiga. Saili se auala talafeagai e tausia ai. Auauna atu ai e pei ona valauina ai. Saunia e feiloai ma le Atua.

Na aoao mai le Faaola e faapea “e le ola se tasi i le tele o ana mea ua ia te ia” (Luka 12:15).

## Fausia Lou Atunu ma le Alalafaga

E le gata i uiga o le tagata lava ia, uiga auau mama, ma faaiuga, afai o le a avea outou ma tupulaga e tatau ona avea ai, o le a outou fausia atunu ma alalafaga o loo outou nonofo ai. O le a manaomia ona puipui e lau tupulaga le amiontonu ma le saolotoga o tapuaiga. O le



*O le tofi o tagata Kerisiano-Iutaia ua tatou mautofi ai e le gata e taua ae e taua foi i le fuafuaga a lo tatou Tama oi le Lagi. E tatau ona tatou faasaosaoina mo tupulaga o le lumanai.*

tofi o tagata Kerisiano-Iutaia ua tatou mautofi ai e le gata e taua ae e taua foi i le fuafuaga a lo tatou Tama oi le Lagi. E tatau ona tatou faasaosaoina mo tupulaga o le lumanai. E tatau ona tatou auai faatasi ma tagata lelei, e aofia ai i latou o faatuatuaga uma—ae maise lava o i latou o e lagonaina le tali atu i le Atua mo a latou amioga. O tagata nei o le a malamalama i le fautuaga e faapea “po o ai lava lou ituaiga tagata, faatino lelei lau vaega.” O le manuia o le faaleleia o tulaga faatauaina o tagata Kerisiano-Iutaia ma le saolotoga o tapuaiga, o le a faailoga ai la outou tupulaga o le tupulaga maoe e tatau ona i ai.

Faatasi ai ma luitau o i ai i le lalolagi i nei ona po, ua faapitoa ai le popole o le Au Peresitene Sili ma le Korama a Aposetolo e Toasefululua ina ia outou auai ma le tatau i faiga faaupufai i totonu o le atunu o loo e aumau ai. E faavaeluatai le Ekalesia i tauvaga faaupufai ma e le lagolagoina ni sui po o ni pati. Ae peitai, matou te faamoemoe, o le a auai atoatoa o tatou tagata i le lagolagoina o sui ma pati o a latou lava filifiliga, e faavae i mataupu faavae ia o le a puipuia ai faigamalo lelei. Ua manino lava a tatou aoaoga faavae: o i latou o e e lelei, “faamaoni . . . atamamai . . . e tatau ona outou vaai ia sapasapaia” (MF&F 98:10).

E i ai lo matou talitonuga ia te outou. E talitonu faamaoni ia taitai o le Ekalesia e mafai ona sili atu lo outou fausiaina o le malo nai lo o se isi augatupulaga ua mavae atu. E le gata ua outou mauaina lo matou alofa ma le talitonuga, ae faapea foi a matou tatalo ma faamanuiaga. Ua matou iloaina o le manuia o la outou augatupulaga e taua i le faatuina faifaipea o le Ekalesia ma le tuputupu a'e o le malo. Matou te tatalo ina ia outou faatino lelei la outou vaega, a o outou aloese mai le faiga o se ufimata, galue e tusa ai ma lou faasinomaga moni, seti ni sini talafeagai, ma fausia lou atunu ma le alalafaga. ■

*Mai se faeasaite a le Ofisa o Aoga a le Ekalesia mo talavou matutua na tuuina atu i le Iunivesite o Polika Iaga—Idaho i le aso 4 Mati, 2012. Mo le anotusi atoa i le Igilisi, astasi [lds.org/broadcasts/archive/ces-devotionals/2012/01?lang=eng](http://lds.org/broadcasts/archive/ces-devotionals/2012/01?lang=eng).*

#### FAAMATALAGA

1. David O. McKay, i le Francis M. Gibbons, *David O. McKay: Apostle to the World, Prophet of God* (1986), 45.
2. Tagai Mark L. Staker, “Remembering Hiram, Ohio,” *Ensign*, Oct. 2002, 32, 35.
3. Tagai i *Aoaoga a Peresitene o le Ekalesia: Iosefa Samita* (2007), 482.
4. “Vaivai Ea Fanau a Siona, Viiga, nu. 159.
5. L. Tom Perry, i le “Joy—for Us and Others—Comes by Following the Savior,” <http://lds.org/prophets-and-apostles/what-are-prophets-testimonies?lang=eng>.
6. Lucile C. Tate, *Boyd K. Packer: O se Tagatavaai i Luga o le Olo* (1995), 176.

### Saunia e Gary ma Susan Carter

le avea ai ma tagata faigalugea o le malumalu, na matou maua ai le faamanuiaga o le feiloai ma talavou matutua e o mai i le malumalu mo le mauaina o a latou lava faa-eega paia. Ua matou iloaina ai, o le semina sauniuni mo le malumalu na fesoasoani ia i latou, ae o faatosinaga a matua ma taitai amiotonu na i ai se matafaioi sili ona taua i le fesoasoani ia i latou e saunia e osia feagaiga o le malumalu. I le avea ai ma ni matua ma ni taitai, e manaomia ona tatou fesoasoani i le autalavou e le gata ina sauniuni mo le auau-naga faafafeautalai faamisiona, lea e na o ni nai masina le umi, ae faapea foi mo le osia ma tausia o feagaiga o le malumalu, ia oo atu i le faava-vau le umi. O laasaga muamua lava e mafai ona amata i le olaga faatamaitiiti.

### Saunia o Fanau

E mafai e matua ona faailoa atu ia latou fanau le taua o le malumalu e ala i le tapuai i le malumalu ma e ala i le faasoaina atu o a latou molimau e uiga i le galuega o le malumalu. E oo lava i eria e le mafai ona auai soo atu ai i le malumalu, e mafai lava e matua ona toto i totonu o a latou fanau le naunau e auai i le malumalu.

Na aoao mai Peresitene Howard W. Hunter (1907–95) i matua: “Ia tatou faasoa atu i a tatou fanau ia lagona faaleagaga tatou te maua i totonu o le malumalu Ma ia tatou aoao i latou ma le faatauanau sili atu ma le to’alelei i mea e talafeagai ona tatou tau atu e uiga i faamoemoega o le maota o le Alii.”<sup>1</sup> E manaomia ona iloa e a tatou fanau o

# O TALAVOU MA FEAGAIGA *o le* MALUMALU

*Faatasi ai ma le faaitiitia  
o tausaga manaomia mo  
faifeautalai faamisiona,  
ua silia ma le fiasefulu afe  
talavou ua osia nei feagaiga  
paia o le malumalu.*

le malumalu o se nofoaga tatou te maua ai tali i tatalo ma o le nofoaga tatou te lagonaina ai le alofa o le Atua.

E mafai foi e matua ona aoao atu a latou fanau e tulimatai atu i le ma ola agavaa mo a latou lava pepa faataga e faatapulaa le faaaogaina ina ia latou maua le avanoa e agavaa ai pe a atoa le 12 tausaga. Pe a oo mai le taimi mo nei talavou e auai atu ai, tatou te matauina le olioli ma le mitamita i le taimi latou te faaali atu ai nei pepa faataga i le malumalu.

### Saunia o le Autalavou

E mafai ona fesoasoani matua i a latou fanau ina ia

auai i le sailiga o talafaasolopito o aiga aua a atoa lo latou ta’i 12 tausaga e mafai ona latou aveina igoa o aiga i le malumalu. I le autalavou o e faia lena mea, ua folafola mai Elder David A. Bednar o le Korama a Aposetolo e Toasefulula faapea: “O le a faateleina lou alofa ma lou lotofaafetai mo ou augatama. O le a loloto ma mausali lau molimau ma lou liua i le Faaola. Ma ou te folafola atu ia te oe o le a puipuia oe mai le uunaiga faateleina a le fili.”<sup>2</sup>

Ua tatou vaaia le tele o faataitaiga o le faataunuina o lenei folafolaga. Talu ai nei sa ta’u mai ai e se tamaitai talavou ia i matou, ina ua uma ona sailia le igoa a lona tinamatua, sa sau o ia i le malumalu e fai le galuega mo ia. Sa fai mai o ia ao papatiso o ia [tamaitai] mo ia [lona tinamatua], sa ia maua se musumusuga manino o le a faafeiloai o ia e lona tinamatua i le olaga a sau. O aafiaga faapenei e faamalolosia ai molimau ma totō ai se naunau-taiga ina ia auai i isi sauniga o le malumalu.





O le toatele o le autalavou e feagai ma faaososoga e fai lavalava e le tauagafau. A ofuina e matua ma taitai ia lavalava mananaia, ma tauagafau i lalo ifo lea o le a ofuina ai le ofusa, o le a iloa e le autalavou e mafai foi ona latou faia faapea. E tatau ona malamalama le autalavou o le faiga o o latou lavalava ma le faiga latou te faia ai o latou tino e mafai ona faaalia ai lo latou avea ma soo.

E mafai ona fesoasoani matua i le autalavou ia saunia e ulu atu i le malumalu e ala i le fesoasoani ia i latou ina ia malamalama i feagaiga o le a latou osia iina. O feagaiga o le malumalu e aofia ai folafolaga o le “tausia o le tulafono o le tausisia o le ola mama ma le legavia, ia agaalofa, agalelei, faapalepale ma mama; ia tuuto atu taleni ma mea faaletino i le faasalalauina atu o le upu moni ma le siitia o le [aiga o tagata]; o le faatumauina o le tuuto i le pogai o le upu moni; ma saili i soo se itu ia saofaga ai i le sauniuniga tele ia faapea ona saunia le lalolagi e talia lona Tupu—le Alii o Iesu Keriso.”<sup>3</sup> E mafai ona molimau atu matua o le a maua e talavou ni faamanuiaga patino ma le mamana i o latou olaga atoa a o latou tausia nei feagaiga, ma o nei feagaiga o le a sili atu ona anoia i le autalavou a o fesoasoani o latou matua e faamalamalama ia i latou, o faamanuiaga ma feagaiga e maua e ala i le Togiola a Iesu Keriso.

E tele auala e mafai ona tatou fesoasoani e saunia ai a tatou fanau ma le autalavou ina ia maua faamanuiaga o le malumalu. O le tele o lo latou saunia, o le faateleina foi lea o lo latou to’afimalie ma lagona le Agaga ma faapea ona maua ni aafiaga maoae faaleagaga ao latou maua o latou faaeega paia. O se aafiaga faagaeetia o le malumalu o le a avea atili ai i latou o ni soo tuuto o Keriso ma ni faifeautalai sili atu ona lelei—ua faaosofia e fesoasoani atu ia i latou latou te aoaoina ina ia saunia e maua o latou lava sauniga paia o le malumalu. ■

#### FAAMATALAGA

1. Howard W. Hunter, “Mulimuli i le Alo o le Atua,” *Ensign*, Nov. 1994, 88.
2. David A. Bednar, “Ia Liliu Atu Loto o Fanau i o Latou Tama,” *Liahona*, Nov. 2011, 26–27.
3. James E. Talmage, *i le Preparing to Enter the Holy Temple* (2002), 34–35.

# O LO TATOU TUPUAGA MAOAE O Faifeautalai

*O faifeautalai uma, anamua po o le taimi nei, e auauna atu ma le faamoemoe e faaleleia olaga o isi tagata.*

Saunia e LaRene Porter Gaunt  
ma Linda Dekker Lopez  
Mekasini a le Ekalesia

**U**a tauaveina e faifeautalai i lenei vaitaimi le talatuu maoae o le faatumuina o le lalolagi i le malamalamo o le Alii (tagai i le Isaia 11:9). Mai ia Aperaamo ia Paulo ia Amona ia Uilifoti Utilafi, o faifeautalai o loo i tusitusiga paia ma le talafaasolopito o le Ekalesia ua tuuina atu ai i faifeautalai i aso nei ni tagata e faataitai i ai le malolosi.

Pe o tatou o ni faamisiona a le ekalesia, sauniuni mo le galuega faafaifeautalai, auauna atu i se misiona, po o le fo'i mai i se misiona, e mafai ona tatou maua le lototole ma musumusuga mai nei faataitaiga.

## O La Tatou Tupuaga o Faifeautalai i le Tusi Paia ma le Penina Tau Tele

O faifeautalai o le Feagaiga Tuai, e pei o Iona, na valaauna e momoli atu se leo o le lapataiga i tagata (tagai i le Esekielu 3:17–19). Mai le faataitaiga a Iona ua tatou iloa ai le taua o le salamo ma le ususitai. O le tala ia Aperaamo ua aoao ai i tatou e uiga i le gafa ma le mana o le Perisitua Mekisateko.

O faifeautalai o le Feagaiga Fou, e pei o Peteru ma Paulo, na galulue e faasaosao ia aoaoga a Iesu Keriso. Ae ui i lea, i le aluga o taimi na pau atu ai le lalolagi i le liliuese. Na toefuatai mai e le Atua le talalelei e ala i le Perofeta o Iosefa Samita. O loo tatou galulue nei, e pei ona faia e na faifeautalai, e faasaosao ma faasoaa atu aoaoga a Iesu Keriso.



© 2002 DANIEL A. LEWIS

O Iona i le Matafaga i Nineva, na saunia e Daniel A. Lewis. Na salamo Iona ma alu atu e talai ma faamaonia atu e nofotupu leova i sooo se nofoaga ma e le faapito Lona alofa i se nuu se tasi po o ni tagata (tagai i le Iona 1–4).

## O SE LEO O LE LAPATAIGA

"Ona e agalelei tele le Alii, o lea ua la valaauna ai Ana au-auna e lapataia tagata e uiga i mea matautia. . . . Mafaufau ia Iona. Na sola ese muamua o ia mai le valaau a le Alii e lapatai atu i le nuu o Nineva o e na faatauasoina i le matautia ona o le agasala. Sa ia iloa o tagata amioleaga mai le tele o tausaga na latou teena perofeta ma o nisi taimi na latou fasiotia i latou. Ae ina ua alu atu Iona ma le faatuatua, sa faamanuiaina o ia e le Alii i le saogalemu ma le manuia."

Peresitene Henry B. Eyring, Fesoasoani Muamua i le au Peresitene Sili, "Ia Sii Ae o Tatou Leo o le Lapataiga," *Liahona*, Ian. 2009, 3.





O Peteru ma Ioane i luma o Faipule i Ierusalema, *saunia e Simon Vedder*. Na ave atu Peteru ma Ioane i luma o le aufono, ma fesili atu le fai-taulaga sili ia i laua, “Pe ua matou le matua fai atu ea ia te outou ta soia le toe aoao i lena igoa? faauta foi, ua outou faatumu i Ierusalema i la outou mataupu. . . . Ona tali atu lea o Peteru . . . ua faapea atu, E tusa ona sili o lo matou anaana i le Atua i lo matou anaana i tagata” (*Galuega 5:28–29*).

O Le Apostetolo o Paulo, *saunia e Karel Skreta*. I ana femalagaaga ma tusi, na tuuina mai ai e Paulo se molimau mamana e uiga i le Faaola i Asia Minor ma se vaega tele o le lalolagi na iloaina i lena taimi.



BPK, BERLIN / GEMÄLDGALERIE ALTE MEISTER, STAATLICHE KUNSTSAMMLUNGEN, DRESDEN / ELKE ESTEL / HANS-PETER KLUT / ART RESOURCE, NY



Ua Faamanuia e Mekisateko Aperamo [Aperaamol, *saunia e Walter Rane*] Ua faamanuia e Mekisateko Aperamo (tagai i le Kenese 14:18–20) ma sa tuuina atu foi ia te ia le perisitua (tagai i le MF&F 84:14). I se isi taimi, na faaali mai ai le Alii ia Aperamo, ma fetalai mai, “ua Ou faamoemoe e . . . fai oe o se faifeau e tauave lo’u igoa i se laueelele ese. . . . Ma o le a avea oe ma se faamanuiaaga i au fanau e mulimuli mai pe a mavae atu oe, ina ia latou tauaveina i o latou lima lenei auaunaga ma le Perisitua i atunuuma” (Aperaamo 2:6, 9).



© GARY L. KAPP, E LE MAFAI ONA KOPINA



## AOAOINA O E LĒ TALITONU

"Sa o atu atalii o Mosaea . . . i sa Lamana. E aoao atu se nuu o o latou aganuu sa iloa lelei le le ogatasi ma le tuputupu ae faaleagaga, ae ui i lea, sa fesoasoani nei faifeautalai faamaoni e faia se suiga tele i nei tagata sa Lamana. Ua tatou iloa . . . o le toatele o sa Lamana o e talitonu i la latou talaiga, ma faalihiuina i le Alii, sa le'i pauu ese lava' (Alema 23:6)."


Elder James B. Martino o le au Fitugafulu,  
"O Le Salamo e Aumaia Ai le Liuaina," *Ensign*,  
Sete. 2012, 58.

O Amona i luma o le Tupu o Lamonae, *saunia e Gary L. Kapp*.  
*O Amona, o se tasi o atalii o Mosaea, na faasaoina lafu a le Tupu o Lamonae. Ina ua fesili atu le tupu ia Amona pe na auina mai o ia e le Atua, na fai atu Amona o ia o se tagata ua valaauna e ala i le Agaga Paia e aoao atu le talalelei "i le nuu [o Lamonae], ina ia mafai ona aumai i latou i le malamalamo o mea ua tonu ma moni" (Alema 18:34).*

## O La Tatou Tupuaga o Faifeautalai i le Tusi a Mamona

O Alema, Amoleka, atalii o Mosaea, ma Samuelu le sa Lamana ua na o nisi nei o faataitaiga o faifeautalai maoae ua tatou maua i le Tusi a Mamona. Mai ia i latou ua tatou vaia ai ni faataitaiga o le salamo, faatuatua, usiusitai, ma le lototele. E faapei o i latou, e mafai ona tatou faalagolago i musumusuga ma faaaliga mai le Atua e taialaina ai la tatou auaunaga faafaifeautalai.

Na Ia Aumaia le Tala Fiafia i Lo'u Agaga, *saunia e Walter Rane*. Sa asiasi mai se agelu ia Samuelu le sa Lamana ma aumai le "tala fiafia i [le] agaga [o Samuelu]" e faatatau i le afio mai o le Faaola (Helamana 13:6–7).  
O se vaega o lona valaauga e talai atu i sa Nifaē, na a'e ai Samuelu i le papuipui o le aai ma faasoaa atu nei tala fiafia i tagata.



## O La Tatou Tupuaga o Faifeautalai i le Mataupu Faavae ma Feagaiga

Ina ua mavae le Toefuataiga o le talalelei, na manaomia ni faifeautalai. O faifeautalai e pei o Dan Jones, Orson Hyde, ma Parley P. Pratt na faasoaina atu le Tusi a Mamona ma le talalelei a Iesu Keriso. O nisi, e pei o le uso o le Perofeta o Iosefa o Samuelu, na auauna latalata atu i lo latou fale. O isi na malaga mamao e faasoat atu le talalelei i nofoaga e pei o Taialani,

Atumotu o Sanuisi (Hawaii), Tenimaka, ma Egelani.

O nei faifeautalai anamua sa masani ona auauna atu i ni misiona uumi ma le tele. Na latou tuua matua, manamea, avā, fanau, ma fanau a fanau e pei foi ona tatou faia. Ua avea i latou ma faataitaiga ia i tatou i le taimi nei o le faatuatua, lototele, usiusitai, onosai, ma le filiga.



Faifeau Mamona, *sau-nia e Arnold Friberg, e faavae i se uluai lomiga na saunaia e Christen Dalsgaard*. O lenei vaaiga o se faifeautalai o le Au Paia o Aso e Gata Ai anamua o loo aoao atu le talalelei a Iesu Keriso i se aiga Tenimaka o loo faapopotopo i lo latou fale i nuu maotua, o se ituaiga talaiga masani lea i le seneturi lona 19. Sa aoao atu foi faifeautalai i tulimanu o auala po o fale faafafia e fai ai fonotoga a le nuu.



Ua Sauni Uilifoti Utilafi mo Papatisoga i le Faatoaga a Benbow, *saunia e Richard A. Murray*. Na taitai atu e le Alii ia Uilifoti Utilafi i le vaitau o le 1840 i le faatoaga a John Benbow i Herefordshire, Egelani. “O itina sa i ai ni tagata sa tatalo mo le faasologa anamua o mea,” na tusi ai Uilifoti “O le taunuuga la, o aso muamua e tolusefulu ina ua ou taunu atu tina na ou papatisoina le toa ono selau . . . I le valu masina o o'u galue i lena atunuu na ou aumai ai i le Ekalesia ni tagata e afe valu selau. Aisea? Ona sa i ai ni tagata na saunaia mo le Talalelei” (“Discourse,” Deseret Weekly, Nov. 7, 1896, 643).

*O faifeautalai na  
faatoa taunuu  
na papatisoina  
tagatanuu o le  
Atumotu o Sanuisi  
(Hawaii) i le vave  
e pei o le 1851.  
O ata lenei na  
pueina i se aso  
mulimuli ane.*



ELE NAFAI ONA KOPINA

### Atinaeina i luga o La Tatou Tupuaga o Faifeautalai

Talu mai ona fofogaina e Peresitene Thomas S. Monson i le konafesi aoao ia Oketopa 2012 ua mafai e alii ma tamaitai talavou ona o i le misiona i se matutua e laiti ane, ua fiasefulu afe le Au Paia o Aso e Gata Ai ua lolofi atu i le misiona.

I le konafesi aoao ia Aperila 2013, na faaopoopo ai e Elder Neil L. Andersen o le Korama a Aposetolo e Toasefululua lana molimau e uiga i le galuega faafaifeautalai ma uunaia i tatou taitoatasi e avea ma se vaega taua o lenei vavega ua manino mai, e ala

i le fesoasoani e saili i latou ua saunia e faalogo i le talalelei: “E pei lava ona mautinoa le musuia e le Alii o le toatele o faifeautalai e auauna atu, ua la fagua foi mafaufau ma tatala loto o le toatele o tagata lelei ma faamaoni ia talia Ana faifeautalai. Ua outou silafia i latou pe o le a silafia foi i latou. Latou te nonofo i o outou aiga ma nonofo i o outou tuaoi. Latou te savavali ae ma pasia outou i le alatele, tou te nonofo faatasi i aoga, ma outou fesootai i luga o le initoneti,” (“O se Vavega, *Liahona*, Me 2013, 78). ■

Faasoaina atu o le Talalelei i Magāala, *saunia e Ken Spencer*. O loo faasoa atu e nei faifeautalai e toalua le talalelei i se alii sa i luma o se faletusi i New Brunswick, New Jersey, ISA.



FAAALOALOGA A LE FALEMATAAGA O TALAAFAASOLORITO O LE EKALESIA



### O LAU PINE FAIFEAUTALAI

Afai e le o oe o se faifeautalai faamisiona e i ai se pine faifeautalai e faamau i lou pelaue, o le taimi la lenei e vali ai se pine i lou loto—ia vali e pei ona fai mai Paulo, ‘e le tusia i le vaitusi, a o le Agaga o le Atua soifua.’ ”

Elder Neil L. Andersen o le Korama a Aposetolo e Toasefululua, “O Se Vavega Lava,” *Liahona*, Me 2013, 78.



FAAAOALOGA A LE FALEMATAAGA O TALAFASOLOPITO O LE EKALESIA

O Le a Fuga mai sa Lamana e pei o le Rosa, *saunia e Joselito Jesus Acevedo Garcia*. O lenei ata o loo atagia mai ai le agaga o le galuega faafeautalai i totonu o tagata e tautatala faa-Sipaniolo. Ua sauni faifeautalai e toalua e aoao atu le talalelei ao fai e tagata a latou galuega masani i aso uma. O le Malumalu o Lima Peru, o loo tu i totonu o tamai fale ma manu o le atunu, e faatusa i le tuputupu ae o le Ekalesia.



Faifeautalai i Taimi Uma, *saunia e Juei Ing Chen*. O tagata o le Ekalesia i Taiuani, e pei o faamisionia i soo se mea, e saili e faasoa atu lo latou fiafia i le talalelei ma tusitusiga paia. O tusitusiga paia o loo i lugia o le laulau; ae o le koneteina umi lanumoana o loo i ai ia tusitai ua faaalii ai se ata o le Malumalu o Taipei Taiuani.



FAAAOALOGA A LE FALEMATAAGA O TALAFASOLOPITO O LE EKALESIA



Saunia e Elder o

Eduardo Gavarret

O Le Fitugafulu

# SAUNIA

## E TETEE ATU I LE ASO O LE TAU

*Talosia ia tatou, e ala i le tuuina o lo tatou faatuatuaga*

*i le Faaola, le Alii o Au, saunia ma lē tautevateva*

*lava i luga o le tafā o le taua.*

**T**le 1485, sa avea Risati III ma tupu i Egelani. Sa o se vaitaimi o le le mautonu, na sili atu i le faatasi ona tatau ia Risati ona puipua lona aia tatau e avea ai ma tupu. Peitai o ia o se iutaia atamai i le militeli, o se fitafita toa ma atamai sa i ai sana autau sa i le va o le 8,000 ma le 10,000 fitafita.

O lena lava tausaga, o se tagata na manao e avea ma tupu i Egelani, o Enele Tutoa, le Alii Sili o Richmond, na luiina ma faafetaui Risati i se nofoaga lea na maua ai le igoa o le taua: o le Tafā i Bosworth. O Enele, e le'i pei o Risati, e le lava sona poto masani i taua, ma e na o le 5,000 ana fitafita. Ae sa i ona tafatafa ni faufautua lelei—ni tagata maualuluga o le malo o e na tau foi i ni taua faapena, e aofia ai ma ni taua na faasaga ia Risati. Na oo i le taeao o le taua, ma o mea uma na faapea mai o Risati o le a manumalo.

O se tala mataina lauiloa ua aotele ai taualumaga o le aso 22 Aokuso, 1485. I lena taeao, na sauniuni ai le Tupu o Risati ma lana autau e fetaiai ma le autau a Enele. O le tagata e manumalo i le taua o le a pulea Egelani. I se taimi puupuu ao le'i amataina le taua, na auina atu ai e Risati se tagata e vaaia manu papalagi e vaai pe ua saunia lana manu e sili ona fafia i ai.





"Faapiipii vave ona seevae," na faatonuina ai e le alii e vaiaia solofanua le tagata e faia seevae o solofanua. "O loo manao le tupu e muamua i luma o lana vaegaau."

Na tali atu le fai seevae e tatau ona ia faatali. "Ua uma na ou faaseevaeina solofanua uma a le autau atoa a le tupu i ni nai aso ua tea," na ia tali mai ai, "ma o lea e tatau ona ou alu e aumai nisi uamea."

Na fai mai le alii le to'a e vaiaia solofanua e le mafai ona ia faatali. "Ua lalata mai fili a le tupu i le taimi lava lenei, ma e tatau ona matou fetaiaia i latou i luga o le malae," o lana tala lea. "Faaaoga na mea ua i ai."

E pei ona faatonuina ai, na fai e le faiseevae le mea sili na te mafaia, o le faia o seevae solofanua e fa mai se fasiamea. Ina ua uma ona taina seevae, na ia tuituiina seevae e tolu i vae o le solofanua. Peitai, ina ua taumafai e faamau le seevae lona fa, sa ia iloa ai e le o lava ana fao.

"Ou te manaomia ni fao se tasi pe lua, ma e fai si umi o le taina mai i fafo," na ia fai atu ai i le alii e vaiaia solofanua.

Peitai, na le mafai ona toe faatali le alii e vaiaia solofanua. "O lea ua ou faalogo atu i pu," na ia fai atu ai. "E a pe a faaoga ia na mea ua i ai!"

Na tali atu le fai seevae o le a ia faia le mea sili na te mafaia ae na te le faamaonia o le a mau le seevae lona fa.

"Na o le tu'itu'i lava i ai," o le faatonu atu lea a le alii e vaiaia solofanua. "Ma faavave, ina nei toatamai le Tupu o Risati ia i taua."

E lei umi ae amata le taua. Ina ia faapotopoto mai lana autau, na feosofa'i solo ai Risati i luga o le malae, e tau ma uunaia i latou i le valaau, "Fetaomi atu i luma! Fetaomi atu i luma!"

Ae peitai, ao tilotilo atu Risati i luga o le malae, na ia vaaia nisi o lana autau ua solomuli. O le fefe nei amata solomuli ai ma isi ana fitafita, na ia tietie atu ai i le mea na motu ai le laina ia uunaia i latou e faaauau pea ona tau. Peitai ao lei oo atu Risati ia i latou, na tautevateva ma pau i lalo lana solofanua, ma lafo ai i lalo le tupu i le eleele. O se tasi o seevae o le solofanua, e pei lava ona popole ai le faiseevae, na lelea ese i le taimi na masau atu ai le tupu.

Na osotu ae Risati mai le eleele ao tu a'e lana solofanua ma tamoe ese atu. A o agai mai le autau a Enele, na talo-talo maualuga atu e Risati lana pelu i le ea, ma taufōnō atu, "Se solofanua! Se solofanua! Lo'u mālō mo se solofanua!"

Ae ua tuai. O le taimi lena, sa sosola ese mai le autau a Risati i le fefefe i le autau a Enele na agai mai, ma sa faiaina le taua. Talu mai lena taimi ua gagana ai tagata i le alagaupu:



## MANATUA IA MEA ITI

"la usiusitai i ao-aoga faaperofeta ua finagalo Keriso e te mulimuli ai.

Aua le faataatiaesea le fiafia i le lumanai e ala i le uia o auala 'alo nai lo le faaogaina o mataupu faavae atoatoa o le talalelei. Manatua: o mea laiti e oo atu ai i mea tetele. O nai faatamala e foliga mai e laiti po o le le ano i ai, e mafai ona oo atu ai i faafitauli ogaoga. Ae o le mea aupito taua, o mausa faatauvaa, e faifai pea, ma lelei e oo atu ai i se olaga e turu i faamanuiaga."

Elder Richard G. Scott o le Korama a Apostolo e Toasefululua, "Mo Le Filemu i le Aiga," *Liahona*, Me 2013, 29.

*Mo le manao i se fao, na leiloa ai le seevae,  
Mo le manao i se seevae, na leiloa ai le solofanua,  
Mo le manao i se solofanua, na faiaina ai le taua,  
Mo le manao i se taua, na aveesea ai le malo,  
Ma o nei mea uma ona o le manao i se fao mo le seevae  
solofanua.<sup>1</sup>*

### O Le Faamauina o o Tatou Mataupu Faavae

A o ou mafaufau i lenei tala, sa ou tomanatu ai i le auala na mafai ai e se mea faatauvaa e pei o le leaga o le faamauina o le fao o le seevae solofanua na iu ai i le suaia o le talafaasolopito. E mafai ona tatou faatusatusaina le fao lea na misi i mataupu faavae o le talalelei. O le le lava o mataupu faavae o le talalelei ma o latou tulaga faatauaina ma faatinoga e fesoottai i ai, e mafai ona tuua ai i tatou e aunoa ma se fesoasoani i le tafā o le taua faasaga i faaososoga ma mea leaga.

O a ni faatinoga o loo misi i o tatou olaga ma aiga? O tatou le amanaiaina ia tatalo faaletagata lava ia po o tatalo faaleaiga? Suesue ma le maelega i tusitusiga paia? Faia soo o afiafi faaleaiga? Totogiina atoa o le sefuluai? Auaua atu i o tatou uso ma tuafafine? Tausia o le aso Sapati? Tapuaiga i le malumalu? Alofa mo o tatou tuaoi?

E mafai e i tatou taitoatasina ona vaavaai i totonu ma maua ai le mea o tatou vaivai ai—o lē fea mataupu faavae po o se

faatinoga e tatou ona tatou *faamauina* mausali atili i o tatou olaga ma olaga o o tatou aiga. Ma afai, e uma ona tatou faailoa atu lena mataupu faavae po o le faatinoga, e mafai ona tatou galue ma le filiga ma le naunautai e *faamauina le fao*—ia ola atoatoa i lena mataupu faavae ma ia saunia lelei i tatou lava ma o tatou aiga e tutu atu mo le mea sao.

I le Mataupu Faavae ma Feagaiga, na fautua mai ai le Alii, "Ave le puloutau o le olataga, ma le pelu o lo'u Agaga, o le a Ou sasaa atu i o outou luga, ma la'u upu lea Ou te faaali atu ia te outou, ma . . . faamaoni seja Ou alu atu" (27:18).

I Ana auauna faamaoni, ua folafola mai e le Faaola, "Ma o latou lima o le a fai mo O'u lima, ma o le a avea a'u ma o latou talita ma o latou talipupuni; ma o le a Ou fusia i o latou sulugatiti, ma o le a latou tau faatamatane mo au; . . . ma o le a Ou faasaoina i latou i le afi o lo'u ita" (MF&F 35:14).

Ia tatou manatua e tusa lava pe ua "saunia le solofanua mo le aso o le taua," e pei ona fai mai le Faataoto, "[o le] saogalemu e a le Alii" (21:31). Seia tatou mulimuli i le valaauilia a Moronae ina ia "o mai ia Keriso, ma faaatoatoaina ia te ia" (Moronae 10:32). Ma talosia ia tatou, e ala i le tuuina o lo tatou faatuatuaga i le Faaola, le Alii o Au, saunia ma lē tautevateva lava i luga o le tafā o le taua faasaga i le leaga. ■

### FAAMATALAGA

1. Tagai "For Want of a Horseshoe Nail," i le William J. Bennett, ed., *The Book of Virtues: A Treasury of Great Moral Stories* (1993), 198–200.

# Faanatinatiina

## OLE GALUEGA O LE FAAOLATAGA

*A o tatou valaauliaina, alolofa atu, ma auauna atu i isi, o le a avea i tatou ma soo moni o Iesu Keriso ma fesoasoani e faanatinati le galuega o le faaolataga.*

**E**ui o loo i ai se naunautaiga e uiga i le galulue o faifeatalai faamisiona i le initonetia ma faamaimoa nisi i falelotu, ae o na suiga ua na o se vaega ititi lava o le ata tele o le galuega o le faaolataga. O le vaega sili ona taua o le ala tatou te ofi atu ai, i tatou o tagata o le ekalesia, i le ata tele o le galuega o le faaolataga. E le o talosagaina i tatou e auai i se polokalama fou. E na o le uunaia lava o i tatou e avea ma soo moni o Iesu Keriso. O la tatou matafaioi o le faatofufina o i tatou lava ina ia alolofa ma auauna atu ia i latou o siomiaina i tatou—faamafanafana atu i se tagata lua te faigaluega o loo i ai se manaoga, valaaulia a tatou uo i se papatisoga, fesoasoani atu i se tuaoi matua i se galuega o lona fanua, valaauliaina o se tagata ua le o toe malosi mai mo se taumafataga, po o le fesoasoani i se tuaoi i lana talafasolopito o le aiga. O ni auala masani uma nei ma le fiafia e valaaulia ai ni tagata ua le o toe malolosi mai ma i latou tatou te le o tapuai faatasi i o tatou olaga ma faasolosolo atu ai lava ina ia malamalamia i le talalelei. O le fetu faai atu ma i latou i taimi malie ma taimi paia o o latou olaga atonu o se auala sili lea ona lelei e mafai ai e soo se tasi o i tatou “e galulue i lona [Iesu Keriso] tovine ma le faaolataga o agaga o tagata” (MF&F 138:56).

### O Le a le Galuega o le Faaolataga?

O le galuega o le faaolataga o le galuega lea a le Tama Faalelagi “ia aumaia le tino ola pea ma le ola faavavau o le tagata” (Mose 1:39). O lenei galuega taua e ao fia ai le galuega faamisiona a tagata o le au paia, faatumauina o tagata liliu mai, faatoagaina mai o tagata ua le malolosi mai, galuega o le malumalu ma talafasolopito o aiga, ma le aoao atu o le talalelei.<sup>1</sup> E tele ina tatou mafaufau faapea e le fesootai nei vaega o le talalelei. Ae i le *O Le Galuega o le Faaolataga: Faasalalauga mo Tai-tai i le Lalolagi Atoa* i le aso 23 Iuni, 2013, na aoao mai ai Elder Russell M. Nelson o le Korama a Apostolo e Toasefululua faapea “e le mavavaeina le galuega. E le o ni gaoioiga eseese nei; o vaega uma nei o le galuega o le faaolataga.”<sup>2</sup>

O le fuaitau “Faanatinatiina o le Galuega o le Faaolataga”—o le igoa o le uepisaite o le faasalalauga ([hasteningthework.lds.org](http://hasteningthework.lds.org))—e faasino i le folafolaga a le Alii: “Faauta, o le a Ou faanatinatiina la’u galuega i lona taimi” (MF&F 88:73).

O sauniga taua o le perisitua—papatisoga, faamauga, faauuina i le perisitua



ATA NA TUSIA E DAVID STOKER



mo alii, ma sauniga o le malumalu—e avea ma ni mea taua o tutupu i o tatou ala i le toe foi atu i lo tatou Tama Faalagai. Ao tatou auai i le galuega o le faaolataga, ua tatou mulimuli ma uunaia isi e mulimuli i lenei ala o le feagaiga.

### **Galulue Faatasi Tagata o le Eklesia ma Faifeatalai Faamisiona i lalo o Ki o le Perisitua**

Ua oo mai le taimi e toe taulai atu ai i mataupu faavae autu, o lona uiga i tagata auai o le Eklesia a le Alii o le valaauina lea ina ia auai ma le atoatoa i Lana galuega o le faaolataga. O peresitene o siteki ma epikopo ua umiaina ki

o le galuega faafaifeatalai i a latou iunite o le Eklesia<sup>3</sup> ma fesoasoani atu i tagata e faataunu le mea e faia e soo moni o Keriso—o le faasoa atu o le malamalama o le talalelei. O peresitene o misiona e umia ki o le perisitua lea e mafai ai ona latou taitaiina le galuega a faifeatalai.<sup>4</sup> O faifeatalai faamisiona ua aoaoina e aoao atu i latou o e ua saunia e talia le talalelei. Latou te fesoasoani i tagata ma le galuega faamisiona a le au paia, po o le isi foi itu. O faifeatalai faamisiona ma faifeatalai a le uarota o ni paaga i le aumaia o le talalelei i olaga o i latou ua saunia e le Alii e talaina.

I le taimi o le faasalalauga, saunoa atu ai Peresitene



Thomas S. Monson: “O le taimi lenei mo tagata o le ekale-sia ma faifeautalai e o mai faatasi ai, e galueaiina le tovine a le Alii ma aumai agaga ia te Ia. Ua Ia saunia le anoanoai o auala mo i tatou e faasoa atu ai le talalelei, ma o le a Ia fesoasoani ia i tatou i la tatou galuega pe afai tatou te galu-ue i le faatuatua e faataunuu Lana galuega.”<sup>5</sup>

Na saunoa Elder Neil L. Andersen o le Korama A Aposetolo e Toasefululua i le taua o le alofa. Na ia saunoa ai, “Tatou te galulue faatasi i le faatuatua ma le lotogatasi—le faatuatua o le a taialaina e le Alii o tatou laasaga ma le lotogatasi o le tasi ma le isi faatasi ma faifeautalai, lea e faaosofia e le alofa mo Ia, mo le tasi ma le isi, ma mo i latou tatou te auauna i ai.”<sup>6</sup>

#### **Taulamua ia Aufono a Uarota, Faamaopoopo e Taitai Misiona a Uarota**

I lalo o le taitaiga a le epikopo, o le aufono a le uarota e faafaigofieina, lagolagoina, ma faamaopoopoia ia

taumafaiga a tagata o le uarota e ala i le fuafuaina ma tai-taia le galuega o le faaolataga mo le uarota.<sup>7</sup>

I le avea ai ma sui o le aufono a le uarota, o le taitai misiona a le uarota e “faamaopoopoia ia taumafaiga a le uarota e saili, aoao atu, ma papatiso tagata saililili. Na te faamaopoopoina lenei galuega faatasi ai ma le galuega a faifeautalai faamisiona.”<sup>8</sup>

O le talanoa atu i taitai misiona a le uarota na saunoa ai Elder Nelson faapea: “Fesoasoani [i faifeautalai faamisiona] e faatumu le la api o taimi atofaina i ni taimi atofaina anoa, ina leai so la taimi e tuitui ai i faitotoa e tau saili ni tagata e aoao. . . . [O oe] o le sootaga fesootai lea i le va o faifeautalai, le aufono a le uarota, ma tagata o le uarota.”<sup>9</sup>

#### **O Le Fua Moni o le Manuia**

I le avea ma Au Paia o Aso e Gata Ai ua faamanuiaina i tatou i le ola ai i lenei vaitaimi ua faanatinatiina ai e le Alii



Lana galuega. Talu ai e i ai se faamoemoega a le Atua i le tuuina o i tatou i le lalolagi i lenei vaitaimi, ua ia i tatou le gafatia e faia ai le mea e sili atu nai lo le mea tatou te manatu tatou te mafaia. Pau lava le tulaga ia tatou aapa atu ma le agalelei ma le alofa ia i latou o e manaomia la tatou faauoga ma le fesoasoani, o le a tatou le toilalo. O faamanuiaga a faifeautalai e oo mai i le mulimuli i uunaiga lea e tape mai i o tatou mafaufau ma loto ma le na o le valaauliaina o isi i o tatou olaga ua faaogatotonuina i le talalelei. O le valaaulia e faailoga ai le tulaga manuia, e le faapea ona ua papatiso ia tagata pe ua toe malolosi mai i le Lotu. E pei ona saunoa ai Elder Jeffrey R. Holland o le Korama a Apostolo e Toasefululua e uiga i le autau maoae o faifeautalai ua ulufale nei i le galuega faamisiona: “Ua oo mai le taimi lea e tatau ai ona tatou faapea atu, ‘O lea ua latou o mai.’ E tatau ia i tatou uma ona fuafua mo ma faaaoga lenei punaoa na auina mai i le lagi i se auala sili ona aoga ma talafeagai.”<sup>10</sup>

O se taimi mo i tatou uma e malamalama manino atili ai i la tatou matafaioi i le faanatinatiina o le galuega o le faaolataga. Ao tatou aveaina le galuega faamisiona a au paia, faatumauina o tagata liliu mai, faatoaaga mai o tagata na le toe malolosi mai, galuega o le malumalu ma talafaasolopito o aiga, ma le aoao atu o le talalelei o se vaega masani faalenatura o o tatou olaga, o le a tatou mauaina le olioli sili ma faaeeina i meaalofa faaleagaga tatou te manaomia e faamalosia ai le Ekalesia i le seneturi lona 21. ■


#### FAAMATALAGA

1. Tagai i le *Tusitalima 2: Taitaiina o le Eklesia* (2010), mataupu e 5.
2. Russell M. Nelson, *O Le Galuega o le Faaolataga: Faasalalauga mo Taitai i le Lalolagi Atoa*, 23 Iuni, 2013, hasteningthework.lds.org.
3. Tagai i le *Tusitalima 2*, 5.1.6; 5.1.9.
4. Tagai i le *Tusitalima 2*, 5.1.6.
5. Thomas S. Monson, *O Le Galuega o le Faaolataga*, hasteningthework .lds.org.
6. Neil L. Andersen, *O Le Galuega o le Faaolataga*, hasteningthework .lds.org.
7. Tagai i le *Tusitalima 2*, 5.1.2.
8. *Tusitalima 2*, 5.1.3.
9. Russell M. Nelson, *O Le Galuega o le Faaolataga*, hasteningthework .lds.org.
10. Jeffrey R. Holland, *O Le Galuega o le Faaolataga*, hasteningthework .lds.org.

**M**o vitio *O Le Galuega o le Faaolataga: Faasalalauga mo Taitai i le Lalolagi Atoa* i gagana e 26, asiasi ane i le [hasteningthework.lds.org](http://hasteningthework.lds.org). E mafai foi ona e mauaina le faasalalauga ua teuina i gagana e 59 i le [lds.org/broadcasts](http://lds.org/broadcasts). *O Le Tusitalima 2: Taitaiina o le Eklesia* e mafai ona maua i gagana e 29 i le [lds.org/manual/handbook](http://lds.org/manual/handbook).



*O le pikina o faifeautalai  
i le taavale laupase  
na amata uia ai e Roger  
Randrianarison le ala  
o le avea ma soo.*



# AVEA MA SE Tagata o le Filemu



*O le malumalu, misiona,  
ma auaunaga na fesoasoani  
ia Roger ma lona aiga e agai  
atu ai i le avea ma se aiga  
e faavavau.*

**Saunia e Matthew D. Flitton**

Mekasini a le Ekalesia

**N**a iloa e Roger Randrianarison sa i ai se mea na misi mai le olaga o lona aiga. “Na ou tatalo i le Atua e fesoasoani mai ia ou maua se mea e taitai ai lo’u aiga,” o lana tala lea. “Sa ia te a’u se naunautaiga e taitai atu lo’u aiga i se mea lelei, se mea o le a taitaiina atu ai i le ala sa’o.”

Sa popole o ia i se auala e tausi ai lana fanau e toatolu—atalii, o Randrianandry ma Sedinirina, ma le afafine, o Nirina. Sa le fifafia o ia ona o le vave o lona ita na oo atu ai i luitau i le aiga. Sa manao o ia e avea ma se matua agalelei.


“Sa ou filifili o au le tagata e tatau ona sui aua na ou vaai i le tagata na avea ai au,” o lana tala lea.

Na gau le pisinisi faufale a Roger i ni nai tausaga ua mavae, ma sa galue o se avetaavale laupesese laitiiti i Antananarivo, Matakasa. I se tasi aso sa ia pikiina ai ni tamaitai faifeautalai se toalua.

“O le taimi lava na oo ai i totonu o le taavale, sa la fesili mai i lo’u igoa ma pe i ai sou aiga,” o lana tala lea. “Sa la fesili mai pe ou te iloaina po o ai le Atua ma pe ou te tatalo ia te Ia.”

Na usuina e faifeautalai ma Roger ni pese i le taimi o le tietiega ma valaaulia o ia i le lotu. Sa ia taumafai e alu i ni nai taimi ae sa le mafai ona ia faafetauiiina ia sauniga ma ana taimi atofaina, ma sa leiloa ai le latou fesootaiga ma faifeautalai.

Pe tusa ma le lima masina mulimuli ane a o galue Roger i le fale i se tasi aso, ae ona faalogoina ni faifeautalai se toalua o talanoa i se tasi i fafo atu o lana pa. Na iloa e Roger e mafai ona laua o mai e talanoa ia te ia. Sa ia lagonaina le pei e tatau ona ia tali ioe i soo se fesili la te fesiligia ai o ia.



**O le suesueina o le talalelei o se aiga ua fesoasoani i le aiga o Randrianarison e ola vavalalata atili ai.**

Ina ua uma ona la faailoa atu o i laua, na fesili mai faifeautalai ia te ia pe na te iloa le Atua. Ioe. Pe na fia tatalo i le Atua? Ioe. Pe fia talanoa i faifeautalai? Ioe. Afea! I le taimi nei. Na fai mai faifeautalai o le a la toe foi mai i le 20 minute. Ina ua la toe foi mai, sa latou o mai faatasi ma se tagata o le ekalesia sa nofo latalata ane.

Sa aoaoina e faifeautalai ia Roger i ni taimi se tele mo se masina i lona aiga. Ae ona o mea sa latou faalogo i ai e uiga i le Ekalesia, sa le'i mananao ai lona aiga e aoao faatasi ma faifeautalai. Ina ua mavae se masina o aoao e uiga i le talalelei, sa o atu ai Roger i le lotu faatasi ma faifeautalai. O le talaina agalelei na ia mauaina na tuua se lagona lelei ia te ia. “Na talaina au e tagata e pei ua leva ona latou iloaina au,” o lana tala lea.

Na alu Roger i le fale mai le lotu ma ta'u atu i lona aiga o le a ia papatiso i se masina, ma e pule i latou pe filifili e auai i le Ekalesia pe leai. Sa latou talosaga atu ia te ia e faatali ina ia mafai ona latou auai faatasi ma ia. Sa amata ona latou auai i sauniga ma sa latou taufaofo ma le fiafia.

O le taimi muamua lava sa ia auai atu ai i sauniga a le Ekalesia na tuua ai se uunaiga tumau i le atalii ulumatua a Roger, o Randrianandry. “O le taimi muamua lava na ou sau ai i le lotu sa ou matua te'i lava aua sa matua lotomaua-lalalo ia tagata,” na ia fai mai ai. “Muamua, sa lelei o latou lavalava mo le lotu. Ina ua mavae lena mea sa ou iloaina

sa latou i ai moni lava iina mo se faamoemoega, e le ina ia faaialilia atu ai i isi tagata.”

Sa papatisoina le au Randrianarisons o se aiga i le aso 20 o Fepuari, 2003. O le taimi lena sa 8 ai tausaga o Nirina, 17 Sedinirina, ae 19 Randrianandry. Na le toe faigaluega le aiga i Aso Sa ma na avea le ola i le talalelei o se mea e faamuamua.

### **Suiga**

“Ina ua uma ona ou papatiso, sa ou vaaia ni suiga se tele i lo matou aiga,” o le tala lea a Arelinna, le faletua o Roger. “Na avea ma se aiga faaleagaga, ma le anoanoai o faamanuiaga, e faaletino ma faaleagaga, na oo mai i le ola ai i le talalelei.”

Mai se vaaiga faaletino, e faafetaia e Roger le Tama Faalelagi i le fesoasoani atu ia te ia e toe fausia lana pisinisi. Ina ua mavae le lua tausaga o le aveina o se tamai taavale laupasele ma le faia o soo se mea na te mafaia e tausi ai lona aiga, sa amata ona ia mauaina ni konekarate faufale. “Ou te talitonu e faamanuiaina au e le Atua i taimi uma pe a ou filifili e mulimuli ia te Ia,” o lana tala lea.

Ae na fai mai ona atalii o le suiga sili ona tele ua latou vaai ai i le latou tama o ona uiga faaletagata. Ua la faamataina o ia i le taimi nei o se faataitaiga o le lotomaualalo ma le agalelei. Fai mai Roger na faatalitonuina o ia e le talalelei e tatau ona ia sui. Talu mai lona amata suesue i ai, ua tau-mafai Roger e faatumuina lona olaga i mea lelei.



## **TUPE LAUTELE E FESOASOANI AI I TAGATA ULU I LE MALUMALU**

O loo i ai lava itu o le lalolagi e matuai mamao ese lava ia malumalu mai o tatou tagata, ma o lea latou te le gafataulimaina ai feoaiga e manaomia ina ia latou o ai i ai. E faapea ona le mafai ai ona latou mauaina faamanuiaga paia ma le faavavau e maua mai i malumalu. Ina ia fesoasoani i lea tulaga, ua matou faaavanoaina le mea ua ta'ua o le Tupe Lautele e Fesoasoani ai i Tagata Ulu i le Malumalu. O lenei tupe e maua ai se malaga se tasi i le malumalu a i latou o le a le mafai ona o i le malumalu, ae ua matua naunau lava mo lena avanoa. Soo se tasi e manao e saofagā i lenei tupe, e mafai ona tusia faamatalaga i le pepa masani o foai lea e tuuina atu i le epikopo."

Tagai Thomas S. Monson,  
"A O Tatou Toe Feiloai Ai,"  
*Liahona*, Nov. 2011, 5.

"Ona o aoaoga o le talalelei, ou te lei toe ita lava," na ia fai mai ai. "O nisi taimi e faaosoina ai au i le ita, ae o loo i ai le talalelei i lo'u loto, i lo'u ulu, ma lo'u agaga. E fesoasoani ou te to'amalie ai."

Pe a tulai mai se tulaga faatigaulu, o Roger le tagata e faafilemuina tagata o le aiga, ma faamanatu atu ia i latou e amio e faapei o le Faaola.

"Na oo ina lotomaulalo lo'u tama ma tausia lo matou aiga i le taimi lenei ma le alofa," o le tala lea a Sedinirina. "A ou vaai atu i suiga ia te ia, ou te matuai faafetai lava mo le Tama Faalelagi, mo le talalelei, ma le avea ai ma tagata o le Ekalesia."

### **O Se Aiga e Faavavau**

I le 2006, faatasi ai ma le fesoasoani o le Tupe Lautele e Fesoasoani ai i Tagata Ulu i le Malumalu, na malaga ai Roger ma Arelina i Johannesburg, Aferika i Saute, ina ia faamauina i le malumalu.

Mai le 2009 i le 2011, na faamisiona ai Sedinirina ma Randrianandry i Aferika i Saute —o Sedinirina i Cape Town ma Randrianandry i Johannesburg. O se vaega o lo laua uunaiga e auauna atu o le fesoasoani lea i isi aiga e suia, e pei ona sa faia e lo latou aiga.

"O se vavega faapenei e mafai ona tupu, ma na tupu ona na o mai faifeautalai i lo matou fale," o le tala lea a Randrianandry "O lea sa ou manao ai e fai lea lava mea e tasi mo se aiga i se mea."


O lena filifiliga na aumaia ai se isi faamauina i le aiga o Randrianarison. Sa i ai se periota o aso e iva o le a i ai uma ia Sedinirina ma Randrianandry i le nofoaga Autu e Aoao ai Faifeautalai i Johannesburg. Na faatulagaina e Roger e felelei atu i Aferika i Saute ma Arelina ma le la tama teine, o Nirina, ina ia mafai ona faamauina le aiga atoa i le malumalu. O Nirina, lea sa 14 tausaga i lena taimi, na fai mai e faigata ona ia faamatalaina le mea na tupu ma le mea sa ia lagonaina.

"Na faamalosia ai lo'u faatuatua ma fesoasoani ia te a'u e faalatalata atili atu ai i le Atua," o lana tala lea.

I le taimi nei o loo galulue tagata o le aiga e fausia ma faamalosia i latou e siomia i latou. O loo auauna atu Roger o se epikopo o lana uarota. O Arelina o loo galue i le Peraimeri i le polokalama o le Faatuatua i le Atua. O Sedinirina o se failautusi fesoasoani o le siteki. O Randrianandry o se failautusi fesoasoani o le uarota. O Nirina o le taitai musika a le uarota.

Ua avea le talalelei ma se tali i tatalo i le aiga o Randrianarison. Ua faaleleia ai tiga tuai, aumaia faalatalata atili ai i latou, ma tuuina atu ai ia i latou le avanoa e faatasia ai e faavavau. Ua aoaoina ai Roger ina ia alofa. "O le olaga faaleaiga," na ia fai mai ai, "o se olaga e tumu i le alofa." ■

*O le malaga atu i Aferika i Saute ina ia faamauina i le Malumalu o Johannesburg na faamalosia ai le aiga o Randrianarison.*



## MATA E TOE FOI MAI MATAIO?

**S**a i ai se vaega malolosi o alii talavou i la matou uarota, ae o lo ma atalii o Mataio na amata ona lilifa atu i se tagata e le auai i le ekalesia lea e tutusa lo laua fiafia i taavale ma soo se mea e alu i le masini. Ae paga lea, o lenei alii talavou e sau mai se aiga e le faatauaina mataupu faalelotu. O ona matua e faatagaina le inupia ma le ulaula i lo latou fale ma e le talitonu e taua le ola mama.

Na maua e Mataio le faailoga maualuga i le Sikauti, ae na te lei auai i le sauniga mo tufatufaga o faailoga ona na le toe ola i tulaga faatonuina o le Sikauti. Sa ou aoina uma mai ana faailoga o le Sikauti ma faia se pusa e faaali ai. Ona ou tuu esea lea, ma le faamoemoe o le a i ai se aso o le a ia faatauaina ai. E oo ane i le 16 o ona tausaga, ua ulaula Mataio, inu ava malosi, ma faaaoga fualaua faasaina. Sa nofo ma le aoga ma siitia atu e nonofo faatasi ma lana uo teine. Sa

seāseā ona ma vaai ia te ia mo le lua o tausaga.

Sa matuai o ma le fiafia lava. Ma te le'i iloa pe o le a ia toe foi mai i lona aiga ma le tapuaiga, peitai na ma filifi e mulimuli i le faataitaiga a Alema i le taulimaina o lona atalii faalogogata. Sa faaauau pea ona alofa Alema i lona atalii ma tatalo ma le faatuatua o le a "aumaia o [ia] i le malamalamo o le upumoni" (Mosaea 27:14).

Na ma tatalo e le aunoa ia faasalavei le Alii i le olaga o Mataio, ma sa ma faaaogaina avanoa uma e faailoa atu ai e ala i le upu ma faatinoga lo ma alolofa tele ia te ia. Pe a sau o ia i le fale, ma te le'i fai atu soo se mea e mafai ona ia faauigaina o se faitioga pe faamasinoina ai. Na o le faaali lava o le ma fiafia i le vaai atu ia te ia.

I se tasi aso na sau ai Mataio i le fale ma faapea mai e fia talanoa mai.

Sa fai mai sa feiloai i se teine i se pati na i ai ni ana fesili e uiga i le Eklesia. A o le'i mafai ona ia ta'uina atu na te le o toe iloa ni tali, na amata o atu upu mai lona gutu. Na oo ina ia taliina ana fesili i le vave e pei ona ia fesiliga ai. Na fai mai Mataio na te le'i manataua le aoaoina o mea sa ia tautala atu ai, ae sa ia iloaina e moni ana upu. Sa mafaufau o ia pe aisea na ola ai i le tulaga sa ia ola ai a o lea o loo ia talitonu lava i le talalelei.

Ina ua mavae ni aso se tolu o sailiili ma mafaufau loloto, sa tonu ia te ia e tuuese le olaga sa ia ola ai. Na sau o ia i le aiga e fesili mai mo se fesoasoani e toe amata ai lona olaga.

Na valaau atu Mataio i sona tausoga i se isi setete lea na ia faatoilaloina foi ni faafitauli faapena, ma talosaga i ai pe mafai ona sau la te nonofo. Sa ioe lona tausoga, ma sa amata ona la auai ma Mataio i sauniga Lotu ma feiloai i le epikopo e aumai se fesoasoani i le faagasologa o le salamo. Sa ia lagolina le alofa ma le lagolago ma toaga ai i le Eklesia.

E le'i umi ae ia feiloai atu i se tamaitai talavou lalelei, ma amiontonu. Sa alofa le tasi i le isi ma faaipoipo i le malumalu.

Ina ua fanau le la tamaititi muamua, sa ou alu atu e asi ma avatu le pusa sa ou faia o ana faailoga o le Sikauti. Sa matuai fiafia o ia ma ona tautauina ma le mitamita i se nofoaga e iloafogie ai i totonu o lona fale.

E lei i ai se agelu na faaali mai i le ma atalii, e pei ona sa faia ia Alema le Itiiti. Ae o le toe foi mai o Mataio i le upumoni sa tutusa lava le faavavega. ■ Taofia le igoa



**S**a ou aoina uma mai faailoga o le Sikauti a Mataio ma fai se pusa e faaali ai. Ona ou tuu esea lea, ma le faamoemoe o le a i ai se aso o le a ia faatauaina ai.

## SA OU IA I LE AIGA

O se vaega o se galuega fesoasoani, sa ou malaga ai i Rwanda faatasi ma nai isi fomai tipitipi e fesoasoani i manaoga faafomai. Ina ua mavae le lua vaiaso, i le lata i le faaiuga o la'u malaga, na oo mai se lagona o le misia o le aiga. Na ou misia lo'u aiga, o lo'u moega mafanafana, ma lo'u fale.

I lo'u aso Sa mulimuli i Aferika, sa mafai ona ou faafoeina ou taimi faatulagaina ina ia mafai ona ou auai i le lotu. E ui e lei aloaia ona iloa le Ekalesia i Rwanda, ae sa mafai ona ou maua le taimi o se sauniga ma faasinaoga i luga o le uepisaita a le Ekalesia.

Ma o ni faatonuga ina a ese fo'i: "Savali agai i lalo o le auala maamama e faafeagai ma le fale o le Matagaluega. Vaavaai mo se faitotoa o matala. Ona savali lea i lalo o le faasitepu."

Ao ou mulimuli atu i nei faatonuga, sa amata ona ou lagona lelei atu le tali o se pese masani. Sa ou agai atu i lalo o le faasitepu, ma sa oo mai i o'u taliga ia upu "Le Faavae Malosi" (Viiga, nu. 45). Na pau mai le faasitepu i se tamai fale, lea na tutu ai le toatele o tagata laufogfa fiafia i talaane o le faitotoa. E ui i le tulaga o au o se tagata ese i le aulotu, ae sa ou lagonaina vave le sootaga. Na

toatele uso ma tuafafine Rwanda na o mai ma faatalofa mai ia te au, ma a'o latou faia, na masii ese atu mai lou tua se avega o le tuua toatas—ua ou i ai i le aiga!

O le ulufale atu i le falelotu, sa ou auai ai i se sauniga masani e tolu itula lea e leai se eseesega mai sauniga i lau uarota masani i Kalefonia. O E na umia le Perisitua Arona na tufaina le

E ui i le tulaga o au o se tagata ese i le aulotu, ae sa ou lagonaina vave le sootaga. Na toatele uso ma tuafafine Rwanda na o mai ma faatalofa mai ia te au.

faamanatuga, o lauga na taulai atu i le Faaola, ma na oo lava i lesona o le Aoga Sa sa tutusa lava ma le lesona lea sa aoaoina i lau uarota i lena vaiaso.

O le mea aupito sili ona taua, na faatumulia ia sauniga i le Agaga o le Alii. E manino lava, na silasila mai fofoga alofa o le Alii i luga o nei tagata lelei o loo taumafai e fai le mea sili latou te mafaia e auauna atu ai ia te Ia. Sa ou iloa ai i le tausaga na muamua atu, sa na o se vaega toalaiti o tagata Rwanda na auai i sauniga iinei. Ae na ou faitauina na silia ma le 100 tagata na auai, o le afa o i latou o tamaiti laumata ataata.

O lea la ua tatala Rwanda i le galugea faafaifeatalai, ou te masalo o le a matuai faamanuiaina ia faifeatalai a'o molimau atu le Agaga i le numera faatoateleina o tagata sailiili o Rwanda, o le Ekalesia toefuataiina o le malo lea o le Atua mo le lalolagi atoa—mo konetineta uma, mo tagata uma, ma mo fanau uma a le Atua. Ou te matuai faafetai mo le Ekalesia, e tusa po o i ai i le talafatai tutotonu o Kalefonia po o lalo o se ala maamama i Aferika tutotonu. ■

Steven Sainsbury, Kalefonia, ISA



# O LE A LE MEA UA E OO MAI AI I REXBURG?

Ina ua mavae ni tausaga se tele o le nonofo ai i se nofoaga e le toatele ni tagata o le Ekalesia e i ai, na ma siitia atu ma lo'u toalua i se pitonuu i Rexburg, Idaho, ISA, lea e na o le toalua aiga e le lolotu na i ai. Sa o se faamanuiaga mo i maua le nonofo ai i autafa o se tasi o i latou.

Sa moa e le tamā lana vao i le taimi muamua na ma afe atu ai i le auala taavale o le ma fale. Na ma savavali atu ma lo'u toalua i lo ma fanua ina ia faamasani atu i [le tamā]. Ao faaloaloa atu atu lo'u lima, sa ou fesili atu, "O le a se mea ua oo mai ai lo outou aiga i Rexburg?"

Sa ia tali mai, O la'u galuega—ma na matou sueina faapitoa se nuu o loo manaomia le faailoa atu i ai o Keriso."

Sa ou lagonaina le pei e asu mai se pakete vai malulu i ou foliga, peitai sa ou ataata lava. Sa ou tautino ai lava i

lena taimi e tusa lava po o le a le mea na fai mai ai lo matou tuaoi fou pe faia foi, o le a avea i matou ma tuaoi *sili* i le aiga nai lo se isi lava tuaoi sa latou mauaina. O le a ma taumafai e tali atu i fegalegaleaiga uma ma i latou i se auala agalelei, alofa, ma lelei, e pei ona ono faia ai e le Faaola.

O tausaga e valu mulimuli ane na aumaia ai le tele o ni gaoioiga fefasoai i le va o o matou aiga. Sa valaaulia le tina e auai i gaoioiga a le Aualofa. Sa ia valaauliaina au ma le toatele o o matou tuaoi o le Au Paia o Aso e Gata Ai i se malaga na lagolagolina e lana lotu. Sa valaaulia i maua ma lou toalua i siva ma faaaliga ta piano a le la fanau. Na faaaofia lo latou aiga i kuka ma pati a le pitonuu. Ma sa ma maua ni valaau mai le la fanau matutta pe a latou manaomia se taavale e aumai ai i le fale mai galuega pe a le maua o latou matua.

Na popole ia matua nei fafia tele le la fanau i le Au Paia o Aso e Gata Ai, o lea la te lei faatagaina ai le la fanau tama e auai i le polokalama o le Sikauti a lo matou uarota. Ae sa avea lo matou fale o se nofoaga saogalemu, lea la te faataga ai le la fanau e taaalo ai pe a asiiasi mai fanau a le ma fanau.

Soo se taimi lava e taumafai ai lo matou tuaoi e fesoasoani mai ia matou iloa "le sese o o matou ala," ma te faamanatu atu ia i laua lo ma faaloalo tele i lo laua talitonuga ma le ala na latou ola ai ma tausia ai le la fanau. Ona ma faaopoopoa atu lea, ma te faamoemoe foi o le a ma maua lena lava faaaloalo e tasi mo o maua talitonuga, lea e totonugalemu foi i aoaoga a le Faaola.

Ina ua taumafai le tina o le aiga e faaaoga eseesege o o matou talitonuga ia latou taumamao ai ma i maua, e ala i le fai mai o le Au Paia o Aso e Gata Ai e talitonu i se "Iesu ese", sa ou faamanatu atu ia te ia matou te talitonu uma lava o Ia [Iesu] e paia ma o le Alo pele o le Atua. Na iu lava ina ma maua se fegalegaleaiga mafana ma le fealofani.

Sa siitia ese lo latou aiga e aunoa ma le auai i le Ekalesia. Ae afai e mafai ona latou fai mai, "Sa matou nonofo faatasi ma tagata Mamona; o i latou o ni tagata lelei ma faaaloalo ma e loto faamaoni," ona ou lagonaina lea na ma manuia i le avea ma ni tuaoi lelei ma i le fesoasoani atu ia i latou ina ia taliaina ma le lē manatu faapito lo latou iloiloga o le Au Paia o Aso e Gata Ai. ■

Sandra Rush, Idaho, ISA



Sa ou tautino e tusa lava po o le a le mea na fai mai ai pe na faia foi e lo matou tuaoi fou, o le a avea i matou ma tuaoi *sili* i le aiga nai lo se isi lava tuaoi sa latou mauaina.

# O SE PUSA O ATA

ni nai tausaga ua mavae, na ma sasaaina ai ma lo'u toalua se uta lapisi i le nofoaga i le lotofale e tiai ai lapisi, ae ou matauina ai se tasi o tamaitai e galue ai iina na ia pikiina i luga se pusa e togi i totonus o le masini e susunu ai lapisi. Na faafuasei ona matala le pusa, ma toulu mai ai i fafo ni ata.

A o ou vaavaai atu i ai, sa ou maua se uunaiga malosi ou te alu e aumai lena pusa o ata. Sa ou oso i fafo mai le taavale e fesoasoani i le tuua'eina i luga o ata. Na ma tau fai lagona ma le tamaitai e masalo ua tiai sese ia ata, ma sa ou tauanauina o ia e tuu mai ia te au ia ata ou te taumafai e saili se tagata e manao i ai.

O le lagalagaina o le fiaselau o ata sa i le pusa, sa ou maua ai se teutusi na faatuatusi i se tagata i Warburg, Alberta, Kanata. I le aluga o le ni tau-saga na sosoo ai, sa ou tusi atu ai ni nai tusi i tagata e tutusa faaiu, ae ou te le'i mauaina lava se tali.

Ina ua i ai le Initonet i lo'u aiga, sa ou iloa ai o loo i ai se sosaiete anamua i Warburg. Sa ou fesili pe i ai se tagata e galue ai iina e iloaina ia igoa ia sa ou maua i tua o ata.

E tasi le masina mulimuli ane ae matou maua se valaau mai se tamaloa sa faafesootai e le sosaiete anamua. Sa fai mai o lona tuafafine e nofo latalata i le mea o loo ma i ai, ma sa talosaga mai pe mafai ona tilotilo lona tuafafine i ata. Ioe sa ma fai atu ua lelei.

O le aso na sosoo ai, na o mai ai Floyd ma Beth Hawthorn, o i laua uma o ni tagata o le Au Paia o Aso e Gata Ai, e tilotilo i ata Ina ua ou tatalaina le pusa, sa fai mai Brother Hawthorn, "Ia, vaai ia lele," a o tusi atu lona lima i le

ata na pito i luga. O se ata o le tamaitua a Sister Hawthorn.

A o la tuu a'e i luga lea ata ma lea ata, na faamatala mai e Brother ma Sister Hawthorn ni tala e uiga i tagata o loo i ata taitasi. E le talitonu le au Hawthorns e i ai so latou sootaga i le tagata sa tia'ia ia ata, ma e la te leiloa pe na faapefea ona oo ia ata i le nofoaga e tiai ai lapisi.

E malosi lava ou lagona na fesoasoani le Tama Faalelagi ia te au e toe faafoi atu ata i le aiga o Hawthorn. Ou te molimau atu o le galuega o talafaasolopito o aiga o se tasi o galuega aupito sili ona taua e tatau ona fai. Afai tatou te naunau e faia le galuega, o le a fesoasoani le Alii ia i tatou i le faiga. ■

Cindy Heggie, Alberta, Kanata

**N**a faafuasei ona matala le pusa, ne toulu mai i fafo ni ata. A o ou vaavaai atu i ai, sa ou maua se uunaiga malosi ou te alu e aumai lena pusa ata.



# E Mafai Faapefea ona Avea Au Ma se **FAIFEAUTALAI** Faamanuiaina?

*E tusa lava po o le a le malosi na ma galulue ai ma la'u soa, na teena lava e tagata uma le ma savali. O le a se mea e mafai ona ma faia e avea ai ma ni faifeautalai faamanuiaina?*

**Saunia e Lauren Bangerter Wilde**

**N**a silia laitiiti ma se tausaga talu ona ou i ai i la'u misiona ae ou oo loa i se taimi sili ona faigata. Sa matou i ai tonu lava i le ogatototonu o se vaitau puaoa ma le pogisa—faatoa te'a atu lava le taumalulu ae agai atu i le tautotogo. Ma po o le a lava le malosi na ma galulue ai ma la'u soa, ae o tagata uma lava sa matou talanoa na matuai teena lava le ma savali. Ina ua matou feiloi ma isi faifeautalai, na ma iloa ai o loo agaigai malosi lava a latou galuega. Ou te le'i iloa seis lava mafuaaga na matua le faamanuiaina ai i maua. Ua umi ona ou i ai i le galuega ua lelei ai la'u tauatala i le gagana, o maua ma la'u soa o se uo lelei, ua matou fausiaina ni talitonuga ma tagata o le au paia, ma sa ma taumafai e mulimuli i le Agaga ma usiusitai a'ia'i i tulafono a le misiona.

Ae e tusa lava po o a mea na ma faia, sa ma feagai lava ma le teena i soo se itu. Ina ua mavae vaiaso ma vaiaso o lenei mea, na ou faatagaina ou uiga le lelei e lofituina au. I le taimi o se tasi o ma faiga fuafuaga sa iu ina ou alaga, "O le a le aoga? O le a leai lava se tagata e faalogo ia i ta'ua. Sa

na ona faapea mai o la'u soa, o lē na sili atu lona manatu nai lo au, "Tatou te faatutuina sini e faaalia ai lo tatou faatuatua. Tatou te tulitataoina a tatou sini e faitau ai o tatou faamanuiaga."

A o ou mafaufau loloto i ona manatu, sa ou iloaina ai e sese le metotia lea sa ou faaaogaina e faamasingo ai lo'u tulaga faamanuiaina i le avea ai ma se faifeautalai. O loo i ai i le *Tala'i La'u Talalelei: O Se Taiala mo le Galuega Faafeautalai* se lisi o amioga o faifeautalai faamanuiaina,<sup>1</sup> ma sa ou iloaina o na amioga e i totonu lava i le puleaga a le faifeautalai. E le mafai ona ou pulea pe e talia e tagata i la'u misiona le savali o le talalelei pe leai, ae e mafai ona ou pulea le ituaiga faifeautalai ou te filifili e avea ai. Na faaali mai e la'u soa ia te au, o le faatuatua malosi atu ia Jesu Keriso ma le agaga faafetai mo Ana faamanuiaga o le a mafai ona ou iloa ai auala ua avea ai au ma se faifeautalai faamanuiaina.

## O Le Faatuatua e Faasusulu Atu Ai Vavega

Sa faalotomaulaloina lava au i le iloaina sa vaivai lo'u faatuatua. Sa ou

vaavaai mo itu e mafai ona faamalosia ai lo'u faatuatua ma iloa ai, a le ogatasi mea e tusa ai ma le fuafuaga, na ou faatagaina a'u lava ina ia ou lotovaivai. Na ta'ua i le *O Le Talai La'u Talalelei:* "O le lotovaivai o le a faavaivaia ai lou faatuatua. Afai e te tuu faamaualaloina mea e te faamoemoeina, o le a tuuitiitia foi le lelei o au taumafaiga, o le a vaivai lou naunau, ma o le a matuai faigata ai lava ia te oe ona mulimuli i le Agaga."<sup>2</sup> Sa ou iloa ai na ou faatagaina o ma faafitaui e faavaivaia lo'u faatuatua.

Sa ou amata e ala i le tatalo mo se suiga o le loto ma ia faateleina le faatuatua. Sa ou faalagolago foi i le folafolaga na tuuina mai i le Mamona 9:21: "Soo se tasi e talitonu ia Keriso, ma lē masalosalo i se mea, soo se mea e ole atu ai i le Tama i le suafa o Keriso o le a tuuina mai ia te ia; ma o lenei folafolaga ua mo tagata uma, e oo lava i tuluiga o le lalolagi. O lenei folafolaga na taitaiina atu a'u ia ou tatalo faatauanau atili mo faamanuiaga ma vavega na ma lagona ma la'u soa sa ma manaomiaina, ma faaoopoopo atu i taimi uma lava, "Ia faia Lou finagalo. Na fesoasoani nei tatalo ina ia ou



## AVEA MA SE FAIFEAUTALAI FAAMANUIAINA

E mafai ona e iloa ua avea oe ma se faifeautalai faamanuiaina pe a e:

- Lagona le molimau atu o le Agaga i tagata e ala atu ia te oe.
- Alofa i tagata ma naunau i lo latou faaolataga.
- Usitai a'ia'i.
- Atiina ae uiga faakeriso.
- Lapatai tagata i taunuuga o le agasala. la valaaulia i latou e osia ma tausia ia tautinoga.
- Fai mea lelei ma auauna atu i tagata i soo se avanoa e maua, e tusa lava pe latou te talia lau savali pe leai foi.

Mai le *Tala'i La'u Talalelei: O Se Taiala mo le Galuega Faafaifeautalai* (2004), 11.



**SAILI LE  
TALIAINA  
E LE ALII**

"Ma lo'u loto atoa, ou te valaaulia ai outou e saili le taliaina e le Alii ma olioli i Ana faamanuiaga folafolaina. . . . O le a iu ina tatou iloa ai ua taliaina i tatou e la, e tusa lava po o a o tatou tofi, tulaga, po o lē atoatoa faaleolaga nei. O Lona taliaina agalei o le a musuia ai i tatou, faateleina lo tatou faatuatua, ma fesoasoani tatou te taulima ai mea uma tatou te fetaiai i le olaga. E ui lava i o tatou luitau, o le a faamanua, ma faata-maoaigaina i tatou [tagai Mosaea 2:22], ma lagona le toafilemu [tagai Mosaea 2:41]."

Elder Erich W. Kopischke o le Fitugafulu, "O Le Taliaina e le Alii," *Liahona*, Me 2013, 106.

taliaina ai fuafuaga e sua faapea ma faalavefau ma le faatuatua sili atu, ma le iloa e tali mai e le aunoa le Tama Faalelagi i tatalo faatuatua—e tusa lava pe oo mai tali i auala tatou te le o faamoemoeina. Sa oo ina mafai ona ou iloina auala na taitai ai i ma'ua e le Alii i le faagasologa o o maua aso.

A o ou galue ai i le faamalosia o lo'u faatuatua, na ou iloa ai le moni o le itu lelei o le faamatalaga mai le *Talai La'u Talalelei*: afai e tuu faama-ualuga mea e te faamoemoeina, o le a faateleina lou mataalia, o le a tuputupu a'e lou naunau, ma o le a mafai ona e mulimuli lelei atu i le Agaga. Ma le isi, sa sili atu ona ou talitonu o le a lelei mea uma i le galuega faafaifeautalai ma la'u auaunaga faafaifeautalai pe afai e mafai ona ou iloa ma talisapaia ia vavega na tutupu i aso taitasi.

### O Le Agaga Faafetai e Aveesea Ai le Fuā

Na amata ona faaali mai e le Alii ia te au sa Ia galueaiina ni vavega mo i ma'ua i aso taitasi—ae sa le mafai ona ou iloina pe ana ou le faia se taumafaiga magafagafa ina ia [ou] maua le lotofaafetai faamaoni. O le faaalia o le agaga faafetai e sili atu nai lo na o se aga masani lelei po o ni uiga faaaloalo lelei. Ina ua ou faailoa atu le agaga faafetai i le Alii ma isi, na faamalosia atili ai a'u. Sa oo ina ou lagona le fiafia mo isi faifeautalai pe a faamanuiaina i latou nai lo o le fuā (tagai i le Alema 29:14, 16). Sa sili atu ona mafai ona ou taulai atu i mea na ou maua, ma mea na sologa lelei nai lo o mea na ou le mauaina ma faaletonu.

Sa ou aoaoina o le agaga faafetai o le fofo lea o le faatusatusaina o i tatou i isi. O taimi na sa ou le lagona ai le

pei o se faifeautalai faamanuiaina, sa masani ona oo mai ona sa ou fai ifo ia te a'u lava, "E le o lelei tele lau faatinoga e pei o i latou la," po o le, "E sili atu lo latou lelei i le mea lenei nai lo a'u." Sa ou aoaoina foi e ui o le mamanu a le Alii o le tuuina mai ia i tatou o ni faataitaiga amiotonu e faataitai ma mulimuli ai, ae o le taufaasese a Satani le faaososo o i tatou e faatusatusa i tatou ma i latou ina ia mafai ai ona iloa lo tatou taua po o le manua. Ae ua manino lava le *Talai La'u Talalelei* i lenei mea: "Aloese mai le faatusatusaina o oe i isi faifeautalai ma fuatia taunuuga vaaia o au galuega i a latou foi taumafaiga."<sup>3</sup> Mulimuli ane, sa fesoasoani le agaga faafetai ia te a'u e taumamao ai mai le faamauluga ma faamanatu mai ia te au o le Alii e pule i Lana galuega. E le tatau ona ou fuā ona na foliga mai sa tele atu le faamanuiaina o o'u uso a faifeautalai.<sup>4</sup>

### O Le Fua Moni o le Manua

Ae ou te lei mauaina lenei suiga o le manatu, sa ou soona taulai atu i se ituaiga faamanuiaga faapitoa lea na galo ai ia te au ona pupula o'u mata i isi auala na tali mai ai e le Alii a ma'ua tatalo ma faamanuiaina ai la ma'ua galuega faafaifeautalai. Mulimuli ane, na amata ona faamanua mai e le Alii le galuega faafaifeautalai i lo matou eria i ni auala matagofie ma e le'i mafaufauina. Na ma maua ni tagata na naunau e talia la ma'ua savali, ae o le taimi lena ua ou aoaoina e aua nei fuaina lo'u tulaga faamanuiaina i filifiliga a isi.

Na faasoa mai e Peresitene Gordon B. Hinckley (1910–2008) le fiafia a se tasi o peresitene o le misiona e uiga i le galuega faafaifeautalai: "Fai le mea sili e te mafai, lau



*I le tele o itu, o le fuatia o lo'u faamanuiaina o se faifeautalai e mafai ona faamasinoina i lo'u naunau e salamo ma finafinau e faaauau pea ona galue.*

[taumafaiga] sili, sili ona lelei. Fai au tatalo ma galue malosi ma tuu le seleselega i le Alii.<sup>5</sup> *I le Talai La'u Talalelei* o loo aoao mai ai se mea e talitutusa lava e uiga i faifeautalai faamanuiaina: “Fai le mea sili e te mafaia ina ia aumai ai agaga ia Keriso, ma saili ma le faamaoni e aoao ma alualu i luma.”<sup>6</sup>

Afai lava sa ou naunau e salamo, afai lava e mafai ona ou tali atu ma le faamaoni i le Alii sa ou faia le mea sili na ou mafaia, e mafai ona ou lagona le mautinoa sa avea au o se faifeautalai faamanuiaina—e tusa lava pe na talia e tagata la ma'ua savali. I le tele o itu, o le fuatia o lo'u faamanuiaina o se faifeautalai e mafai ona faamasinoina i lo'u naunautai e salamo ma lo'u finafinau e faaauau pea ona galue.

E tele au vasega na faamaumauina i lau api o talaaga mai lenei taimi o la'u misiona. A o ou taumafai ia sili atu ona faamaoni ma lotofaafetai, sa

ou maua se vaauga e sili atu, sa ou aloese mai le lotovaivai, ma sa faateleina lo'u lagonaina o le Agaga i le galuega. Na ou iloa o le mea o loo aoao mai e le *Talai La'u Talalelei* e moni: “Afai ua e faia le mea sili e te mafaia, atonu e te oo lava i ni tulaga e faanoanoa ai, ae o le a e le faanoanoa ia te oe lava. E mafai ona e lagonaina le mautinoa ua fiafia le Alii pe a e lagonaina le galue o le Agaga e ala atu ia te oe.”<sup>7</sup> Ma ina ua ou lagonaina na fiafia le Alii ia te au, na mafai ona ou onosaia soo se tofotofoga. ■

*E alala le tusitala i Iuta, ISA.*

#### FAAMATALAGA

1. Tagai *Tala'i La'u Talalelei: O Se Taiala mo le Galuega Faafeautalai* (2004), 11.
2. *Tala'i La'u Talalelei*, 11.
3. *Tala'i La'u Talalelei*, 11.
4. Tagai Jeffrey R. Holland, “O Le Au Faigaluega i le Tovine,” *Liahona*, Me 2012, 31.
5. Gordon B. Hinckley, “Saili tamai Mamoe, Fafaga Mamoe, *Liahona*, Iulai 1999, 120.
6. *Tala'i La'u Talalelei*, 11.
7. *Tala'i La'u Talalelei*, 11.

## FAASOA ATU OU AAIFIAGA

*“E lei leva ona foi mai la'u misiona, ma ua ou lagona le pei ua leai sou faamoemoega. O le a se mea e tatau ona ou faia?”*

Faifeautalai ua mae'a misiona, faamolemole ia ta'u mai pe na faapefea ona e faia le suiga mai lau misiona i le toe foi mai i le fale ma toe foi atu i le aoga, galuega, po o isi gaoioiga. Imeli mai lou aaifiaga i le liahona@ldschurch.org po o le auina mai i le initonet i le liahona.lds.org. Faamolemole ia aofia ai lou igoa atoa, aso fanau, ma le igoa o le uarota po o le paranesi.



# Avea ma se Faifeautalai o le *Tala'i La'u Talalelei*



Saunia e Elder  
**David A. Bednar**

O Le Korama  
a Apostolo e  
Toasefululua

*E mafai ona e faia lena mea!*  
Ua silafia e le Alii ua fai ai oe  
ma sui ma auauna atu i ai e te  
mafai ona faia lenei mea. Ou  
te iloa e te mafai ona e faia  
lenei mea.

**O** se Apostolo e muamua, taulamua, ma o taimi uma e avea ai ma se faifeautalai. O lena mafuaaga, ua ou matuai fifia ai lava e talanoa atu ia te outou o uso a auauna i lenei galuega matagofie i aso e gata ai.

## O LE A LE FAIFEAUTALAI O LE *TALA'I LA'U TALALELEI?*

O se faifeautalai o le *Tala'i La'u Talalelei* o se auauna a le Alii, ua valauina e ala i valoaga ma faatagaina e ala i le faaee atu o lima, o e folafola atu le talalelei e faavavau ma toefuataiina a le Faaola i Lana ala (tagai i le MF&F 13–14, 17–24; MF&F 68:1).

O le faamoemoega atoa o se faifeautalai o loo faamatalaina i le *Tala'i La'u Talalelei* o le “valaau atu i isi ina ia o mai ia Keriso e ala lea i le fesoasoani atu ia i latou e talia le talalelei toefuataiina, e ala i le faatuatua ia Keriso ma Lana Togiola, salamo, papatiso, mauaina le mealofoa o le Agaga Paia, ma tumau e oo i le iuga.”<sup>1</sup>

O le tiutetauave paia e talai atu ma le mautinoa le talalelei ma faia sau-niga faaola, na faatinoina lava talu mai ona tuliese Atamu mai le Faatoaga o Etena, ma o le a faaauau ai pea seia “faapea mai Ieova o Au ua mae'a le galuega.”<sup>2</sup>

O TULAGA MANAOPIA E AVEA  
AI MA FAIFEAUTALAI O LE *TALA'I LA'U TALALELEI*

Ou te fia talanoaina ni tulaga manaomia autu se lima mo le avea ma ni faifeautalai o le *Talai La'u Talalelei*.

**Tulaga manaomia #1: E malamalamama faifeautalai o le *Tala'i La'u Talalelei* latou te auauna atu ma fai ma sui o Iesu Keriso.**

O faifeautalai o le *Tala'i La'u Talalelei* e iloa ma malamalamama o ai o loo latou fai ai ma sui, le pogai latou te auauna atu ai, ma mea e tatau ona latou faia. Ua valaaufina faifeautalai faamisiona e auauna atu ma vaetofia faalelei o ni auauna ma ni sui o le Alii o Iesu Keriso. Tatou te molimau atu Lona suafa ma i le moni, paia, ma le misiona a Iesu Keriso i atunuuma, ituaiga, gagana, ma nuu (tagai i le MF&F 133:37).

Tatou te alolofa i le Alii. Tatou te auauna ia te Ia. Tatou te mulimuli ia te Ia. Tatou te fai ma sui mo Ia.

O Ona faamoemoega e tatau ona avea ma o tatou faamoemoega. O mea e fiafia i ai o Ia e tatau ona avea ma mea tatou te fiafia i ai. O Lana galuega e tatau ona avea ma a tatou galuega. O Ona ala e tatau ona avea ma o tatou ala. O Lona finagalo faateleina e tatau ona avea ma o tatou loto.

I le avea ai ma sui o le Togiola, tatou te talai atu faafaigofie ma manino ia aoaoga faavae autu ma mataupu faavae o Lana talalelei toefuataiina. Tatou te le tuuina atu ni manatu o le tagata lava ia po o masalosaloga. Tatou te folafola atu ma molimau atu e uiga i le upumoni faigofie ua toefuataiina i le ala a le Alii ma i le mana o Lona Agaga.



Sei ou tau atu nisi o upumoni faigofie i le manino tonu o loo o'u iloaina ai.

- O i tatou o ni sui faatagaina o le Togiola ma le Faaola o le lalolagi.
- Ua valaaufina i tatou e talai atu Lana talalelei toefuataiina ma le faavavau.
- E le mafai ona tatou pisia i po'upo'ua o le lalolagi ma avea ma ni Ona sui malolosi ma galulue ma le mana i Lona suafa paia.
- E le mafai ona tatou fesoasoani i isi ia manumalo mai noataga o le agasala pe afai o loo ponatia i tatou lava i le agasala (tagai i le MF&F 88:86).
- E le mafai ona tatou fesoasoani i isi e aoao ia salamo pe afai tatou te le o iloaina foi e i tatou le auala e salamo sa'o ai ma le atoatoa.
- E mafai ona tatou folafola ma talai atu ma le mana na o mea o loo tatou taumafai e avea ai.
- O le a tatou tali atu i luma o le Atua mo o tatou manaoga amiontonu ma le agavaa e galulue ai o ni Ona sui.

O faifeautalai o le *Tala'i La'u Talalelei* e malamalamama e le uma le tiutetauave o le fai ma sui o le Faaola, ma ia molimau atu e uiga ia te Ia. Faamolemole ia manatua o Ia i mea uma e te mafaufau i ai, i mea uma e te faia, ma i mea uma e te taumafai e avea ai, ma ia lelei ona avea ma Ona sui i fanau uma a le Tama Faalelagi lea tou te fegalegaleai i le taimi nei ma taimi uma.

**Tulaga manaomia #2: O faifeautalai o le *Tala'i La'u Talalelei* e agavaa.**

O se tulaga manaomia taua i le avea ma faifeautalai o le *Talai La'u Talalelei* o le agavaa patino i luma o le Faaola.

E le o manaomia i tatou i le taimi nei ina ia atoatoa. Ae ua poloaiina i tatou ia ola mama, ma savavali tonu i luma o le Faaola o Isaraelu. "Ia mama outou o e e tauaaoina ipu a le Alii" (MF&F 38:42).

O le salamo o se mataupu faavae o le faamoemoe ma le faamalologa —e le o le lotovaivai ma le faavauvau. O le salamo e moni lava e faaloto-maulaloina—ae le o le taufaafefe. O le salamo e o faatas lava le faasau-lala ma le mafanafana, faigata ma le fimālie. O le salamo o se meaalofa tautele na mafai ona maua e ala i le

Togiola a Lē tatou te alolofa, auauna, ma mulimuli i ai.

E tusa lava pe na e faia ni agasala matuia, o le Togiola a Iesu Keriso ma le salamo faamaoni, o le a mafai ai ona e toe mamā ma agavaa.

O loo i ai ni talavou o e o loo manaomia ona salamo atoatoa. O le taimi lenei. Faamolemole, faamolemole, faamolemole aua le faatuai le aso o lo outou salamo.

O loo i ai talavou o e ua salamo ma o loo faaauau pea ona salamo ma o loo mafaufau pea pe ua latou faia mea uma e manaomia ina ia taliaina ai e le Alii (tagai i le MF&F 97:8). Faamolemole ia manatua, e manaomia e le Alii lou mama ae le o le atoatoa. O le toe galue ai o le Agaga Paia i lou olaga o le faailoaga mautinoa lea o le faamagaloga e le Alii aua “e le afio le Agaga o le Alii i malumalu le paia” (Helamana 4:24). Ma ia iloa o le polo-aiga ia “faamagalo atu i tagata uma”



(MF&F 64:10) e aofia ai le faamagalo o oe lava.

O faifeatalai o le *Tala'i La'u Talalelei* o ni soo a le Alii o Iesu Keriso e faamalu ma usitai i poloaiga. Faamolemole ia manatua o Ia i taimi uma ma ia mama ma agavaa e avea ma Ona sui.

#### **Tulaga manaomia #3: O faifeatalai o le *Tala'i La'u Talalelei* e teuina upu o le ola e faavavau.**

Ou te valaaulia outou ina ia “teu i o outou mafaufau e le aunoa afioga o le ola” (MF&F 84:85). O le teuina o upu o le ola e faavavau e sili atu nai lo na o le suesueina pe taulotoina, e pei lava o le “taumamafa fiafia i le afioga a Keriso” (2 Nifae 31:20; tagai foi i le 2 Nifae 32:3) e sili atu nai lo na o le tofo po o le lamulamu. O le teuina e fautuaina mai ai ia te au le taulai atu ma galue, su'e ma popoga, mafaufau loloto ma tatalo, faaaoga ma aoao, faataua ma le talisapaia, ma le olioli ma le faamemelo.

Manatua atalii o Mosaea—o ni faifeatalai mataina e toafa e igoa ia Amona, Arona, Omenea, ma Himinae—na “matua malolosi i le malamalamo o le upumoni; ona o i latou ni alii mafaufau lelei ma sa latou suesue i tusitusiga paia ma le filiga” (Alema 17:2).

O nei faifeatalai totoa na teuina moni pea lava pea ia upu o le ola e faavavau. Latou te le'i faatamala pe na o le faatino e le tagata lava ia ma faalesoa ia suesuega o tusitusiga paia. O le poto ma le malamalamo faaleagaga na tui a loloto ai o latou lava agaga, ma na faamaonia le moni o aoaoga faavae ma mataupu faavae o le talalelei i o latou loto e ala i le mana o le Agaga Paia.

I le avea ai ma sui o le Faaola, ua ia te oe ma a'u le tiutetauave faifaipea e galulue ai ma le filiga ma totō i o latou loto ma mafaufau ia aoaoga faavae ma mataupu faavae autu o le talalelei toefuataiina, aemaise lava mai le Tusi a Mamona. Pe a tatou faia faapea, o le faamanuiaga folafolaina e faapea o le a “faamanatu mai foi [e le Agaga Paia] ia [i tatou] i mea uma (Ioane 14:26) ma faamalosi i tatou pe a tatou aoa o atu ma molimau atu. Peitai e pau le auala e mafai ona galue ai le Agaga faatasi ma ala mai ia i tatou, pe afai lea tatou te tuuina atu ia te Ia se mea e galue ai. E le mafai ona Ia fesoasoani ia tatou manatua mea tatou te le'i aoaoina (tagai i le Alema 31:5).

O faifeatalai o le *Tala'i La'u Talalelei* e teuina pea lava pea upu o le ola e faavavau, latou te faalagolago



i le aogā o le upu, ma e i totonu ia i latou le mana o le upu. Faamolemole ia manatua pea o Ia, ia agavaa i taimi uma e fai ma Ona sui, ma ia teuina ma faalagolago i le aogā o le upu.

#### **Tulaga manaomia #4: O faife-autalai o le *Talai La'u Talalelei* e malamalamā o le Agaga Paia o le faiaoga mulimuli ma le faamaoni.**

O le Agaga Paia o le sui lona tolu o le Aigaatua, ma o Ia o le molimau o upumoni uma ma le faiaoga mulimuli ma le faamaoni. O lesona tatou te aoao atu ma molimau tatou te tuuina atu o ni sauniuniga ia i se tagata sailiili o loo galue ma aoao mo ia lava.

I le avea ai ma faifeatalai, o se tasi o o tatou matafaioi e sili ona taua o le valaaulia o tagata sailiili e faaaoga o latou faitalia ma galue e tusa ai ma aoaoga a le Faaola. O le osia ma le tausia o tautinoga faaleagaga, e pei o le tatalo mo se molimau i le moni, suesue ma tatalo e uiga i le Tusi a Mamona, auai i sauniga a le Ekalesia, ma le tausia o poloaiga, e manaomia ai e se tagata sailiili ona faaaoga le faatuatua, ia galue, ma ia suia ai.

Tusa lava po o le a le malosi tatou te auauna atu ai, e le mafai e oe ma a'u ona tuleia pe faamalosia le upumoni i totonu o loto o tagata sailiili. O a tatou taumafaiga sili ona lelei e na ona molioo atu ai o le savali o le upu moni i le loto (tagai i le 2 Nifae 33:1). I le iuga lava, o le tagata sailiili e tatau ona galue i le amiontu ma valaaulia le upumoni i totonu o lona lava loto. E na o le pau lenei o le auala e mafai ai e tagata sailiili faamaoni o le upumoni ma tagata fou liliu mai ona atiina ae le malosiaga faaleagaga e sue ai tali mo i latou lava.

Talu ai o lo tatou tiutetauave o le fesoasoani i tagata sailiili e aoao e ala i le faatuatua ma le mana o le Agaga Paia, o lenei galuega e le faatatauina ia te au ma e le faatatau foi ia te oe. E tatau ona tatou faia mea uma i lo tatou malosi e faataunuui ai lo tatou tiutetauave o ni faifeatalai ma o le taimi foi lena e "aluese ai mai le ala" ina ia mafai e le Agaga Paia ona faia Lana galuega ma [Lana] matafaioi paia. O le mea moni, soo se mea e te faia pe ou te faia i le avea ai ma sui o le Faaola e tata'i atu ai ma le iloa ma le fuafuina ia tosina atu i le tagata lava ia—i savali tatou te tuuina atu, i auala tatou te faaaogaina, poo o tatou uiga patino ma foliga vaaia—o se ituaiga o lea o faitaulaga pepelo lea e taofia ai le aoao atu ma le mataalia o le Agaga Paia.

"E talai atu ea e ia i le Agaga o le upumoni po o se isi ala? Ma afai e talai atu i se isi ala ua le mai i le Atua" (MF&F 50:17–18).

Faamolemole ia manatua pea o Ia, ia agavaa e fai ma sui mo Ia, ia teuina Lana afioga, ma faatagaina le faiaoga sili ma le faamaoni, o le Agaga Paia, e molimau mai i mea moni uma.

#### **Tulaga manaomia #5: O faifeautalai o le *Talai La'u Talalelei* e malamalamā o le aoao atu e sili atu nai lo le talanoa ma tau atu.**

A o saofai le Faaola i luga o le Mauga o Olive, sa Ia fetalai mai: "Aua nei muai manatu i sa outou e fai atu ai, aua foi le luai fatufatuai; a o se mea e foaiina ia te outou i lena itu aso, o lea tou te fai atu ai; aua e le o outou e fai atu ai, a o le Agaga Paia" (Mareko 13:11).

Na faatonuina e le Faaola ia faifeatalai i aso popofou o lenei tisipensione ia "tatala o oulua gutu ma o le a faatatumuina" (MF&F 33:8, 10) ma ia "sii ae o oulua leo i lenei nuu;



tautala atu mafaufauga o le a Ou tuu i o oulua loto, ma o le a le faafemememaiina oulua i luma o tagata; aua o le a tuu atu ia te oulua i le itula tonu lava, ioe, i le minute tonu lava, mea e te lua fai atu ai” (MF&F 100:5–6).

Na faamamafa mai e nei mau se mamanu sili ona faigata ma a’ia’i mo le talaiga ma fesoasoani atu ai i tagata sailiili e aoao ai i upumoni. O faifeautalai o le *Tala’i La’u Talalelei* e iloa tatou te le aoaoina lesona; tatou te aoaoina tagata. E le na ona tatou faia pe tauloto atu ni savali e uiga i autu o le talalelei. Tatou te valaaulia tagata o loo sailia le upumoni ina ia oo i le liliuga tele o le loto. Ua tatou malamalamo o le talanoa ma le ta’u atu e le o ni aoaoga.

O le talai atu o le talalelei i le ala a le Alii e aofia ai le matau ma le faalogologo ma le iloatino o mea e manaomia ao lei talanoa atu i ai. O le faasologa o nei faiga fesootai e fa e taua. Faamolemole ia matau o le fia iloa ma le faalogologo e muamua atu i le iloatino ma o le iloa, faalogologo, ma le iloatino e muamua atu i le tautala atu. O le faaaogaina o lenei mamanu o le a mafai ai e faifeautalai ona iloa ma aoao atu ia manaoga o tagata sailili.

A o tatou matau, faalogo, ma iloatino, e mafai ona tuuina mai ai ia i tatou “i lea lava itula le vaega lena o le a fua atu i tagata taitoatasi” (MF&F 84:85)—o upumoni ina ia faamamafa atu ai ma le tali e tuuina atu o le a fetau ma manaoga patino o se tagata sailiili faapitoa. E na o le iloaina, faalogo, ma iloatino e mafai ona taialaina i tatou e le Agaga e fai atu ma faia ia mea o le a sili ona fesoasoani ia i latou o e o tatou auauna atu i ai.



O le matau o se sauniuniga taua ina ia maua ai le meaalofa faaleagaga o le iloatino. O le iloatino o le vaai i mata faaleagaga *ma* lagona i le loto—o le vaia ma le lagonaina o le pepelo o se manatu, o lelei o i se isi tagata, po o le isi mataupu faavae o loo manaomia e fesoasoani ai i se tagata sailiili. O le iloatino o le faalogo i taliga faaleagaga *ma* lagona i le loto—faalogo atu ma lagonaina o le popolega le magagana i se manatu faaalia po o se fesili, o le moni o se molimau po o le aoaoga faavae, po o le faamautinoaga ma le filemu lea e oo mai i le mana o le Agaga Paia.

O faifeautalai o le *Tala’i La’u Talalelei* e galulue i le faatuatua ma o loo taialaina e le Agaga ina ia fesoasoani i tagata sailiili e aoao i le upu moni. Faamolemole ia manatua pea o Ia; ia agavaa e avea ma sui mo Ia; ia teuina ai Lana afioga; faataga le Agaga Paia e molimau mai i mea moni uma; ma ia matau, faalogo, ma iloatino a o e molimau atu e uiga ia Iesu Keriso i tagata sailiili faamaoni o le upumoni.

## E MAFAI ONA E FAIA LENEI MEA!

Atonu e te faitau i la’u savali ma talitonu ai e mafai ma o le a faia e isi talavou uma mea sa ou faamatalaina

atu. Ae atonu o le a e mafaufaup pe mafai ona e faia. Faamolemole ia faa logo. E mafai ona e faia lenei mea!

Ana faapea e faatino moomooga o lo’u loto, ou te faaaluina ni nai minute ma outou taitoatasi. Ou te luluina lou lima, opoina mai oe, tilotilo atu i ou mata, ma fai atu, “E mafai ona e faia lenei mea! O le Alii o loo outou sui ai ma auauna atu i ai e silafia tou mafai lenei mea. Ou te iloa e mafai ona e faia lenei mea. Ma o le avea ai ma Sana auauna, ou te folafola atu o le a e maua Lana fesoasoani. Faamolemole ia manatua e le aunoa, o Lana fesoasoani ma Lona malosi, e mafai ai ona e faia lenei mea!”

Ou te alofa ia te outou ma tatalo a o outou tauivi e avea ma tagata e tatau ona avea ai outou, o le a outou iloa ma tali atu i le faatuatua i le siufofoga ma le taitaiga a le Alii. Ona avea moni ai lea o outou ma sui malolosi ma le mataalia o le Alii o Iesu Keriso. ■

*Mai se saunoaga i se faigalotu na tuuina atu i le Nofoga Autu o Aoaoga mo Faifeautalai i Provo i le aso 24 o Iuni, 2011.*

## FAAMATALAGA

1. *Tala’i La’u Talalelei: O Se Taialala mo le Galuega Faafeautalai* (2004), 1.
2. *Aoaoga a Peresitene o le Ekalesia: Iosefa Samita* (2007), 151.

# Nao Le ma ATAATA LAVA FAI ATU LEAI

Saunia e Hazel Marie Tibule

**I** se tasi taumafanafana, sa ou auai ai i se galuega faataitai i le motu i Bicol, Filipaina. Sa matagofie le vaaiga i le vasa, ma sa ou tulimatai atu i taeao taitasi.

Ae peitai, sa ou fā'atu i afiafi. O le taimi lena e amata ai ona inupia ma fai pati a tagata e i totonu o le tolau-apiga. Sa fai soo valaaulia i ia pati, ma e tatau ona matou o i ai ma au uo faigaluega, talu ai o le le auai o le faaaloalo lea.

O le pati muamua o se pati faafei-loai lea mo tagata faigaluega faataitai fou. Sa ou fefe e auai atu i ai, aua sa ou mautinoa lava o le a latou ofoina mai ia i matou ni pia ma ou te le iloa pe faapefea ona teena. Sa ou valaau i se uo i la'u uarota i le matou nuu, ma sa ia tuuina mai ia te au nisi o fautuaga matagofie lea na faateleina ai lo'u talitonu ia te a'u lava.

Ina ua amata le pati, sa latou ofoina mai ia i matou ni pia ae, o le mea na laki ai, e lei faamalosia i matou e inu. Talu ai na taliaina e au uo faigaluega lo'u tulaga ou te le inu pia, o le teenaina o isi ofo na faigofie nei mo a'u—vagana ai se tasi o po. I se tasi o pati, na sau ai le peresitene o le kamupani. Sa ia uumaia se fagu *lambanog* (o se uaina i le lotoifale e fai i le

popo). E lei leva ona ia taunu mai, ae ou vaai o ia ligiina ni uaina. Ona ia faapea mai lea, "E tatau ona tou aoao i le auala e inu ai" ma tuu atu le ipu i se tasi o le au faigaluega faataitai. Sa vave ona ia inuina.

Sa amata ona tātāvale lo'u fatu. E le toe umi ae oo i lou taimi. Sa ou musumu lemu ia te au lava, "o le a ou le

inuina. O le a ou le inuina." Ona ou vaai atu lea ua faaloalo mai e le peresitene le ipu uaina ia te a'u. Ou te lei iloa le mea e fai. Na taufaitilotilo mai au uo faigaluega faataitai ia te au, ma faatalitali po o le a la'u mea o le a fai. Sa ou ataata atu i le peresitene ma fai atu ma le lotomualalo, "Faamalie atu i lau susuga, ae ou te le inu ava."

Sa ou iloa na le fiafia. Sa ia fesili mai pe aisea ou te le inu ai. Sa ou fai atu, "O au o se Mamona."

Na fai mai o ia, "Ou te lei faalogo i lena tapuaiga. E foliga mai o se ituiga o meaai." Na taliē tagata uma.

Sa ou ataata foi, e le faapea ona o lana tala malie, ae ona na ou iloa sa ou faia le mea sa'o.

E lei toe i ai se tasi na ofo maia ia te au se ava malosi. Peitai sa le'i gata ai le tauemuina, mai foi i a'u lava uo. Na oo lava ina fai mai se tasi sa ou pepelo, ma e le o se mea moni le faapea atu o tagata o le Ekalesia e le inupia. O le taimi lena na ou lagolina ai ia tulaga mamafatu ia e oo i ai tagata o le Ekalesia.

O lo'u nofo ai i lena motu na aoaoina ai au i le tele o lesona, e le na o le faaakatemia ae faaleagaga foi. Sa ou aoaoina ai atonu e le uma lava ia tauemuga, ae o le a taitaiina pea oe e le Agaga o le Alii e fai le mea sa'o. ■

*E alala le tusitala i Metro Manila, Filipaina.*





Saunia e Elder  
Adrián Ochoa  
O Le Fitugafulu

*E te manao e maua se lagona sili ona lelei ma faateleina lou lototele faaletino ma faale-lagona? O le a fesoasoani le faia soo o faamalositino.*

**S**a ou faitau talu ai nei i se manatu manaia e uiga i le faia o faamalositino. Sa ou faitau ai e faapea afai e te ala po, tui ou ofu koleni, ma mafaufau faapea, “tau lava o le fai o o lo’u ofu lea, alu i fafo mo se sava-liga, ma afai e lelei la’u faalogo, o le a amata ona ou tamoemoe,” e masalo o le a e maua se toleniga manaia ae e te lei iloaina. O le mauaina o se fuafuaga faigofe faapea e mafai ona fesoasoani ia te oe e atiae ai ni aga masani faamalositino lelei ma tausia ai lou tino. Mo le toatele o tagata, o le amataina ma le tausisi pea i ai o vaega ia e sili ona faigata. Afai e te manatua o faamalositino e le gata ina manuia ai lou tino ae e faapena foi i lou mafaufau ma le faiai, o le a fesoasoani e te maua ai le naunau ina ia [e] malosi atili faaletino. A o e faamalositino, o le a avea oe ma se tagata tiotio e lagona le malosi, lototele, mataala, ma le malupuipuia.

Ou te manatua le tala i se manulele na amata ona faafesuiai ona fulu mo ni anufe. Sa faigofie le mauaina o se meaai i lena auala, ma sa mafaufau le manulele sa tele ona fulu. A o faaauau le faafesuiai o ona fulu, sa fafia le manulele i le le toe ala po e su’e ni ana anufe. Sa mafai ona nofonofo i lona faamoega i le aso atoa ma e leai se mea e toe minoi ai [sonal] museleo.

# IA MALOSI, OLA MALOLOINA, IA ATAMAMAI

Ae peitai, i le iuga, na masani tele le manulele i lenei mea ma na ia iloa ane ua le mafai ona ia toe lele aua ua leai ni ona fulu taua.

E mafai ona tupu lenei mea i soo se tasi o lē paū atu i le mailei o mausa leaga, faiga masani o le paie, po o le faaaogaina o vailau oona ua fai ma vaisu. I le *Mo le Malosi o le Autalavou* tatou te faitau ai o nei mea e “faamanualia ai lou tulaga manuia faaletino, faalemaufau, faalelagona, ma le faaleagaga. Latou te faaleagaina ai mafutaga ma aiga ma uo ma faaitiitia ai ou lagona o le taua faaletagata lava ia. Latou te faatapulaaina lou gafatia e fai ai filifiliga mo oe lava ia.”<sup>1</sup> O le toaga ma tausami lelei o le a fesoasoani ia i tatou e aloese ai mai nei mausa leaga. Ana faapea na faaauau pea ona lele le manulele ma sue ana meaai, semanu e le maumau ona fulu. E faapena foi, afai tatou te “faaaogaina o tatou maso” ma faia ni faamalositino e le aunoa, o le a tatou atiina ae le tomai e aloese ai mai mea e matele ina lamatia pe faatoilalo ai i tatou.

E pei lava ona tauivi nisi o tagata taitoatasi ma le soifua maloloina faaletino, o isi e tauivi ma le soifua maloloina faalelagona. E mafai ona faigata le olaga, ma o nisi taimi tatou te maua ai le lagona o le popolevale, atuatuvalue,

po o le le faatuatuaina o le tagata o ia lava. Ae ia manatua o le soifua maloloina faaletino ma le faalelagona, e fesoasoani ia faamalositino ma le galue malosi ina ia faatumauina ai se vaaiga lelei. O le tausia lelei o lou tino e faamanuiaina ai foi lou mafaufau ma fesoasoani e te manatua ai o oe o se atalii/afafine o le Atua ma e mafai ona e maua le mautinoa ma le fafia. E fesootai faatasi uma o tatou itu faalelagona, faaletino ma faaleagaga. O loo aoao mai i le *Mo le Malosi o le Autalavou*: “O lou soifua maloloina faalelagona e taua foi ma e ono aafia ai lou tulaga manuia faaleagaga ma faaletino. O le le fafia ma le faanoanoa i nisi taimi o ni vaega ia o lenei olaga faaletino. Peitai, afai o i ai ia te oe ni lagona faaumiumi o le faanoanoa, leai o se faamoemoe, popolevale, po o le atuatuvalue, ia talanoa i ou matua ma lou epikopo ma saili se fesoasoani.”<sup>2</sup>

Aisea tatou te maua ai ni tagata o loo siomia i tatou o e foliga mai ua sili atu ona malolosi ma fafia? O se tasi o mafuaaga autu o mausa. Afai tatou te vaa i o tatou tino mai se vaaiga faaleagaga ma malamalamama i ai o “se malu-malu, o se meaalofa mai le Atua”, o le a tatou alofa i ai ma tausisia le paia.<sup>3</sup>

Ia te au, o le *paia* o lona uiga o le mama, fafagaina, ma malosi. O se tasi

o auala e fesoasoani ai le Tama Faalelagi ia i tatou e tausia le paia o o tatou tino, o le tuuina mai lea ia i tatou o le Upu o le Poto. Ua faamatala mai e le *Mo le Malosi o le Autalavou* e faapea: “A e usitai i [le Upu o le Poto], o le a tumau pea lou saoloto mai vaisu faataumaoi, ma e pulea ai lou olaga. E te mauaina faamanuiaga o se tino maloloina lelei, o se mafaufau mataalia, atoa ai ma le taitaiga a le Agaga Paia. O le a e saunia e auauna atu i le Alii. Aua lava nei faatagaina Satani po o isi e faaseseina oe e manatu faapea o le solia o le Upu o le Poto o le a atili ai ona e fiafia, sili atu ona laulioa ai, pe aulelei atili ai.”<sup>4</sup> Ao e mulimuli i le Upu o le Poto, manatua o loo e tauisiaina uma lou tino ma lou mafaufau

ma o le a faatagaina ai oe e “maua le poto ma oa silisili o le malamalama” (MF&F 89:19).

Nai lo le avea ai ma se manulele paie o faafesuiai ia ona fulu, ia faamaulu ou seevae taalo ma gaoioi. Ia faamalositino e le aunoa. Lesitala i le taaloga e te fiafia i ai pe faia ni uo lea e mafai ona tou tamoemoe pe faia nisi gaoioiga faafafia tuufaatasi. A o e faia ni mea faaletino, e le gata i le koleniina o lou tino ae faapea foi i lou mafaufau. O le faamalositino e faamalosia ai foi le soifua maloloina faalelagona. Ia manatua o le mea aupito sili ona taua e le o le saoasaoa po o le lelei o lou tino—ae o le faifai pea. A o e faamalositino e le aunoa, e le gata o le a sili atu lou fiafia ae o le a sili atu ona e malosi, maloloina, ma atamai. ■

#### FAAMATALAGA

1. *Mo Le Malosi o le Autalavou* (tamaitusi, 2011), 27.
2. *Mo Le Malosi o le Autalavou*, 27.
3. *Mo Le Malosi o le Autalavou* 25.
4. *Mo Le Malosi o le Autalavou* 25.





# MULIMULI ONA Tulagaaao

O le avea e faapei o le Faaola o se faagasologa faifaipea, o le olaga atoa, ma e mafai ona e amata i le faia o ni laa laiti i aso uma.

**Saunia e Melissa Zenteno**

Mekasini a le Ekalesia

**U**a fautuaina i tatou e tusitusiga paia ina ia avea faapei o Iesu Keriso ma “savali, . . . faapei ona savali o ia” (1 Ioane 2:6). Ae e mafai ona faigata lena laa muamua—ae maise lava pe afai e te le iloa le auala e amata ai.

O le a e maua se fesoasoani i le *Talai La'u Talalelei: O Se Taiala mo le Galuega Faafafeautalai*. Atonu e te manatu ua na o se tusitaulima mo faifeautalai faamisiona, ae o le mea moni o se meafaigaluega maoae e mafai ona fesoasoani e te amata ai i lau sini o le avea faapei o le Faaola. O le matapu e 6 ua mamanuina e fesoasoani ia te oe ina ia malamalama ma faaaoga ia uiga faapitoa faaKeriso e iva.

O nisi nei o fautuaga mo le auala e faaaoga ai le *Talai La'u Talalelei* ma tusitusiga paia a o e saili e atiina ae uiga faa-Keriso:

- Ina ia amataina, alu i le Gaoioiga o Uiga i le faaiuga o le matapu e 6 i le *Talai La'u Talalelei* (itulau 135). E mafai ona fesoasoani lenei gaoioiga ia te oe e fuafua ai po o fea o uiga o avea i le taimi nei ma ou malosiaga faaleagaga ma po o fea [o uiga] e manaomia ona e galue i ai.

- A uma le gaoioiga, filifili ma le agaga tatalo se uiga taua e taulai atu i ai. Mafaufau e faitau le vaega i le mataupu e 6 e faatatau i lena uiga taua.
- Seti ni sini patino, e mafai ona fuaina o le a fesoasoani e atiina ae lenei uiga taua. Tuu atu ia te oe se taimi faatapulaa e galue ai i lau sini. Ona iloilo lea o lou alualu i luma. Mo se faataitaiga, afai o loo e taumafai ia sili atu le agaalofa, atonu e mafai ona e setiina se sini e fai atu ni upu lelei e uiga i lou uso po o lou tuafafine e faatolu i aso taitasi mo se vaiaso. I le faaiuga o le vaiaso, e mafai ona e iloilo ai pe na faapefea lau sini ma faia ni fetuunaiga o le a fesoasoani ia te oe e faaauau ai pea ona faaleleia atili.
- *O le Tala'i La'u Talalelei* ua tuuina atu ai mau e suesue faatasi ma uiga taitasi. E mafai ona e suesue ma le agaga tatalo i mau o loo lisiina atu ma tusi i lalo ni uunaiga e te maua a o e faitauina.
- Ole atu i le Tama Faalelagi mo se fesoasoani i le atinaeina o se uiga faa-Keriso. Ole atu mo se

fesoasoani faapitoa e pei o le, "Faamolemole ia tuu mai ia te au le malosi e foia ai lou ita pe a ave e o'u tei au mea. O le tele lava o le patino o au tatalo, o le faigofie atu lea o lou iloaina o tali a le Alii.

O le avea e faapei o lo tatou Faaola, o Iesu Keriso, o se faagasologa faifaimalie ma se tuliloaga o le olaga atoa. O nisi taimi atonu e foliga mai e sili atu ona faigata nai lo le tulaga maualuga o le fisiki. Ae aua le faanoanoa. Na folafola mai e le Alii ia i tatou: "O Ia o le a mauaina le malamalama, ma tumau pea i le Atua, e mauaina le malamalama atili, ma o lena malamalama o le a tupu susulu malamalama tele pea lava pea seja oo i le aso e atoatoa ai" (MF&F 50:24). Ao tatou maua, suesue, ma faaaoga le malamalama ma le upumoni ma faaauau pea ona mulimuli i le Atua i aso taitasi, e mafai ona faamautinoa i tatou o le a avea atili i tatou e faapei o lo tatou Faaola, o Iesu Keriso. ■

## GALUEGA I ASO UMA

O faatinoga laiti i aso uma o tulagavae ia i le ala e avea ai e faapei o lo tatou Faaola. Mafaufau i gaoioiga faaopoopo nei e fesoasoani ia te oe e atiina ae ai uiga faa-Keriso:

- Faitau mau o loo lisiina i le Faasologa o Autu po o le Taiala i Tusitusiga Paia e faatatau i le uiga o loo e sailia e atiina ae.
- Tatalo i aso uma mo le naunau ia suia ma le malosi e faaleleia ai.

- Ia tausia se api o talaaga e faa-maumau ai lou alualu i luma.
- Talanoa i ou matua. Faailoa ia i laua au sini ina ia mafai ona la fesoasoani ia te oe.



## AUAI I LE TALANOAGA



Ia Oketopa atoa, o le a outou suesue iai e uiga i le avea atili ai faapei o Keriso (pe afai o i ai i lau uarota po o le paranesi ia lesona fou i lau gagana). A uma ona faitau le tusiga lenei, filifili ma le agaga tatalo se uiga e galulue ai i lenei vaiaso po o le masina. E mafai ona e faatuina se sini ona iloilo lea o lou alualu i luma. Mo se faataitaiga, Pe na sili atu lou agaalofa po o le ususitai po o le onosai? Na faapefea ona fesoasoani lau sini o le avea atili faapei o Keriso e foia ai faafitauli? Mafaufau e faasoa atu sou aafiaga i isi talavou po o lou aiga.

## “O le a lau tali i tagata lotu ese e fesili mai pe aisea e le ola ai nisi tagata o le Ekalesia i o tatou tulaga faatonuina?”

**E** ese le matagofie pe afai e ola atoatoa tagata uma o le Ekalesia i le talalelei. E le gata o le a latou fiafia i le tele o faamanuiaga i o latou olaga ae o le a avea ai foi ma faataitaiga maoae ia i latou o siomiaina i latou. Ae o i tatou o ni tagata ola, o lea tatou te toilalo ai i nisi o itu. O le mafuaaga autu e ola atoatoa ai nisi i le talalelei nai lo isi ona e tofu uma lava i tatou ma tulaga o i ai o tatou liliuga ma le malosi o a tatou molimau. Ua tofu maua e i tatou ni tofotofoga eseese ma ni punaoa eseese ma tagata e fesoasoani ia i tatou.

Atonu e le malamalama tagata le lolotu i faapuga e pei o le “liua” ma le “molimau”, ae o le a latou malamalama e mafai ona filifili tagata taitoatas i le auala e ola ai. E mafai ona e faamalamalama atu faapea, ua fuafuaina e le Tama Faalelagi ia faapena. Sa Ia tuuina mai ia i tatou lo tatou fitali ina ia mafai ona tatou tutupu ae faaleagaga e ala i le filifiliina o le mea sa’o. Ae na silafia foi e le Tama Faalelagi o tagata uma lava—vagana ai Iesu Keriso—o le a faia ni mea sese, o lea na Ia saunia ai se Faaola mo i tatou. Ona o le Togiola, ua mafai ai ona tatou salamo, faamagaloina, aoao mai ia tatou mea sese, ma agai i luma i le olaga.

E mafai foi ona e faamalamalama atu faapea tatou te le faamasinoina i latou o e e le o mulimuli i tulaga faatonuina o le Ekalesia. Nai lo lena, tatou te taumafai e fesoasoani ia i latou, malamalama i ai, ma ia onosai ia i latou. E ui tatou te le taliaina le agasala, peitai tatou te le faasala i le tagata agasala (tagai i le Ioane 8:11). O loo i ai lava le salamo, mo i tatou uma.

### Sailiili i Tusitusiga Paia



O le tali i le fesili e mafai ona maua i tusitusiga paia. Pe a le tausia e tagata poloaiga, e tatau ona tatou aloese mai i le faamasino atu (tagai i le Mataio 7:1). Fai mai le Roma 3:23, “Aua ua agasala tagata uma, ma ua le oo i le viiga mai le Atua.” Ae peitai, e moni e tatau i tagata o le Ekalesia ona taumafai ia usiusitai.

*Madison M., 13 tausaga, Texas, ISA*

### Aoao atu e uiga i le Togiola



Pe a fai mai e tagata ni mea faapena, nai lo le saili masei i tagata e le o mulimuli i tulafono, ou te faaaogaina ia avea ma se avanoa e aoao atu ai e uiga i le Togiola. Ou te tau atu ia i latou e le faapea o i tatou o tagata Mamona ona tatou atoatoa ai lea, ma ua tatou maua le Togiola ina ia mafai ai ona tatou salamo i a tatou agasala ma foia ai na mea sese. E masani lava ona tatalaina e lenei mea le faitotoa i le anoano o isi fesili.

*Jayde H., 16 tausaga, Oregon, ISA*

### Ua Aoao Mai i Tatou e le Ekalesia e Fai Mea Lelei



E pei lava foi o isi tagata, e feagai foi tagata o le Ekalesia ma luitau ma faaosoosoga. E tofu i tatou uma ma vaivaiga, ae e le faapea ai e le moni lenei Ekalesia. O le Ekalesia lenei a Iesu Keriso, lea o loo fesoasoani i tagata ia iloa le talalelei moni ma ia maua le faaeaga. O le tagata natura lea e le usitai i poloaiga (tagai i le Mosaea 3:19), ma e le o se sese

o le Eklesia. Ua aoaoina i tatou e le Eklesia ia faia galuega lelei. Ae ua tofu i tatou ma se filifiliga.

*Lavinia S., 19 tausaga, Bulacan, Filipaina*

### O Tulaga Faatauaina E mo Lo Tatou Fiafia



E fetau tonu lava lenei fesili mo au aua ua ou iloa nisi o tagata o e ua faia ni filifiliga ua aveesea ai i latou mai le talalelei. Ua aumai e le Alii poloaiga ia i tatou mo lo tatou fiafia ma ia "aumai le tino ola pea ma le ola faavavau o le tagata" (Mose 1:39). E finagalo le Alii ia tatou toe foi atu ia te Ia; ae peitai, ua la finagalo ia tatou faia a tatou lava filifiliga. O le mafuaaga lena e le ola ai nisi o tagata i o tatou tulaga faatonuina. O tulaga faatonuina e fesoasoani ia te au lava ia aua ua ou iloa ua tuuina mai e le Tama Faalelagi ia te au ina ia mafai ai ona ou toe foi atu ma nonofo faatasi ma Ia ma maua le fiafia. O ni faamioniga o Lona alofa mo au.

*Morgane D., 18 tausaga,  
Languedoc-Roussillon, Farani*

### Avea ma se Faataitaiga



O lenei Eklesia e taua tele e fesoasoani ai ia i tatou e faataunu ia poloaiga a lo tatou Tama Faalelagi, ma toe mau faatasi ma Ia. Ae e le faapea la a auai se tagata i Eklesia o le a avea ai pea lava pea o ia ma se tagata lelei. Tagai foi i lo tatou lalolagi i aso nei, ua tumu i le amioleaga ma mea inosia, e ui lava ua tumu le lalolagi i tagata o e na filifili e mulimuli ia Iesu Keriso i le muai olaga. Ou te manatu o le mea sili e mafai ona tatou

faia o le faia o se faataitaiga mo a tatou uo.

*Kaden S., 15 tausaga, Iuta, ISA*

### Tatalo mo i Latou ma Asiasi ia i Latou

O tagata o le eklesia o e e le o ola i o tatou tulaga faatonuina atonu e le o i ai se molimau o taulai atu ia Iesu Keriso. E tatau ona tatou tatalo mo i latou, ina ia latou saili le taitaiga a le Agaga ma ia mafai ona latou maua ni a latou lava molimau. E tatau ona tatou asiasi atu i nei tagata ma fesoasoani ia i latou ia o mai ia Keriso.

*Andrea C., 13 tausaga, Lima, Peru*

### Ola Ai i o Tatou Tulaga Faatonuina



E pei lava foi o se isi faalapotopotoga po o eklesia, o loo i ai ni tagata ua sili atu ona tuuto pe itiiti foi le tuuto. E na o lo tatou ola lava i o tatou tulaga faatonuina i le mea sili tatou te mafaia ma faamoe-moe ma tatalo o le a faia foi e isi.

*Maren S., 16 tausaga, Arisona, ISA*



### VAAI ATU I ISI I TAGATA E MAFAI ONA AVEA AI I LATOU

"Ua ia i tatou le tiutetauave e vaai atu ai i tagata, e le o le tagata o loo latou i ai ae o tagata e mafai ona avea ai i latou. Ou te augani atu ia te outou ia mafaufau ia i latou i lenei ala."

*Peresitene Thomas S. Monson, "Vaa'i atu i Isi e mafai Ona Avea i Latou," *Liahona*, Nov. 2012, 70.*

## FESILI O LE A SOSOO MAI

**"O loo ou taumafai e pulea ou mafaufauga, peitai ua tele naua mau faaosoosoga. E mafai faapefea ona ou maua ni mafaufauga e sili ona mama?"**

Ia oo atu i le aso 15 o Novema, ua auina mai lau tali ma, pe a manao ai, se ata lelei i le liahona@ldschurch.org pe lafo mai i le tuatusi o loo i le itulau e 3.

O le faamatalaga ma le faatagaga o loo i lalo e tatau ona aofia mai i lau i-meli po o le tusi: (1) igoa atoa, (2) aso fanau, (3) uarota po o le paranesi, (4) siteki po o le itu, (5) lau faatagaga tusitusia, ma, afai e ititi ifo i le 18 ou tausaga, o le faatagaga tusitusia a ou matua (e talia foi le i-meli) e lolomiina ai lau tali ma lou ata.



Saunia e Elder  
C. Scott Grow  
O Le Fitugafulu

O le fesoasoani ia te oe ia salamo o se vaega faapitoa o le valaauga o se epikopo. O le a ta'u atu e lou loto fuatiaifo ia te oe pe a manaomia ona e talanoa atu ia te ia.

**A**tonu e te fia iloa pe aisea ua aoaoina ai oe e ta'uta'u atu i lou epikopo po o le pere sitene o le paranesi pe a e faia ni agasala matuia. Atonu e te fai ifo ia te oe lava ia, "Pe le o le salamo ea o se mea e patino i le va o au ma le Alii? Afai ua ou taofia a'u amioga sese, ma ua ta'uta'u atu i le Atua, aisea e manaomia ai ona ou talanoa i lo'u epikopo?"

#### Aisea e [Talanoa] ai i le Epikopo ae Le o Se Isi Tagata?

E toatele le autalavou e sili atu le to'alelei e tautau atu a latou mea sese i o latou matua po o taitai o le autalavou. E ui lava e mafai ona tuuina atu e ou matua ma taitai le lagolago ma fautuaga e manaomia, ua folafola mai e le Alii o le epikopo o se faamasino o Isaraelu (tagai i le MF&F 107:72, 74). Ua ia te ia le tiutetauave e iloilo ai le agavaa o tagata o lana uarota. E ala i le faauuina ma le ola amiontu, ua agavaa ai le epikopo i faaaliga mai le Agaga Paia e faatatau i tagata o lana uarota, e aofia ai ma oe.

E mafai ona fesoasoani le epikopo ia te oe i le faagasologa o le salamo i auala e le mafai e ou matua po o isi



# AISEA AE O A FOI MEA E TATAU ONA **TA'UTA'U ATU** I LO'U EPIKOPO?

taitai ona tuuina atu ai se fesoasoani. Afai e ogaoga tele le agasala, e mafai ona ia fuafua pe tatau ona faatapulaina ou aia i le Ekalesia. Mo se faataitaiga, i le avea ai ma se vaega o le faagasologa o lou salamo, atonu na te talosagaina oe e taofi mai le ai ma inu i le faamanatuga po o le faaaogaina o le perisitua mo se vaitaimi. O le a oulua galulue faatasi e fuafua le taimi e te toe agavaa ai e toe faaauau ai na gaoioiga paia.

O le a fautuaina oe e lou epikopo po o le a se mea e faia e faamalosia ai lou gafatia e tetee atu i faaosoosoga.

Atonu na te faamalosiau atu ia te oe e suesue i se autu faaleaoaoga faavae, e pei o le salamo, ona faasoia atu lea ia te ia o se mea sa e aoaoina. Atonu na te talosagaina oe lua te feiloi i vaiaso taitasi e lipoti mai po o le a se mea o e faia e aveesea ai oe mai tulaga tofotofoina.

#### O Afea e Tatau Ona ou Talanoa atu ai ia te ia?

Atonu e te mafaufau faapea, "E lelei lena mea, peitai e mafai faapefea ona ou iloa o mea sa ou faia e matautia tele e manaomia ai le talanoa

i le epikopo? O le tali pupuu: "O le a tau atu ia te oe e lou mafaufau." A e lagona le maini o le lotofuatiaifo, galue loa, (tagai i le Alema 34:31–34).

Na aoao mai le Tupu o Peniamina e faatatau i le salamo, "E le mafai ona ou tau atu ia te outou mea uma e mafai ona outou faia ai le agasala; ona ua tele ala ma auala eseese, ua matua tele lava e le mafai ona ou faitauina" (Mosaea 4:29). O lea, nai lo o le tuuina atu o se lisi auiliili e uiga i mea e ao ona e ta'uta'u atu i lou epikopo, sei ou faasoa atu nisi o mataupu faavae o le a fesoasoani e te faia ai lena filifiliga.

### O A Mea e Tatau ona Ou Tautau Atu?

Ou te iloa sa e taumafai e usiusitai, ae atonu ua e faia ni mea sese—e oo lava i ni mea sese matuia. O le tele o mea sese e fai e tagata e mafai ona faaleleia e ala i tatalo faaletagata lava ia ma le salamo faamaoni. O nisi o mea sese, ae maise lava ia mea sese na e faatatau i le le ola mama, e manaomia ai le tautau atu i le epikopo ae e te lei maua le faamagaloga a le Alii.

A o e mafaufau e uiga i mea sese na e faia, e mafai ona e lagona le tausalaina, le mautonu, le fiafia, po o le faanoanoa. Afai o e maua soo se tasi o na lagona, atonu la e moomia lou talanoa i lou epikopo e uiga i na mea sese.

Aua e te taumafai e faia ni alofaga mo oe lava pe fetuunai ni auala e te aloese mai ai. Atonu e mafai ona e mafaufau faapea, "O se maasiasi tele le tau atu i le epikopo o le mea sa ou faia. E manatu o ia o au o se tagata e lelei atu nai lo o lena. O le a te'i o ia

pe afai ou te tauina i ai le mea na ou faia. E le toe fiafia o ia ia te au."

Ou te folafola atu ia te oe na te le tausalaina oe. I le avea ai ma se auauna a le Alii, o le a ia agalelei ma malamalama ao ia faalogo atu ia te oe. O le a ia fesoasoani ia te oe i le faagasologa o le salamo. O ia o le avefeau o le alofa tunoa o le Alii e fesoasoani ia te oe ina ia mama e ala i le Togiola a Iesu Keriso.

Na fetalai mai le Alii: "Faauta, o le ua salamo i ana agasala e faamagalolina o ia, ma o au le Alii, ou te le toe manatua lava.

"Tou te iloa faapea se ua salamo i ana agasala—faauta, na te ta'uta'u atu ma lafoaia" (MFF 58:42–43).

Pe a e tautau atu ma lafoai au agasala, o le a faamagalolina oe e le Alii. O le a e le tali atu ia te la mo na agasala pe a oo i le taimi e faamasinoina ai oe.

### Ae Faapefea pe Afai ou te le Ta'uta'u Atu?

O nisi taimi o le a taofia e le tagata le faia o mea sese, ae le tautau atu lava, pe a manaomia, i lona epikopo. O se taunuuga la, o le a faaaauau pea ona tauaveina e le tagata le amoina na o ia o le agasala, nai lo le tuu atu i le Faaola e aveese le avega.

Sei ou avatua se faataitaiga. I se tasi afiafi i ni nai tausaga ua mavae, sa ou faatalanoaina ai tagata matutua mo le faafouina o o latou pepa faataga o le malumalu. Sa sau se tamaitai e faamatua tagata mo lana faatalanoaga. Sa faaipoipo i le malumalu, ma sa toaga i le Ekalesia i lona olaga atoa.

Sa ou lagonaina se faanoanoa tele i lona agaga. A o faagasolo pea le

faatalanoaga, sa ou maua se uunaiga faaleagaga. Sa ou fai atu ia te ia, "Tua-fafine, ua ou maua se uunaiga sa e faia se mea sese matuia ao e talavou e te le'i tautauina atu i se taitai perisitua. Mata e te manao e ta'u mai ia te au e uiga i ai?"

Sa amata loa ona tagi o ia. Sa ia ta'u mai ia te au e moni, ae sa ia lagonaina i taimi uma le maasiasi e tautau atu i le epikopo. Ina ua uma ona ia tau mai le mea sa ia faia, na ia faasoa mai ni faamatalaga auiliili na talafeagai ai mo au le faia o se iloiloga o lona agavaa.

O le tautau atu o lana agasala i se taitai perisitua na faailoga ai le faiiuga o le gasologa o lona salamo nai lo le amataga. Sa na tauaveina ma le leai o se uiga le avega ma le faanoanoaga o lena agasala mo le silia ma le 30 tausaga.

Talu ai ua na faamaeaina le laasaga mulimuli o le salamo, ua tafiesea lona tausalaina. E i ai ni taimi na ou vaai ai ia te ia talu mai le po o lena faatalanoaga. Sa susulu ona foliga, ma sa fiafia.

Ou te manao ia tou iloa ou te le o toe manatua lona igoa. E mafai ona aveesea e le Alii na manatua mai le epikopo. O le mea ou te manatuaaina e faapea, e ala atu i le tautau atu i lona taitai perisitua, na mafai ai e se tamaitai faamatua tagata ona maua le fiafia ma na aveesea mai ia te ia ia lagona o le tausalaina lea na ia tauaveina mo le tele o tausaga.

Faamolemole aua le faia lena mea sese. Afai e i ai ni ou lagona o le tausalaina ae e te le o mautinoa pe tatau ona tautau atu i lou epikopo, alu e vaai o ia. Faataga o ia e fesoasoani atu ia te oe. Aua le lamatiaina oe i le



amoina o se avega e le manaomia i lou olaga, lea o le a e lagona ai le faanoanoa. E ala i lou tautau atu i le epikopo ma lou salamo, o le a aveese ai e le Alii lena avega mamafa mai lou agaga (tagai i le Isaia 1:18).

### Aisea e Manaomia ai ona Ou Salamo?

Na totogi e Iesu Keriso le tau o agasala a tagata uma e ala i Lana tau-laga togiola. Ua Ia valaaulia oe ina ia salamo ma aloese mai faanoanoaga ma mafatiaga faaopoopo. “Salamo, ne’i . . . faigata tele ou puapuaga—o le tiga e te le’i iloa, ma o le uiga ese o le tiga e te le’i iloa, o le faigata ona onosa’i e te le’i iloa.

“Aua faauta, o Au, o le Atua, na mafatia i nei mea mo tagata uma, ina ia latou le mafatia pe afai latou te salamo;

“Ae afai latou te le salamo, o le a latou mafatia e pei lava o Au. . . .

“O lea, Ou te poloai atu ai ia te oe ia e salamo, . . . ma ia e tautau

atu au agasala, nei e mafatia i nei faasalaga ua Ou tautala atu ai” (MF&F 19:15–17, 20).

Ou te molimau atu e faapea, o Ona puapuaga, ua totogi ai e Iesu Keriso le tau mo a outou agasala. E mafai ona faamagaloina oe pe afai e te salamo. Aua e te taumafai e totogi le tau mo au agasala. E le lava lou mafatia e faaola ai oe; ua na o le Togiola e te maua ai le faamagaloga.

Tau ina ia outou faaaogaina le faatuatua ia Iesu Keriso ma Lana Togiola. Ou te molimau atu i le suafa o Iesu Keriso o le salamo, e aofia ai le tautau atu i lou epikopo pe a talafeagai ai, o le a mafai ai ona outou mama. E le gata i lea, e ala i le alofa tunoa o le Faaola—Lona mana gafatia —e mafai ai ona faamalosia lou tomai e tetee atu ai i faaosooosoga i le lumanai. O le mea lea, o le a outou maua ai le filemu o le mafaufau ma le fiafia i lenei olaga, ma o le a outou mauaina le ola e faavavau i le lalolagi a sau. ■



### O LO TATOU FOMAI SILI

“E tele taimi e ta’ua ai le Faaola o le Fomai Sili. . . . O le aafiaga o le

tausalaina i o tatou agaga e faapei foi o le aafiaga o le tiga i o tatou tino—o se lapataiga i se tulaga matautia ma o se puipuiga mai le faataumaoia. Mai le Togiola a le Faaola e maua mai ai le suau mafanafana e mafai ona faamaloloina ai o tatou manu’ a faaleagaga ma aveesea ai le tausalaina. Peitai, o lenei suau e na o mataupu faavae lava o le faatuatua i le Alii o lesu Keriso, salamo, ma le usiusitai faifapea e mafai ai ona faaaoga. O taunuuga o le salamo faamaoni o le filemu o le mafaufau, mafanafana, ma le faamalologa ma le faafouga faaleagaga.

“O lou epikopo po o le peresitene o le paranesi o le fomai fesoasoani faaleagaga lea ua faatagaina e fesoasoani ia e salamo ma faamaloloina.”

Elder David A. Bednar o le Korama a Apostolo e Toasefululu, “Matou te Talitonu i le Nofomama,” *Liahona*, Me 2013, 44.



Saunia e Elder  
O. Vincent Haleck  
O Le Fitugafulu

# Valaauliaina o le Faaola i Totonu

*"Faauta, ou te tu atu i le puipui ma tuitui atu; ai se tasi e faalogo mai i lou leo, ma tatala mai le puipui, ou te ulufale atu ia te ia"* (Faaaliga 3:20).



**A**o ou laitiiti, i le vaitaimi o le Kerisimasi e faapiipi ai i luga e lo'u tina se ata o le Faaola o loo tuitui i le faitotoa. E lei avea i matou ma tagata o le Ekalesia i lena taimi, ma e masani lava ona ou fesili, "Aisea ua tuitui ai Iesu i le faitotoa? O ai o i le isi itu?" I ni nai tausaga mulimuli ane, sa ou iloaina ai sa leai se au o le pito i fafo o le faitotoa lea na tuitui ai le Faaola. E tatau i le tagata o loo i totonu ona tatala mai le faitotoa. Ua ou iloa nei le tagata o loo i le isi itu o le faitotoa. O i tatou! O loo tu'itu'i mai le Faaola, ma o i tatou uma e tatau ona tatalaina le faitotoa ma valaaulia o Ia e afio mai i totonu o o tatou olaga.

A o avea au ma se talavou, sa ou filifili e valaaulia le Faaola i totonu o lo'u olaga e ala i le papatisoina ma avea ma se tagata o le Ekalesia. O a'u uo na avea ma ni faataitaiga lelei

ia te au. Sa faapena foi ma lo'u tina-matua. Sa avea o ia ma se tagata fai-galuega i le Malumalu o Los Angeles Kalefonia. Na te tuua lo matou fale i le 4 i le taeao e auauna atu i le Alii i le malumalu.

E na o le lua tausaga talu ona ou papatiso, ae ou filifili ou te manao e auauna atu i le Alii i le avea ai ma se faifeautalai faamisiona. I la'u misiona, sa ou fesoasoani i le toatele o tagata e aoao e uiga i le Faaola ina ia mafai ona latou valaauliaina o Ia i totonu o latou olaga.

Mulimuli ane, sa ou auauna atu o se peresitene o le misiona i Samoa. E masani ona ou fesiligia faifeautalai fou po o anafea na latou filifili ai e auauna atu i se misiona. O le toatele na fai ao latou i ai i le Peraimeri sa latou filifili ai e auauna atu!

O le Peraimeri o le a fesoasoani ia te oe e saunia ai mo le galuega faafaifeautalai. Aoao i ni mea se tele e te mafai. Seti se sini e fai se misiona. Ona mafai foi lea e oe ona fesoasoani i tagata e valaaulia le Faaola i totonu o latou olaga. O le avea ma se faifeautalai o le a suia ai lou olaga—na suia ai lo'u olaga. ■

# Tiakono Fou

*O le tufaina o le faamanatuga o se tiutetauave tele. Ae faapefea pe afai e sasi o ia?*

**Saunia e Jane McBride Choate**

E faavae i se tala moni

*"O lenei foi o i latou uma o e e talia lenei perisitua ua latou talia a'u, ua fetalai mai ai le Alit" (MF&F 84:35).*

**N**a tu Benji i luma o le faata, e faasaosao lona fusiua. Na fetau lelei lona ofutino pae-pae ma le ofuvae lanumoana paauli. Na seluina lona ulu. Na mautinoa lava lona foliga saunia e faauuina o se tiakono. Aisea la na ia lagona ai le popole tele?

Na uu mai e Benji ana tusitusiga paia, ma aluese mai le potu. Sa ia taumafai e aua le mafaufau fua e uiga i le ala o le a eseese ai mea i le lotu i le asō. Ma sa i ai foi le tiute fou o le perisitua lea na faapopoleina ai o ia i soo se taimi lava e mafaufau ai i ai: o le tufaina o le faamanatuga. Ae faapefea pe a ia faia se mea sese i lona taimi muamua i le vайaso a sau? Sa ia taumafai e faagalo foi lena mea ao ia tuua le fale.

Sa tutusa lava faagasologa o le sauniga faamanatuga e pei ona masani ai. Ae ina ua maea, na savavali atu Benji ma lona aiga i le ofisa o Epikopo Salazar. Na mautinoa lava le ese o lenei mea. E masani lava ona i ai o ia i sauniga amata o le Peraimeri i le taimi lenei.



# Lava



"Afai o le a faalauteleina e outou . . . tiakono o outou valaauga, o le a avea outou ma tufugaaao o le Atua, i le taimi nei, aua o le perisitua o loo i le taulealea e tutusa lava le mamana ma le perisitua o loo i le alii matua pe a faatinoina i le amiotonu."

Elder Tad R. Callister of the Seventy, "O Le Mana o le Perisitua i le Taulealea," *Liahona*, Me 2013, 54.

Sa saofai Benji ao tuu e Tama, le epikopo, le peresitene o Alii Talavou, ma fesoasoani o le epikopo o latou lima i luga o lona ulu. Na tuuina atu e tamā ia te ia le Perisitua Arona. I le taimi o le faamanuiaga, na mou ese atu ai le lagona popole sa ia Benji. Sa ia lagona le to'a ma le fiafia.

Na tulai Benji ma lululima ma tagata uma. Ona ia fusiina lea o Tina ma lona uso, o Jay, ma lona tuafafine laitiiti, o Mirasol.

Mulimuli ane, sa alu o ia i le Aoga Sa. E ui lava e le tutusa ia vasega fou ma vasega lea sa i ai i le Peraimeri, ae na tutusa lava faalogona. O le lesona na faatatau i le tatalo. Na tele lava ana lesona e faatatau i le tatalo a o i ai i le Peraimeri. Na mapuea Benji ua uma atu lona popolevare. Atonu o le avea ma se tiakono o le a le faigata tele.

"O le a maoae," na fai atu ai Jay ia Benji ina ua uma le lotu. "O le a ou faamanuiaina le faamanatuga ae tufa e oe."

Na toe oo uma mai lava ia lagona popole ma le fefe. "Ioe, manaia," na ia fai atu lemu ai. O le tufaina o le faamanatuga o le mea lea na sili ona popole i ai Benji!

I se taimi mulimuli ane i lena po na maua atu ai e Benji ia Tama o faitautusi i luga o le nofoa umi. "Ae faapefea pe afai ua ou misia se tasi ma latou le mauaina ai le faamanatuga? o lana fesili lea. "Ae faapefea pe a ou lävea?" Sa mafai ona ia vaai manino faalemafaufau atu i lena aso, i le salalau o le fata i le fola ma felelei solo ipu vai.

Sa oomi e tamā le tauau o Benji. "Ou te manatua le taimi muamua na ou tufaina ai le faamanatuga. Masalo na sili atu lou popole nai lo oe i le taimi nei."

Na emoemo Benji i le te'i. "Oe? E te le fefe i se mea!"

Sa ata Tama. "Sa ou fefe i le tele o taimi. E te iloa le mea na fesoasoani e aveese ai lou popole?"

Sa mafaufau Benji i sina taimi. "Tatalo?"

Na ataata tama. Sa'o lena. Tatalo. Ma na fai e lo'u tamā sou faamanuiaga. E te manao ou te faia sou faamanuiaga?"

Sa vave le lue [o le ulu] o Benji. "Ioe! Ou te manao tele i ai."

Sa faapotopoto le aiga i le potu malolo. Sa tuu e Tama ona lima i luga o le ulu o Benji. A o tautala Tama, na

lagona e Benji le amata ona maligiligi o ona loimata. "Ia manatua," na fai mai ai Tama i le faamanuiaga, "ua e mauaina le perisitua e ala i se sau-niga paia. Ua tuuina mai e le Tama faalelagi ia i tatou le perisitua ina ia mafai ona tatou auauna atu ai i isi. Afai e mafai ona e faia lenei mea ma le faamoemoe atoa o le loto, o le a faamanuiaina oe i lenei mea ma i mea uma."

O le vaiaso atoa lava na tatalo ai Benji mo se fesoasoani. O le Aso Sa na sosoo ai, na faatasi atu ai o ia i le au tiakono i le pito i luma o le falesa. Na ia faalogologo ma le totoa ao faamanuiaina e Jay le falaoa.

Na faafusei lava ona ia toe lagonaina atoa le popole. Mata e mafai ona ia faia lenei mea? Sa matua taua tele! Ona ia manatuaina lea o folafolaga mai le faamanuiaga a Tama. Na mouese atu ona lagona popole ao faatasi atu le Agaga ma ia.

Sa ia siiina i luga le fata ma savali atu ma le mautinoa i laina na tofia i ai o ia. Ma le faaeteete, sa ia tuuina atu ai le fata i se tamaitai i le laina muamua.

Sa ataata ane o ia ia te ia. Sa toe ataata mai i ai Benji, ma le iloaina sa ia auauna atu i le Alii. ■

# Faatalitali

## i Uinita Kuata

Uinita Kuata

IOWA


Navu

Saunia e Jennifer Maddy

### O Se Aai Fou

Ina ua mavae ona fasiotia le Perofeta o Iosefa Samita, na avea Navu, Ilinoi, ma se nofoaga matautia. Na sosola ese le Au Paia mai o lo latou fale e sue se nofoaga saogalemu e nonofo ai. Ia Fepuari 1846, na amata ai e le vaega muamua o le Au Paia la latou savaliga umi agai i sisifo, peitai o le leaga o le tau ma ma'i na latou tuai ai. E oo ane i le taimi na latou sopoia ai Iowa, ua fai si tuai o le tausaga mo le aea o Mauga Papa a o le'i oo i le taumalulu. O lea na filifili ai e taitai o le Ekalesia se nofoaga e mafai e le Au Paia ona nonofo ai mo le taumalulu. Sa latou faaigoaina o Uinita Kuata.

*O le faaaliga lenei i totonu o le Nofoaga Autu o le Alasopo a Mamona i Uinita Kuata ua toe faia ai se tolau-apiga i le auala o Iowa lea na tusi ai e William Clayton le viiga "O Mai, O Mai, Outou le Au Paia" (Viiga, nu. 30).*





## Galulue Faatasi

O nisi tagata sa fausia ni fale i ogalaau po o ogāpalapala. Isi sa nonofo i faleie ma ana. Sa tau-mafai le Au Paia ina ia fafia i le taimi umi, ma le maatiati o le tau-malulu. Sa latou fesoasoani a'i. Sa o i konaseti ma pepese ma sisiva. Sa latou fausia se fale vili falaoamata, se fale faafafia o le taulaga, ma se falegaosi ato.

## Siitia Ese Atu

Sa faigata le taimi na faalu e le Au Paia i Uinita Kuata. E toatele tagata na maliliu. Ae sa faatuatua le au paionia o le a faamanuia i latou e le Alii ma fesoasoani ia latou oo atu i Siona. Ina ua oo mai le tauto-togo, na tuua e le vaega muamua o paionia ia Uinita Kuata ae malaga atu i le Vanu o Sate Leki.

I le taimi nei ua mafai ona e vaia

le Malumalu matagofie o Uinita Kuata, Nebraska ma asiasi atu i le Nofoaga Autu o le Auala a Mamona i Uinita Kuata e aoao atili ai e uiga i paionia. ■



*O nisi o le Au Paia  
na fauina ni tamai fale  
laau e nonofo ai ao i  
ai i Uinita Kuata.*

*I le Nofoaga Autu o le Alasopo a  
Mamona, e mafai ona e vaia ai ia  
ituaiga o sapalai na aveina e le Au Paia  
i la latou malaga i sisifo. Sa ta'u atu e  
taitai o le Ekalesia ia i latou e ave ia  
falaoamata, mea faamanogi meaai,  
araisa, pi, ma susu povi.*



# Na Malolo le Au Paia i Uinita Kuata

Saunia e Arie Van De Graaff

Sa nonofo le au paonia mo se taimi i Uinita Kuata e faatali ai le mavae atu o le taumalulu ao lei faaauauina la latou malaga i sisifo. Vaai pe mafai ona e mauaina ia mea faitino o loo nana i le ata lenei.



Penitala



Fasi pai



Ulo



Sipuni



Sipuni e liliu  
ai fuamoa



Tusi



Palaea



Iputi



Fusi



Pine pouli



Karoti



Lole laau



Nila



Uati



Pea  
(fualauu  
aina)





**Saunia e**  
**Elder D. Todd**  
**Christofferson**

O Le Korama  
 a Apostolo e  
 Toasefululua


*O uso o le Korama  
 a Apostolo e  
 Toasefululua o ni  
 molimau faapitoa  
 a Iesu Keriso.*

# E faapefea ona fetalai mai Iesu Keriso i perofeta?


Atonu na ia auina  
 mai se avefeau pe faaali  
 mai o la lava.



Atonu na ia  
 fetalai mai  
 i Lona lava  
 siufofoga po  
 o le leo o le  
 Agaga Paia.



Atonu sa la fetalai atu i  
 Ana auauna taitoatasi, pe  
 na la fetalai atu ia i latou ao  
 latou fefautuaai faatasi.



Mai le "O Le Mataupu Faavae a Keriso,  
*Liahona*, Me 2012, 86–90.

E faapefea  
ona agalelei  
atu Ema pe afai  
o le agaleaga  
ia o Vaioleti?

# Fesoasoani

**Saunia e Charlotte Mae Sheppard**

E faavae i se tala moni

*"E te alofa atu i le lua te tuaoi ia pei o oe lava ia te oe" (Mareko 12:31).*

**N**a mau le uu a Ema i lana ato faafafa a o ia savali atu i lona potuaoga fou. O le aso muamua lea o le aoga. Sa ia ofuina le ofu e sili ona fiafia i ai, ma sa teu e Tina se meaai faapitoa faatasi ai ma meaai o le malologa—o masi manu.

"O le a sili ona lelei lenei aso," o mafaufauga ia o Ema ia te ia lava. "Pe afai lava e—"

Sa tu Ema ma sioa atu i leisi itu o le potuaoga. O ia lale. Vaioleti.

O le tausaga ua tea, sa na o Vaioleti lava e faaaogaina ia pa uamea e taupe ai i malologa uma. Sa ia valaaicina Ema i ni igoa. Sa ia faoina foi le uo mamae a Ema!

Na iloa atu e Vaioleti Ema ma faaeto atu i ai lona laulaufaiva. Na sioa mai i ai Ema, ma atili uumau ai lana ato faafafa. O le agaleaga ia o Vaioleti i le tausaga atoa lea ua tea, ma e foliga mai e leai lava se mea o le a ese ai lenei tausaga.

"E faafeiloai atu i lenei tausaga fou, vasega! O le tala lea a Miss Caldwell mai le pito i luma o le potu. "Sei o tatou faatulagaina ni nofoa."

Sa laina tai lua kesi mai le isi itu i le isi itu o le potuaoga. Na faasolo e Miss Caldwell lona lima i lalo o le

tauvalaauga; ona faasino lea i ni pea kesi o i tua. "Ema. O le a e nofo i tua i o."

Sa nofo i lalo Ema i se tasi o kesi o i tua. Sa ia faamoemoe o le a nofo Liselle i ona autafa. Po o Jaime. Po o— "Vaioleti."

Na ea faafuasei ifo i luga le ulu o Ema. Na sao ea lana faalogo?

Ioe. Sa tusi pea Miss Caldwell i le kesi i ona autafa. "O le a avea oe ma tuaoi a Ema, Vaioleti," o lana tala lea.

Na savali faatautau atu Vaioleti agai ia Ema ma le faauu. Na tuu e Ema lona ulu i luga o lana kesi ma sioa atu i le puipui. O le a avea ma se tausaga umi lava.

I le taimi o le matematika, na tusia e Miss Caldwell nisi o faafitauli [o le matematika] i luga o le laupapa e fai e le vasega. "E mafai ona e galue na o oe pe galulue ma lou tuaoi," o lana tala lea.

Na vave ona punou Ema i luga o lana pepa ma faafoliga o loo pisi. Na faigofie lava ia faafitauli [faamatematika]. Ae sa na o lona taumafai lava e aloese mai ia Vaioleti. Na te lei tilotilo lava ia te ia i le taeao atoa.

Sa i ai se mea na tuiina mai

lona tauau. Na lagona e pei o se penitala. E lei amanaiaina e Ema.

Sa toe tui mai. Sa tui o ia e Vaioleti! Sa faauau pea ona galue Ema ma le faamaualuga.


O le tui lona tolu a Vaioleti na mamafa tele ma ua tiga. Na lagona e Ema ua amata ae lona ita. Mata o le mea lea o le a i ai lenei tausaga atoa? Sa ia mafaufau e sii i luga lona lima



# ia Vaiōleti

e tau ia Miss Caldwell. Pe masalo e na o lona sioa atu ia Vaiōleti.

Ona faalogoina lea e Ema o se masusu. O tagi se tagata? Na tui mai o ia e le penitala. Na ia vaai atu ma iloa ai le faataupupula mai o Vaiōleti ia te ia. Sa uu i lona lima lana penitala, ma sa i ai loimata i ona mata. Na lilofia lana pepa i osiosiga o le titina.



Na femilomilosai e Vaiōleti le penitala sa i ona lima. "E mafai ona e fesoasoani mai ia te au?" na ia fesili lemu mai ai.

Na tilotilo atu Ema ia te ia mo se minute, ua tei. Na manao Vaiōleti na te fesoasoani atu ia te ia? I le faafia ai ona ia agaleaga ia te ia? Na toe liliu atu Ema i lana ia pepa. E mafai ona galue lava Vaiōleti ia na o ia. Na te le agavaa mo se fesoasoani mai ia Ema, e tusa lava pe o ia . . .

. . . lona tuaoi?

Na faasaga lemu atu Ema i luma. Sa ia lagonaina le tagi lemu o Vaiōleti i ona autafa. E masani lava ona fai mai tusitusiga paia ia alofa i lona tuaoi—ae na ese lava Vaiōleti ia! O le vasega lava lea ua ala ai ona nofo Ema i ona autafa!


Na toe faaauau pea le meaaoga a Ema. Ona ia tu lea. Atonu e le ese Vaiōleti. Atonu na fai mai tusitusiga paia e alofa i lou tuaoi, o lona uiga o loo fai mai o tagata uma. E oo lava i tagata agaleaga ma e le alolofa. E tusa lava pe faigata.

Sa mapuea Ema ma tuu lemu i lalo lana penitala. Sa ia liliu atu ia

Vaiōleti ma taumafai i le mea sili na te mafaia e ataata. "E mafai ona ou fesoasoani atu?" o lana fesili lea.

Na luelue mai Vaiōleti, ma soloese ona loimata i lona lima.

Na punou atu Ema i luga o le pepa a Vaiōleti ma amata ona fesoasoani i le numera muamua. Ua leva ona ia lagonaina le mafanafana i totonu ia te ia. Sa ia mafaufau pe faamata e fiafia Vaiōleti i masi manu. ■



## MULIMULI IA IESU

E finagalo lesu ina ia tatou alolofa i tagata uma. I tusitusiga paia, sa la aoaoina i tatou e alolofa i o tatou aiga ma uo ma agalelei atu ia i latou. Sa aoao mai foi lesu, "la outou alolofa atu i e ua fetuu mai ia te outou, ia outou agalelei atu i e ua inoino mai ia te outou" (Mataio 5:44). O lona uiga e tusa lava pe le lelei mai se tasi ia te oe, e mafai ona e mulimuli ia lesu e ala i le agalelei ma taumafai e avea ma se uo.



# O Le A Ou Faasoaina atu le Talalelei i Fanau Uma a le Atua

AGAVALE: ATA NA TUSIA E MARK JARMAN; TAUMATAU MALE AGAVALE AGAIN  
TAUMATAU LE TULUMANUPTO LLUGA LIE AGAVALE: ATA NA TUSIA E IM MADSEN,  
JARED BECKSTRAND, ERIC BARCLAY, MA CELESTE SMITH

## KATA E FAASOA ATU

E mafai ona e faasoatua le talalelei e ala i le faasoaina atu o se kata fepasiasi. Na o le faapipii lava o kata i le itulau e sosoo ai i luga o se pepa malo. Ona otiina lea o kata ma tusi ai i le isi itu lau savali.

**M**ata na i ai se taimi na e aina ai se mea e matuai manaia lava na e manao ai e faasoatua? Na i ai se taimi na miti ai le perfeta o Liae e faapea na ia 'ai i se fua o se laau suamalie lava. Na manaia tele lona tofo na "faatumulia [ai lona] agaga i le olioli tele" (1 Nifae 8:12). Na manao Liae i lona aiga ina ia tofo foi i lena fua suamalie.

O le fua i le miti a Liae e pei o le alofa o le Tama Faalelagi. Na manao Liae i lona aiga ina ia lagonaina le alofa o le Tama Faalelagi. Sa ia manao e faasoatua le talalelei ia i latou ona sa ia iloa e aumaia ai ia i latou le fiafia.

E masani lava ona lelei tele ia tamaiti i le faasoatua o le talalelei i isi.

Na vaai Maria e valu tausaga i

faifeautalai i le alatele o Ekuatoa. Sa ia fesili atu ia i laua pe mafai ona la aoao ia te ia le talalelei. Na o atu faifeautalai i le fale o Maria e aoao atu lona aiga. O Maria o le tagata muamua i lona aiga na papatisoina. Sa matua fiafia o ia ina ua auai foi mulimuli ane lona aiga atoa i le Ekalesia.

O Eric e iva tausaga le matua sa matuai fiafia lava i le polokalama o le sauniga faamanatuga a le Peraimeri o lea sa ia valaaulia ai ona tuaoi e o mai. Sa latou o mai.

O nei tamaiti uma e toalua na la faasoaina i tagata la te alolofa i ai ni mea taua. A o e faasoatua le talalelei, o le a tuputupu ae lau molimau. Faapei o Liae, o le a e lagonaina foi "le olioli tele." ■

## PESE MA LE MAU

- "Matou te Aumaia le Upu Moni i le Lalolagi," *Tusipese a Tamaiti*, 92–93
- Mataio 5:16


## TATOU TALANOA

E mafai ona e fai atu i tagata taitasi o le aiga e tusi se ata o se fua o se laau suamalie e fiafia lava i ai. O tua la o le ata, e mafai ona tusi ai e tagata taitasi le auala o faamanuiaina ai e le talalelei o latou olaga. E mafai ona tou talanoa faatasi e uiga i auala e mafai ona e faasoatua ai le talalelei i uo ma tuaoi.




“Aua e te fefe, aua  
ou te ia te oe.”

Kenese 26:24



“Amuia e faatupuina  
le filemu.”

Mataio 5:9



“A ia outou  
feagaleleiai, ia  
femutimutivaleai  
lo outou alofa, ia  
fefaamagaloai  
outou.”

Efeso 4:32



“Ia outou  
faafetai i  
mea uma  
lava.”

1 Tesalonia 5:18



# O Kamila mai le Aai o Niu Ioka

**O**Kamila e iva tausaga le matua ma e toatele ia o ana uo. "O le mea ou te fiafia ai i au uo ona e ese-ese uma lava i latou," o lana tala lea. "Latou te o mai mai nofoaga eseese, ma e ese-ese auala latou te faia ai ia mea." E fiafia Kamila e aoao mai ana uo ni mea lelei, ma e fiafia e faasoa atu ni mea ia i latou. O le mea e sili na ia faasoa atu i se uo o

le talalei lea. Ina ua uma ona faasoat atu le mataupu faavae muamua o le faatuatua i lana uo o Yailin, na valaaulia e Kamila le aiga o lana uo e feiloai i faifeau-talai. Na aoao foi e Kamila Yailin i le auala e tatalo ai. Ua avea nei Yailin ma lona tina o ni tagata o le Ekalesia.

*Na papatiso la'u uo o Yailin i le 2011. Ou te fiafia e mafai ona ma o faatasi i le lotu. O loo ou fesoasoani ia te ia e tauloto le Mataupu Faavae o le Faatuatua. O loo ma galulue i le mataupu faavae o le faatuatua lona iva.*

*O pese ou te fiafia lava i ai o le "O Au o se Atalii o le Atua" ma le "E Mafai Ona Faavavau Aiga." O le mau ou te fiafia lava i ai o le Mataupu Faavae ma Feagaiaga 19:23: "Aoao mai ia te au, ma faalogo mai i a'u upu; savali i le agamalu o lo'u Agaga, ma o le a e maua ai le filemu ia te au." O lenei mau e masani lava ona faafiafaina au pe a ou faanoanoa.*





O lou tina ma lou tama e o mai mai le Ripapelika Tominika. Masalo o le mafuaaga lena ou te fiafia ai i le araisa ma pi ma le moa. E faamanatu maia ia te au le mea na o mai ai lou aiga.



E toalima tagata i lou aiga. O lou uso, o Emily, o le a papatiso ma faamauina ia Tesema. O lou tua-gane, o Victor, e faaigoa i le igoa o lou tama. E lei i ai ni au fagafao, ae o lea ou te mafaufau e aumai se laumei. Ou te fiafia i laumei aua e aulelei ma e tuai le latou o, o lea e le sosola ese ai.



Ou te fiafia i le tala ia Kapeteni Moronae i le Tusi a Mamona. Na faitauina e lo'u tama i le afiafi faaleaiga, ma na uunaia ai au e fai sau ia lava fua. E faamanatu mai e lau fua ia te au po o ai au ma loo faatasii mai pe a e le aunoa le Tama Faalelagai ia te au.

# O LA TATOU ITULAU



Na aoao mai e ou matua ia te au le talalelei ma ua avea ma faataitaiga lelei ia te au mai lo'u laitiiti. Sa ou aoao e fiafau ia tala i tutsusiga paia mo le fanau, ma o le taimi nei ou te fiafia i le Tusi a Mamona. Ou te fiafau i ai i aso uma, na o au faapea foi ma lo'u aiga. O Amona o le tagata ou te fiafia i ai i le Tusi a Mamona. O ia o se faifeautalai maoae, o se mea ou te manao ia avea ai au pe a ou matua.

**Esteban M., 8 tausaga, Colombia**



Ina ua alu se tafaoga a lou aiga i Panama, o le atunu moni o lo'u tina, sa ave e ou matua i maua ma lou tuafafine laitiiti, o Yhoalibeth, e asiasi i le Malumalu o Panama City i Panama. Sa aveina i maua e lo ma tina e pa'i atu i le puipui o le malumalu. Mulimuli ane, ina ua ou ta'u atu i lo'u tina le fiafia sa ou lagonaina a o matou i ai i le malumalu, sa fai mai o ia sa ou lagonaina le Agaga Paia.

**Sergio B. Jr., 7 tausaga, Florida, ISA**




## PERAIMERI: MULIMULI IA IESU

*O Maurizio D., 11 tausaga, mai Italia, e fiafia i sauniga faamanatuga aua na te aoao ai e uiga i le Tama Faalelagi ma lesu Keriso. E fiafia o ia e alu i le lotu aua e malie ma manaia ma e matua matagofie lava. E fiafia o ia i le Ekalesia ma le tele o ana uo.*



**Pasha Z., 9 tausaga, Lukureini**



*O Letícia C., 6 tausaga, na 3 ona tausaga ae faamaeaina le Malumalu o Curitiba Pasila. Sa fiafia o ia e alu i le malumalu, ma alu i ai i aso uma o le vaiaso mulimuli o le fale tatala. O loo fiafia pea o ia e asiasi atu i le malumalu ma savalivali i totonu o togalaau matagofie. E fiafia foi Letícia e tusiata ma aau.*



Ina ua matou sauni mo le suatiaina o le eleele mo le Malumalu o Tijuana Mekisiko, sa matuai fiafia lava i matou. Sa matou o o se aiga e auauna atu. Na matou faamamina ia lotoa o le malumalu. Ou te iloa o le a asiasi mai le Alii i Lona maota pe a maea.

**Jesus S., 6 tausaga, Mekisiko**



## Bảng Khắc Bảng Vàng

O le suesueina o tusitusiga paia e fesoasoani ai ia te au e filifili le mea sa'o.

**"O Papatusi Auro," saunia e P. Tuyêt Hoa P.,  
10 tausaga, Kemupotia**




Ou te filifiliina le mea sao pe a ou mulimuli i le Tama Faalelagi ma lesu Keriso.

**N. Thi LinĐa, 8 tausaga, Kemupotia**



Ou te fiafia e alu i le lotu faatasi ma lo'u aiga ma aoao e uiga ia lesu Keriso. I le fale ou te fiafia e faitau ma aoaoina tala i tusitusiga paia, usuina o viiga, ma taaalo i taaloga i le taimi o afiafi faaleaiga. E faamanuiaina lo'u aiga e le talalelei ma ou te lagona ai le fiafia. Ua uma ona ou tuuina atu se Tusi a Mamona i ni faiaoga se toatolu ma lau uo mamae, o Miguel. O la'u pese Peraimeri ou te fiafia i ai o le "Matou te Aumaia le Upu Moni i le Lalolagi" (*Tusipese a Tamaiti*, 92).

**Martim P., 6 tausaga,  
Potukale**




O la'u vaega e fiafia i ai i le Tusi a Mamona o le tala ia Nifae ma le malaga i luga o le sami.

**Kelly C., 10 tausaga, Filipaina**



Tatou te manaomia ona faamauina i le malumalu ina ia mafai ona tatou ola o se aiga e faavavau.

**Shanna C., 8 tausaga, Filipaina**



**Henrique S., 7 tausaga, Pasila**


# Ua Faamanuia e Iesu Tamaiti Laiti

Saunia e Jan Pinborough

Mekasini a le Eklesia

E toatele tagata na potopoto atu  
ma siomiaina Iesu. Na latou fia  
faalogo ia te Ia o faamatalaina  
ia tala. Sa latou fia faalogo ia te  
Ia o aoao e uiga i le lagi.





A mamai tagata, na  
faamaloloina e Iesu i latou.  
Sa Ia faamaloloina tagata  
o e na le iloa se mea. Sa Ia  
faamaloloina tagata e mafai  
o e na le lagona ni mea.



I se tasi aso na aumai ai e tagata a latou fanau laiti e vaai ia Iesu. Sa latou mananao ia te Ia e tuuina atu i a latou fanau se faamanuiaga. Sa ta'u atu e soo o Iesu i tagata e aua le faalavelave ia Iesu. Sa latou manatu ua pisi tele o Ia.

E lei pisi tele Iesu. Sa  
Ia fetalai atu i le au  
soo e tuu tamaiti e  
o mai ia te Ia. Sa Ia  
fetalai mai, o le malo  
o le lagi e anaina e  
tagata ua faapei o  
tamaiti laiti.



E alofa Iesu i tamaiti uma. E le afaina po o ai oe, pe faapei ou foliga, po o fea  
e te nofo ai. E alofa Iesu ia te oe! ■

*Mai le Mareko 10:13–16.*



### Ua Faamanuia e Iesu Tamaiti Laiti

“Ona siitia lea e ia o i latou i ona lima, ua faaee foi ona aao i luga ia te i latou,  
ma faamanuia ia te i latou” (Mareko 10:16).

# OU TE PALAUVALE . . .



**Saunia e R. Val Johnson**

Mekasini a le Ekalesia

O le vaiga i foliga o lou tina na tuia ai lou loto. Te'i. Faanoanoa. Le fafia. Na faatumulia auauai uma ai ona mata ona tuufaatasia ai lea i se lagona se tasi—o le faalata.

E ui i lona aoaoina o au i ou tausaga uma e 15 ina ia faamamaluina le Tama Faalelagi i le upu ma galuega, ao lea ua ou tu atu, faanoanoa i le faatagaina o se upu aemaise lava o se upu masoa e tuua ou laugutu.

Ou te lei mafaufauina e palauvale. A o lei oo i lena tausaga, ou te lei faaaogaina lava se gagana masoa. Ae o lena taumafanafana, sa ou faigaluega ai mo le Utah's Fish and Game Department ma maua mai ai se mausa mai isi alii o loo matou galulue faatasi.

O le matou galuega autu o le tatipiina lea o vao matutuia mai autafa o le auala o le malo. Na vave ona matou filifili o le *Arctium minus* po o vao matutuia o se vao matuai leaga lava. E tupu tele ma ola i soo se nofoaga, ma e tanumiaina isi laau. O ona mea maaei pipii i soo se mea e latalata atu i ai.

Suo i le lima, na matou tau ma lena laau faalafua i le taumafanafana atoa seja oo i le tulaga o le vaivai—ma le gagana masoa. I le taimi muamua sa ou le fafia ai i le gagana a le matou aufaigaluega. Ona ou tatalia lea. Mulimuli ane, ua ou faaaogaina. E oo atu i le faaiuga o le taumafanafana, ua pipii le palauvale i a'u upu e pei o le mau o le pipii o vao matutuia i fulufulu o taifau.

*Na pipii le palauvale i a'u upu e pei o le mau o le pipii o vao matutuia i fulufulu o taifau.*

Ae peitai, o uiga faaalia a lou tina i le sese o le gagana, na faatalitonuina ai a'u e tatau ona ou suia.

E le'i faigofie. O le palauvale e le na o se filifiliga o upu. O se mamanu foi o le mafaufau. O talanoaga tatou te faatagaina i o tatou olaga, o upu tatou te faitau ai, mata o tatou matamata ai e mamanuina ai o tatou manatu. Na ou iloaina vave e tatau ona ou suia ia mea sa ou valaaulaina i lo'u mafaufau pe afai ou te manao e sui ia upu na ou faaaogaina.

O le mea e faafetai ai, sa ou toaga e auai i le lotu ma le seminare. Na aveesea e le palauvale isi manatu sili atu, ae ina ua toe i ai i se siosiomaga lea na aafia ai i na manatu sili atu na mafai ai ona toe mauua. Na ou taulai atu i le faitauina o tusitusiga paia i aso uma ma tatalo. Sa ou aloese mai ata tifaga ma polokalama a le televisé lea na toe faalauiloa mai ai ni mafaufuga pogisa.

Na faasolosolo malie, ona ou iloaina le faaleleia atili o le gagana. E oo atu i le faaiuga o le tausaga, ua ou saoloto mai lo'u mausa o le palauvale.

Talu mai lena aafiaga, ua ou aoaoina ni mea se tele e uiga i le malosi o upu. E mafai e upu ona fatuai pe faaumatia. E mafai ona latou faatiga, pe faamaloloina foi. E mafai ona latou tuuina i lalo tagata, pe latou te totolina foi ia fatu o le faamoemoe ma le alofa.

E ese le mataina o le mafaufau i le Faaola Lava Ia, le Foafoa o le lagi ma le lalolagi, o le Upu (tagai i le Ioane 1:1–4; MF&F 93:6–11).

O le taunuuga lava la: E avea atili i tatou e faapei o le Upu pe afai o a tatou upu e faamamaluina ai o Ia ma atagia mai ai Lona mamalu. ■



ATA NA TUSIAE ROBERT T. BARRETT

## TAVITA O. MAKEI

Na soifua ae **Tavita O. MaKei** i le faatoaga a lona **aiga** i Huntsville, Iuta. Na fiafia o ia i meaola ma tausia ia **solofanua** i lona soifuaga atoa. Ina ua ia au-auna atu i se misiona i Peretania Tele, sa ia maua ai se **faaupuga** faapea lea na avea ma ana mautauave: "Po o le a lava lau galuega, ia fai lelei lau vaega." Sa ia toe foi atu i Peretania Tele i le tele o taimi ma faapaiaina ai le **Malumalu o Lonetonā Egelani** i le 1958.



“*le avea ai ma matua ma taitai, e manao-mia ona tatou fesoasoani i le autalavou e le gata i le sauniuni mo le auaunaga faafaiseautalai, lea e na o ni nai masina le umi, ae faapea foi mo le osia ma tausia o feagaiga o le malumalu, lea e oo atu i le faavavau le umi. O le laasaga muamua e mafai ona amata a o laitiiti.” Tagai i le “O Talavou ma Feagaiga o le Malumalu,” itulau 18. E mafai ona fesoasoani lenei tusiga ma isi tusiga o i totonu i tagata o le ekalesia, talavou ma matutua, e saunia lelei ai e faasoa atu le talalelei ma ola ai.*

O LE EKALESIA A  
**IESU KERISO**  
O LE AU PAIA O ASO  
E GATA AI